

MALĀLÚSYO NA MĀMŪLO

BAHIBURI KIYABO III

♪ ...ukuya apa ikilo iki kāngi ku kipānga, ukugūlila mu bulilanisi ubununu ubu nukwīputíla ukusyūngutíla i Lisyu lyā Kyāla ili lipīgwe kwa uswe kisitakuhomba. Kangi uswe tuli...tukuganíle ukuya balilanisi bwa lusayo ulu.

⁵⁵⁴ Kangi une ngusūbíla itolo u Kyāla isakutusayaga uswe ikilo iki mūmo Umwēne ābōmbíle ulubunju ulu, ni ndumi ya ndubunju. Kangi une nāybágá itolo nu mpalamani gwāngu, Nka. Wood, pítasípo, kāngi uswe twāyobesaniaga ikyéne, kangi Tāta. Wood na bēne. Kangi une ngwītika bula bwāli bulūmbilili ubununu ukukinda-bōsa ubwa Nkundwe Neville ukufuma mu syōsa innunu isi umwēne ālūmbilíle, bula bwāli bumobwene ubu bwāli bununupo kwa une ukukinda bulibōsa umwēne ālūmbilílemo siku mpaka na lino. Une naloliloli nānyonywíle nukupálisyá ubulūmbilili ubununu bula. Kangi ubwēne bwālimbéle une ubukifu, kangi umwēne bwālinsengelíle une pāsi. Popāpo une—une ngulōnda ukwītisya ubwanaloli, umwe mumenye. Popāpo, ukufwāna ni fiyabo ifikifu, umwe mumenye, ukuya nkifu, kangi mumo ukuya... Davidi āli kula, kangi mumo fikuti umwene... Akabalilo kāko mu lugelo ulukulumba lula, mbuyo bwa kuyoba “Mulimosa, une ngubukaga ukubōmba iki, Ntwa, Ugwe itolo ndula une,” umwēne alinkugūlila, alinkubūka nukwakundālúsyá u Ntwa ikyakubōmba. Umwēne alinkutwāla pāsi umwēnda gwabupūti, umwe mumenye, kangi alinkuti, “Lilino unko uswe twīme nukunsuma Kyāla, ‘Ngimba uswe tubōmbé fiki mbutolwe ubu?’” O, bula bwāli naloliloli bukábi. Bula bwā na mavitaminini mingipo ukukinda amalāluka gamikota aga uswe tulinagi nkīsu. Ena, nkulumba, bula naloliloli bukukubōmbéla ugwe ubununu.

⁵⁵⁵ Lilino, ikilo iki, uswe—uswe tutikulōnda ukwitūgasaya komma pabutali ukukinda pakilo-pakati, linga uswe tubagíle, pa malālúsyo aga. Popāpo uswe tuli—uswe tukubūka itolo mu gēne, ukwānda itolo. Ikyéne kyo kumalísyá mōsa amalālúsyo aga, kangi akabalilo kalikōsa une ngwānda ukumālísya agēne mōsa... Lilino, Kalumbu Hattie, une ngāsanwísyé ikyo, ugwe umennye ikyo. Une—une nāybágá itolo ikyo, muketile; kangi, umma ndaga. Lōli une ndinago gamo amakafu naloliloli apa ukufuma ku ndumbilili, kangi agēne go naloliloli makafu ukwāmúla. Umwe mumenye, abalūmbilílili bala, abēne bikupinda ilyéne ukusyunguti ukwisila mwi Bāngéli kangi bikugela ukwāga ilyāmúlo lyābo bēne bo abēne bakāli bakakulālúsyá ugwe, umwe muketile. Kangi polelo... kangi iki kikwēgelelígwa

pa tepi, kikubūka kula ku Georgia ku mwinangu ndumbilili gwa une yūyo alinago amalālusyo ga i Bāngéli lwēle amapāgulígwe apa aga go fiyo, mapalapala fiyo.

⁵⁵⁶ Kangi lilino, undungu ugu gukwīsa, komma ukwībwa kangi twíputilága uswe.

⁵⁵⁷ Kangi unkasi gwāngu yo alikanunupo; umwēne ali māso lilino, kangi umwēne ātuile ukupīya, umwīsyúgu. Abīnītu bītu abapala ukufuma ku Canada, Nkundwe, Kalumbu Sothmann, bali apa bikuyāta kuli uswe, kangi uswe naloliloli ngupālisya uluyāto lwābo. Kangi unkasi gwāngu, amenye ukuti abene bīsāga, fiki, umwēne āyaga pakuya māso ukuti umwēne ābagile ukuya nubwīkyéle nu bulilanisi bwa bāndu Bakristi abapala aba. Uswe tusangalwíke ukuya nu Nkundwe Freddie na uswe ikilo iki, kangi umwēne āsyéle na... Umwēne āli apa ulubúnju ulu, lōli une ngusūbila umwēne āsyéle na... umma, uko ko kutalusya, umwēne ali na Meda, ukuya mu luko lwakuya nu mwēne akabalilo kāko uswe tukusuluka pāsi; 'nongwa yakuti une mmenye ukwēne kwiskuyaga panini kwīlile ikilo iki, uwgēne go mugonesyo nu kusukana injayo. Popāpo uswe tusangalwíke ukuya nabo abēne na bayāti na uswe.

⁵⁵⁸ Lilino, bo uswe tukāli ukwānda ukugela ukwandako ukwāmula amalālusyo... Kangi itolo kumbukilága ukuti une—une mbagile ukuya nsóbi, umwe muketile, une—une ndikwiyobela ukuya ntalusyi pa kilikyosa iki une ngubōmba. Une—une ngugela ukuya ntalusyi, lōli lūmo une ne—une ne nsóbi. Kangi—kangi linga une ndi nsóbi, polelo umwe itolo nhobokela une; kangi une ngusuma Kyāla isakubōmbágá, yóoe, panongwa yakuti une ndikulōnda ukuya nsóbi mma. Une ndikugela ukwāmula agēne itolo uku... pamo injila iyí une itolo... panongwa ya kugano yumo ukukīnda uyūngi, une ngwāmula agēne kubununu ubununu ikukīnda-bōsa ubwa bumanyi bwāngu, muketile. Kangi linga une ngufimbilisígwa ukwandula ifundo syāngu pa līlālusyo lya i Bāngéli, une ngwīnogona ikyo kyo itolo kīndu kyakubōmba. Uswe tukufimbilisigwa ukwandula, akabalilo kalikosa, akabalilo kāko i Lisyu lya Kyāla likuyoba, panongwa yakuti ilyēne lyo Lisyu lya Kyāla.

⁵⁵⁹ Kangi lilino, une ngwinogona uswe twāyaga pakwīputíla ababíne kangi ikilo iki, bo bwīla. Kangi utubalilo tumo ugwe itolo kuswīga; ugwe kwēga ngati akabugutila kanini ngati aka, ubunandipo ukukīnda, o, akatēmbe akanini apa, kangi utubalilo tumo ugwe utukifibona ifiboneko ifi ugwe kuolōnda ukukēta. Lōli ikindu, iki ugwe kubōmba, ugwe itolo kukwāba ukufuma ku bāndu kifuki bamia babilī. Kangi lumo mwa ngomano inywamu, lumo ugwe kukwāba palipōsa ukufuma maelifu matatu pamo malongo, umwe muketile, kangi—kangi lumo ukōngeléla. Popāpo iyo yo njila, ugwe kufika ukukēta ubunywami ubwingipo. Lōli ikilo iki, une itolo nāmulága... Ena

i foni yītu yikukúba itolo amaminiti manini galigōsa ukukīnda pamusi ni kiyabo kya pakilo.

⁵⁶⁰ Ngimba uyu yo Nka. Reisert itūgésye apa, une ngunketa umwēne? Ili Bāngéle lyāko, kalunb, u Kalumbu Wood ali nalyo kunyuma kula. Une nālitwéle ilyēne ulubūnju ulu kuli ugwe, kangi une—une ngākupéle ilyēne kwa ugwe. Kangi une—une ngākubwéne ugwe ulubunju ulu, kangi u Nka. Wood alinakyo ikyene.

⁵⁶¹ Popāpo ukwakwāmula i foni nukwakwāga i—i findu ifikulumba ifi fibōmbígwe. Unkīkulu ālingōlile une, umwēne alinkuti, “Nkundwe Branham, une nāli ku lukomano *lwakuti-na-lwakuti* kangi une nābinaga ulutamio *lwakuti-na-lwakuti* ku kabalilo *kakuti*. Kangi, umwe mumenye, ugwe gwāyobile itolo kunyuma kula, kangi itolo . . .” Alinkuti, “Une nāsilíke kifuki akabalilo kāko Ikyēne itolo kyātwéle pala ubūmi bwa kunyuma.” Kangi alinkuti, “Kangi une ngabinamo siku kangi ukufuma pala.”

⁵⁶² Kangi unkīkulu ikwisa kangi alinkuti . . . une ngusubila umwene ali apa ikilo iki, pamo umwēne āyaga pakwenda paligali ukufuma ku Bedford, une ngusūbila, pamo kubuyobumo pamwanya nkati mula. Umwana gwābo undumiana āli nkati apa, une ngusūbila, uyu āli nu lutamio lwa ndumbula, mu bubibi fiyo. Kangi umwēne ālitūgésye muno mu lukomano, kangi—kangi u Ntwa ālyēndile ukusyūngutila nukumpalamasya . . . āyobile ku ndumiana ukufwana nu lutamio lwāke, kangi umwēne ātoligwāga nukufyūsyu ulukōngi lwāke, kangi ukutikigwa kwa ndumbula, kangi ulukōngi lukamandigwe mōsa, kangi i ndumbula yōsa bo ulu. Kangi nakalinga itolo umwēne alinkufika mulamula mu ligáli nukwēndesya ukubūka kukāya, akatamigwamo siku ni kyēne ukufuma pala. Ngimba u nkīkula yula ali apa ukufuma ku Bedford? Ngimba ugwe ali apa, nkīkulu? Pala umwēne alipo, ku nyuma. Ena, umwēne angōlile itolo une, pitāsi.

⁵⁶³ Polelo alipo u nkīkulu ālingōlile ukufuma kula mu Evansville. Kangi umwēne ātōlīgwe ukwisa kuno 'nongwa yakuti umwēne alikubutali fiyo, akāménye uswe twāyaga pakuya ni lukomano ikilo iki ulwa lubumbulusyo. Kangi umwēne alinkuti, “Nkundwe Branham, une nālitūgésya ndukomano lwa mu Evansville,” kangi alinkuti, “ugwe gwākētile ku nyuma kula ku kilündilō nukuti . . . gwālimbulile une nāli ywāni, na ifi une nābōmbile, na ifi nākubilwe nakfyo, na fyosa bo ifyo.” Kangi umwēne alinkuti, “Une nāli nu bubine bwa kipāmbága, kangi itolo nafimbilisigwaga ukōkya Asthmador na filifyosa nkyumba ukufuma mūmo une nāli kalindwana kanini.” Alinkuti, “Uko kwāli fyinjā fibili ifi fikīndile, kangi une ngayamo nako nakatononde ka ubwēne siku ukufuma pala.” Muketile?

⁵⁶⁴ Kangi itolo ku bābo aba bali apa ikilo iki, bakāli apa ulubunju ulu ukwīkyéla ubukēti; Une nāli kula ku lilūka lya sumuni-kalongo, ngūla akangōza, mmayolo. Lilino, kala kakāli ka nimwēne mma, muketile. Kala kāli ka mwāna undindwana unini, Rebekah, pala. Kangi—kangi Sarah ābūkāga ku kindukimo, ikīngi, umwisyugu. Bamo mwa bīnāke-kusukúlu abanini bāyāga nu luko lumo lwa kwisila-palikimo ukunini, ukwa lisiku-lyakupāpīgwa pamo ikindukimo, kangi umwēne āpīmbíle akābūpi kāke akanini; kangi une nāgulága akafwāni ka mwāna, kifuki ubutali bo *ubu*. Kangi ālipo unkikúlu pamwanya pala, alinkuti, “Ngimba ugwe kungumbikila une?”

⁵⁶⁵ Kangi une ndinkuti, “Une ndikusūbila une ngumenye.”

⁵⁶⁶ Kangi ikyēne kilinkwīsa ukusyāgánia, umwēne āli nkamu gwa Nkundwe Nevile apa, uyu kifuki... akabalilo kako une pa njila yāngu ukubūka ku Sweden, abēne... Umwēne ikwīsa muno, āli nu ndumiana unnini nkikota kya magudumu, itolo ngati Edith unnini pala, kangi umwīnitu unnini āli na kansa, ikyābūmi ikimele pa bōngo. Kangi untu gwāke umnini gwāgwīlīle pāsi, kangi umwēne... kangi abagāngā bālimpēle umwēne imilungu mitatu ukuya nu būmi. Abēne bākyēgile ikyene panja nukukētésya ikyēne, nukukibona ikyēne kyāli... iki ikyēne kyāli, kangi itolo ukumpa umwēne imilungu mitatu ukuya nu būmi. Kangi abēne bāfimbilisígwāga ukummwendesya umwēne ukusyūngutila nkikota, kangi polelo ukumbīka umwēne nkitala akabalilo kāko umwēne ābūkíle ku kyūmba nukunkētésya umwēne, kangi polelo ukuntwāla umwēne ukugomokela ukusuluka. Ndinkubūka nukwīputia undumiana unnini yula, nukunsuma u Ntwa ukumbumbulusya umwēne. Kangi ilisiku lilalila ilikōnge, akabalilo kāko abēne bālimmwēgile umwēne ukukilanía kula, alinkuti, “Une ndikulōnda ikikota kya magudumu kila mma.”

⁵⁶⁷ Alinkwitugasya mu ligali nukwendesya ukubūku kula, kangi ungāngā alinkubālūla ikitala, alinkuti, “Une ndikulōnda ikitala kila mma.”

⁵⁶⁸ Ukubōpa ukufyūka pamwanya nukwitugasya pāsi, ungāngā alinkunkētésya umwēne, alinkuti, “Ena,” alinkuti, “mbuyo bwa milungu mitatu, une nguya pakukupa ugwe ifyīnja mia yumo na lwele ugwe kuyaga nu būmi.”

⁵⁶⁹ Kangi, mmayolo, unna ālyāgēne na une. Kangi umwēne abagile ukuya apa, ku fyosa ifi une mmenye, ikilo iki. Kangi undumiana unnini āli pānja ikukina u mpila gwanjayo, unnyambala unkeke lilino. Ikyūmi, kansa pa bōngo, kangi ikyēne itolo kikubūka ukunāngísy... .

⁵⁷⁰ O, maelifu ga fīndu, muketile. Kyāla akabagila ukutolígwā. Umwēne—Umwēne itolo akabagila ukutolígwā.

⁵⁷¹ Nkündwe John, ngimba ikisige kyāko kinunupo, nkundwe? Umwēne āli nu bufulale, kangi ākomelelága unsumali kangi

ugwēne gulinkuntika umwēne nkisíge. Kangi uswe twēsa twāmmwiputilága u Nkundwe John O'Bannon, unkundwe gwītu ukufuma ku Louisville uyu āfumile pakuya nu bufulale nu nsumali ugu gwālintikile umwēne nkisíge.

⁵⁷² Lilino, amalālúsyo aka go—go busolofu bwa ndumbula ya mundu yumo; ukuti abēne bābalile ukukīnda mu Lisimbo nukwāga ifindu, kangi abēne batiku...lūmo bikutōlígwa ukwiyikutísyā bēne, popāpo abēne bikubíka agēne nkati muno kuli uswe ukugela ukwāmūla. Kangi umwe mukukēta kyo butolwe buki ikyēne kikutubíkamo uswe; panongwa yakuti, iki ugwe ubagile ukuyoba, abēne bisakwigemekesyā ku kyēne. Popāpo ugwe kufimbilisígwā ukuya nsisimikisyi ugwe uli kanunu, kangi une ne...ukuya nsisimikisyi mūmo ugwe ubagile ukuya. Popāpo lelo, ikindu ko kuya basisimikisyé ukuti uswe tuli batalusye, unko uswe itolo tunsume u Mbepo Mwikemo lilino ukusanusya iki kwa uswe, akabalilo kako uswe tukwīnamísyā imitu gyitu pasi.

⁵⁷³ Lilino, Tāta Gwākumwanya, o, lo lusako luki ulwēne luli ukuyobaga “Tāta” ku Mpeli unkulumba gwa mmyānya na pa kīsu. Kangi uswe itolo tukusūma ukuti Ugwe kwīsa kwēga amalālúsyo aga ukuya mbupākisyó Bwāko Bwēne lilino. Agēne bābīkīgwe muno nubwanaloli-ndumbula ubusolofu ukukīnda. Kyāla, unko kila kīsēge ukufuma ku ndumbula syītu, ubwanaloli-ndumbula ubusolofu ukukīnda, ukubāmūla abēne mbununu ukukinda mūmo uswe tumenye ukubōmbela; tupaga ikyēne.

⁵⁷⁴ Kangi ikīsa Kyāla kiliyaga pa aligwesa. Kangi ikindukimo kili yobigwāga apa ikilo iki kīkyo kisa itolo ukutula aligwēsa uyu ali apa. Kangi akabalilo kāko uswe tukusōkápo, ukufuma ku kwīputila ababíne nu kulya umugonesyo na fyosa, tuliyobaga uswe ngati bāla bafumile ku Emmaus, “Ngimba indumbula syītu sikapile nkati mmyītu bo Umwēne āyobága kwa uswe ukukīnda mu njila?” Kabuno uswe tukusuma ikyēne mu Ngamu ya Yeso. Ameni.

⁵⁷⁵ Lilino, mūno une njobíle utubalilo twīngi, ukuti aga—aga apa go—go manunupo ukukīnda ga minogono ga agēne, kangi polelo utubalilo tumo ikyēne kikufyūsyā ukulinganisia kunini. Ilyākwānda limo apa, une ngukēta ikyēne kyo kindukimo iki une njobilepo pabutasi, ukuti ilyēne libīkīgwe ukugomokela kāngi. Une ndikwīsa...ngulōnda ukubala ilyēne lilino, linga umwe mwiganíle.

65. Akabalilo kāko Adam na Eva bāli ba bāna mu Edeni, ngimba bālipo pala abāndu bāngi pa kīsu pakablilo kala? Mwa Bwāndílo untu gwa 5 kangi ilinandi lya 16, Kaini ālitūgésye mkisu kya Nod kangi ālimmenye unkasi gwāke.

⁵⁷⁶ Lilino, ilyo lyo—lyo lilālúsyo ilinunu. Lilino, uswe tumanyisígwē mu li Bāngéli...Kangi utubalilo twīngi ifi...

utubalilo tumo uswe kisitakupāsyा tuyile... Une nālisibíle ukubíka pamwanya akalisi ka kakalatasi kanini, nukuyoba, "Lālúsya. Amula ililálusyo lililyōsa ilya i Bāngéli."

⁵⁷⁷ Kangi umundu yumo alinkuti, "Ena, ngimba unkasi gwa Kaini āli ywāni?"

⁵⁷⁸ O, une panini nāsūngága ni kyēne pamo ikindukimo, une nāyobága, "O, yula āli mwanundundwána gwa mama-muko gwāke," pamo ikindukimo bo ikyo, ugwe umenyé, pamo—pamo "Umwene aali Nka. Kaini." Lōli ikyo kitikwāmúla ililálusyo mma. Pala lilipo...

⁵⁷⁹ Pala u Kaini āli nu nkāsi, panongwa yakuti i Bāngéli lyāyobíle umwēne āli nayo. Kangi linga Kaini āli nayo u nkāsi, umwēne ābagíle ukummwāga umwēne kumo. Kangi iki kyābagíle ukwigolosya mulamula nkati mwa kyēne apa:

Ngimba bāliko abāndu abāngi pa kīsu akabalilo kāko Adam na Eva bāli na bāna mu ngündá gwa Edeni?

⁵⁸⁰ Lilino, linga umwe mukukētésya, mu li Bāngéli ukwene kupala fiyo ukuti sīmbamo siku isya nkīkúlu ukuya apāpígwe. Ukwēne ko kabalilo kōsa umwana nnyāmbála yo yūyo uyu abēne bikusīmba mwi Bāngéli, komma unkīkúlu. Kipala ikyēne kili ukuti kiyobigwémo siku isya kupāpígwa kwa u mwānundindwana, mwi Bāngéli. Pamo, ukuyoba ubwanaloli, une ngamanya mūno une mbagile ukukumbukila yumoywēne papapa ukugolosya itolo lilino, mu linogono, kūko ukwēne kwāsimbigwémo siku ubupāpígwe bwa mwāna; lyāyobíle, "Abēne bapāpíle abanabalumiana na bānabalindwána."

⁵⁸¹ Lilino, i Bāngéli likupa ubusīmbe bwēne ubwa bāna batatu ukuya bapāpígwe kwa Adam na Eva, kangi yula āli Kaini, Abelo, na Seti. Lilino, linga bōsa batatu bala ukuya banyāmbála, linga bakāliko abakīkúlu bakāpāpígwe, kangi polelo akabalilo kāko uwakikīkúlu mwēne (Eva) āfwíle, uluko lwa bündu angali lwīmíle ukuyako palapala pala, panongwa yakuti pakabagíle ukuyapo injila ku bēne uku—ukuya nakilikyosa... uluko lwa bündu ukuya lukīndililége, panongwa yakuti pala bakabagíle ukuyapo abakīkúlu nabamo basyéle. Eva angali ikuya yo yumoywene ntiga. Lōli, umwe muketile, abēne batikusīmba i—i mbāpágwe sya bāna balindwana, mu li Bāngéli, popāpo lēlo abēne bābagíle ukuya nabalindwana ukufwana na balumiana.

⁵⁸² Lilino, unsīmbi ugawaiyolo, yumo mwa basīmbi baiyolo fiyo uswe tulinabo, Josephus, ikwiyobela abēne bāli na bāna malongo mahano na mabili, kangi Adamu na Eva; yumo mwa basīmbi baiyolo fiyo, "abāna malongo mahano na mabili, kangi abēne bāli bosa-babili banabalumiana na banabalindwana."

⁵⁸³ Lilino, linga... Kangi polelo linga Kaini ābūkíle ku kīsu kya Nod... Lilino, linga umwe mukukētésya, unsīmbi āli fiyo, fiyo gwamahala ikusīmba apa. Ngimba umwe mwākētesisyé mūmo umwēne ālyāndísye ilyéne?

Mu Edeni, akabalilo kāko abēne bāli ba bāna mu Edeni . . .
 Lilino, komma mu ngunda gwa Edeni, u nsīmbi āmēnye ikyo.
 Aligwesa uyu āsīmbile akakalatasi aka, āyobile: **Akabalilo
 kāko Adam na Eva bāli ba bāna bābo mu Edeni . . .**

⁵⁸⁴ Komma mu ngunda gwa Edeni, panongwa abēne bākagígwe ukufuma mu ngunda gwa Edeni. Lōli abēne bākāli bāli mu Edeni, kangi ungunda gwa Edeni gwālāmbalé ku busokelo mu Edeni. Lōli Edeni āli ngati kīsu pamo—pamo fiki . . . pamo ikitangalala, kangi polelo Nod āli kitangalala ikingi pamo ikīsu ikipalamani ku kyēne.

⁵⁸⁵ Lilino, umündu mwēne uyu Kaini ābagíle ukuya nagwe, pamo ukwēga, ābagíle ukuya ulilumbu gwāke mwēne. Umwēne āfimbilisígwe ukubōmba. Panongwa yakuti alipo mwēne uwakinyāmbala yumoywēne nu gwākikikūlu aba abēne bābagile ukuti bafumileko, muketile, kangi umwēne āfimbilisígwe ukwēga ulilumbu gwāke mwēne. Lilino, ikyo kyāli kyakwitikisígwa mmasiku gala.

⁵⁸⁶ Kangi Isaki ālyēgíle untāni gwalilopa lyāke lyākwānda lyēne, Rebeka, ukusūngulígwā na Kyāla. Sarah āli ulilumbu gwa Abraham, ulilumbu gwalilopa lyāke; komma ukufuma kwa mama gwāke, ukwisila kwa tāta. Muketile, ulilumbu gwalilopa uyu—uyu Abraham ālyēgíle; u māma unkīndáne, lōli u tātu yumoywēne.

⁵⁸⁷ Popāpo, umwe muketile, ukwēga pabukamu akabalilo kala, bo i—i lusoko lwa lilopa lukāli ukuya lusitamaka mu luko lwa bündu, ukwēne kwāli kwākwitikisígwa kangi mōsa kanunu. Lilino ukwēne kukaya. Linga ugwe kwēgága ulilumbu gwāko umwīsyúgu, nukuya na bāna, abēne lumo bikuyaga . . . ena, abēne itolo bikuyaga balemale na filifyosa. Kope ukusuluka ku gwakwānda na ntāni gwakibili balingēganága siku, muketile, panongwa yakuti ulusoko lwa lilopa lukuya lwapasi kangu ukwendelela pāsi.

⁵⁸⁸ Lōli ikindu kyēne polelo iki Kaini ābagíle ukubōmba, kyābagíle ukuya, ukwēga ululilumbu gwāke mwēne. Kangi kula ko kūko abāna bāli ukuti . . . Umwēne ālimmwāgíle unkāsi gwāke, alinkubūka nkīsu kya Nod nukummanya umwēne, kangi ukufuma kula a—a bana. Muketile, i . . .

⁵⁸⁹ Kangi linga umwe mukukētésya, ukufuma ku lukindi lwa Kaini balinkwīsa abanyāmbala abakomu. Ukufuma ku lukīndi lwa Seti bakwīsa abanyāmbala bipūti, une ngusanusya, u—u mpesa gwa bugolofu. Palapala pala, babili bala, bātwéle panja ingindi silasila isi ugwe tukwitūgasyámo umwīsyúgu.

⁵⁹⁰ Linga umwe mwisakukētésya umwīsyúgu lilino (itolo mukumalisya ililālúsyo ili): uluyungu lula ulwa Kaini lukāli luliko, kangi uluyungu lwa Seti lukāli luliko. Isyēne syosa-sibili sīkwisa ukusuluka itolo mulamula. Abāna ba Kaini bali muno mu Jeffersonville ikilo iki, kangi abāna ba Seti bāli muno mu

Jeffersonville ikilo iki. Bo ulusoko lwa lilopa lukumalika amaka kangi lukubūka lōli uluyungu pōpe lukūmilisyu kulakula.

⁵⁹¹ Lilino, kētésya. Abāna ba Kaini akabalilo kōsa bāli... kangi bo gukāli ubōnangíko bwa mōgesyo, abēne bāli bāndu bakomu: basayansi, bamanyisi; kangi biputiputi fiyo, lōli kyāli kipāmbo ikitāgīgwe. Muketile? Lilino ketesy, abene baali itolo bo yu tata gwabo Kaini. Kaini, umwene aali nnyambala umwīputi. Umwēne āyēngíle ikigemo ikimogi, kangi atēndíke ikipanga ikimogi, nukugela ukukitēndéka ikyēne ukuya kimogipo ukukīnda kala akanini akabutumigwe aka Seti āli nako pāsi pala. Ngimba umwe mumenye ikyo? Umwēne naloli...Umwēne āmogísyé ikigemo nu bulēnge, nukutēndekesy ikyēne kimogi, nukukitēndéka ikyēne kimogi; kangi ātēndíke ikikulumba, ikinywāmu, ikipanga ikitupano, panongwa yakuti umwēne inogonaga ukuti umwe ābagíle ukwāga ulugano na Kyāla mukubōmbéla lūlo.

⁵⁹² Kangi Abelo ābūkíle kula nukwakwēga akang'osi akanini, nukwānda ukukwābila kula ku kigemo, nukukalāmbalika akēne pa libwe nukukagoga akēne.

⁵⁹³ Kangi lilino, linga Kyāla ukuya ngolofu, linga fyōsa ifi Umwēne āfūmbwāga bwāli bwiputi, Kaini īputága Kyāla nu bwanaloli-ndumbula bu bwīngi mūbwa Abelo bwāyīlile. Bosa-babili ba abēne bāli banaloli-ndumbula. Bosa-babili ba abēne bāgelāga ukwāga ilipyāna na Kyāla. Abēne bāli nayumo gwa abēne basitalwīputo. Abēne bosa-babili bāli, naloliloli, bitiki mwā Yehova. Lilino, pala, ikyo kikutupa uswe ikindu kimo ikyākwinogonapo.

⁵⁹⁴ Bamo apa ikilo iki une ngababonamo siku, abandu; une ngababonamo umwe siku. Lōli umwe mukukyāganía iki, kangi kyūnga iki mu linogona lyīnu. Muketile? Kali ugwe uli mwiputiputi bulebule, ikyo kikaya na kandu kamo ukubōmba ni kyēne. Ugwe ubagile ukwitūgasyo nkipanga, ugwe ubagile ukuya akabalilo kōsa gwanaloli-ndumbula, kangi ugwe pōpe utāgīgwe! Muketile?

⁵⁹⁵ Kangi ugwe kuyoba, "Ena," ugwe kuyoba, "abatimi bītu bo bakomu ukukīnda bosa, abēne bikwīsa ukwisila mu seminale ukwēga ubumanyi ubununu ukukīnda bosa. Abēne bo bafundakyala, abēne bamēnya bosa—bosa ubufundakyala na fyosa bo ifyo. Kangi abēne bo bakomu, bamanyisígwe, balabala fiyo...abasalígwa banunu ukukinda bosa aba uswe tumenyemo." Kangi abene pōpe bābagile ukutagigwa! Muketile?

⁵⁹⁶ Lilino Kaini, pa lukindi: abēne bāli, aligwesa, biputiputi fiyo; abāndu abafumuke fiyo; kangi abēne bāli basayansi, kangi bagāngā, kangi bayēngi, kangi babōmbi, kangi banyāmbálā bakomu. Lōli uluyungu lōsa lula lwātāgīgwe, ukufuma Kaini ukusulu kubutali pāsi.

⁵⁹⁷ Kangi pa lubafu lwa Abelo: abēne bakāli bayēngi mma pamo bamanyisi pamo banyāmbála bakomu mma; abēne bāli, kifuki, bakwiyúfy, luko lwa bokusya ng'osi, balimi, aba bēndága itolo na Mbepo.

⁵⁹⁸ Lilino, i Bāngéli lyāyobíle, “Bukayapo nabumo ubutobesye kwa bēne aba bali mwa Kristi Yeso, aba batikwenda ukukongesyá umbili'mma loli Mbepo.” U nnyāmbala gwamwambepo ali nu moyo gwamwambepo ugu gukabagila ukufwāmo siku. Kangi unnyāmbala gwamumbili alinako ukusyungutiligwa kwabwiputiputi ukusyungutila umwēne (kangi ikulonda ukwīpúta na fyosa bo ifyo) lōli umwēne yo gwamumbili; koma unsitakwitika, lōli umwitiki gwamumbili; kangi ulu lwāli luko ulu lwātāgígwe.

⁵⁹⁹ Lilino, ukufuma pala, Kaini alinkubúka nukwēga unkasi gwāke mu kīsu kya Nod. Lilino, ilyēne litikuyoba ywāni u Seti ālyēgile, pamo ba ywāni abangi bālyēgile. Kangi ikindu ikimogi fiyo ikya ikyo ko kumanya ukuti—ukuti, Kaini ikwēga, uswe tulinalyo ilyāmulo ku kyēne. Nongwa yakuti umwēne āfīmbilisigwāga ukwēga ulilumbu gwāke, pamo umwēne... pamo pala babagile ukuyapo...

⁶⁰⁰ Bakālipo na bakīkúlu ukōngelelápó pa kīsu, lōli itolo babagile ukwisa ukufuma kwa Eva. Umwēne āli yo māma gwa bōsa aba būmi. Ikyo kyo, abāndu bōsa aba bāli nu būmi, umwēne āli yo māma gwa ikyēne. Iyo yo nōngwa yakuti umwēne āli... Ilisyu lyaku *Eva* kokuti “u māma gwa fyābúmi.” Popāpo umwēne ālisile nukupāpa umwāna uyu. Kangi Kaini ālyēgile ulilumbu gwāke mwēne, yabagile ukuya yo njila yēne iyi une nābagile ukukēta ukufuma mwa ikyēne. Popāpo bāliko abāndu ba būmi mu lisiku lila, naloliloli. Muketile? Ena, kangi...

Akabalilo kāko Adam na Eva bāli ba bāna bābo mu Edeni... Lilino kētésya, ilyo lyo lilālúsyo: **Akabalilo kāko abēne bāli ba bāna bābo mu Edeni, ngimba bāliko abāndu abangi pa kīsu pakabalilo aka?** Umma! **Polelo mu Bwāndílo 5:16, umwe muketile, Kaini ālitūgésye nkīsu kya Nod kangi alinkummanyá unkási gwāke.** Naloli. Muketile?

⁶⁰¹ Uyo yo Bwāndílo 1, kūko Umwēne āpelilé u mündu nkifwani Kyāke Mwēne, iki kyo kyāli mundu-kyala. Kangi mu Bwāndilo 2, Umwēne ātēndike u mündu ukufuma ku lufumbi lwa kīsu, iki kyo āli mündu gwābūndu uyu uswe tulinagwe lilino. Kangi polelo, mwa 3 bwāli búgwe, kangi ākagígwe ukufuma mu ngündä gwa Edeni; kangi abāna balinkupāpa abāna. Kangi Kaini alinkwēga unkasi nukwitūgasya nu mwēne nkisy kya Nod, panja, panongwa yakuti Kyāla ālimpāgwié umwēne ukufuma ku bulilanisi nu nkundwe gwāke mwēne (panongwa ya bufwe bwa—bwa Abelo). Kangi uyo yo yüyo umwēne āli nagwe, ulilumbu gwāke mwēne, nukummwēga umwēne; yo yēne injila

iyi une mbagíle, nimwēne, mbagíle ukukēta mūno fikuti—fikuti umwēne ālyēgíle.

⁶⁰² Lilino, ikyēne kiyobígwe...Kangi une ngusūbíla ukuti abinangu abalāngi aba bali muno bisakunswaga ubuyobeló ubu, panongwa yakuti ikyēne kyo naloliloli kikaya kutalusya mma. Akabalilo kākwānda une nālyagenémo siku aligwesa mbūmi bwāngu, ukufuma pāpo une nāpīndwíke...Une nāli...nālyāgéné na Nkundwe George DeArk na bala pāsi pala. Kangi une nēndága, kangi u Ntwa alinkundongosya une ku kabuyo akanini. Kangi abēne bayobesaniaga kūko umundu gwālāngi āfumilekó. Kangi abēne bāgelága ukuyoba ukuti u mündu gwālāngi, ukuti Kaini ālyēgile ikinyamana ngati salilankulumba, kangi ukwisila pala palinkwisa panja uloko lwa bālāngi. Lilino, ikyo kyo kisobi! Naloliloli, ikyo kyo kisobi! Kangi komma nasiku ukwimila ikyo. Panongwa kukāliko nabālāngi pamo abēlu, pamo balibosa abangi abakindane, ulwēne itolo lo luko lumolwene ulwa bāndu mpaka ku mōgésyo. Polelo ufuma ku mōgésyo kangi ikisōnge kya Babeli, akabalilo kāko abēne balinkwānda ukubalanila, ako ko kabalilo kāko abēne balinkwēga ilangi syābo na fyosa bo ifyo. Abēne bōsa bafumile ku mpiki gumogwēne. Uko ko katikati kutalusyo. Adam na Eva áli yo tāta na māma, bapakīsu, ba kyābúmi kilikyosa ikyo kuya būndu iki kiyilémo siku pa kīsu. Uko ko kutalusya. Ntitu, mwēlu, mbulufu, umfubifu, uwalyūngu, yiliyosa ilangi ugwe ubagíle ukuya, ubo bo naloliloli buyo ubu ugwe kwitūgasýamo, kangi injia iyakuti—iyakuti i...Itolo ngati...

⁶⁰³ Une ngwinogona une mbagíle ukuyoba iki akabalilo kāko une ndi pa kyēne. Abāndu kuno lilino mu mbāgulánio ni ndagilo ni fīndu abēne bikufumusya, une ngwinogona ikyēne kyabutoyofu. Une nalōli ngwinogona. Pilikisy, baleka itolo abāndu bala pabēne, abēne bāménye iku abēne bikulōnda. Kyāla ālīmpelilé u mündu gwa lāngi, kāngi umwēne nsangulufu isya ikyēne. Naloliloli! Linga Kyāla ālīmbelilé une mündu gwa lāngi, une angali ndinsangalufu isya ikyēne; linga Umwēne ālīmbelilé une mündu mwēlu, une ndinsangalufu; linga Umwēne ālīmbelilé une angali ndinsangalufu. Kyāla ātupélile uswe mu lāngi, kangi Umwēne ātupélile uswe mu njila Umwēne ālondága uswe, kangi uswe twesa twe bāna Bāke. Naloliloli! Kangi abēne batikubagíla ukūmana nukubuka mōsa bo ulu. Ubo bo busobi ukubōmba ikyo. Abene bangabōmbága ikyene mma. Kyala ātupélile uswe...injila iyī uswe tukulonda iyene.

⁶⁰⁴ Kangi u mündu gwālāngi, umwēne atikulōnda ukusōka panja pala nukubongotola iyāke—iyāke ingulilo pamo i lāngi yāke, nukufulugania iyēne mu nyēlu na filifyōsa bo ifyo. Une ndikundeyela umwēne mma. Une ndikubōmba. U mundu uwālāngi ali ni fīndu ifi u mündu umwēlu akaya nukuya

nafyo mma. Naloliloli! Ikyo kyo katikati kutalusya. Kangi Kyāla akālondílémo abēne ukuya njila yila.

⁶⁰⁵ Ena, kēta. Umundu gwālāngi yo... umwēne yo—umwēne yo... umwēne alinako—umwēne alinako ukumbagilila ukusyungutila umwēne kūko u mündu umwēlu akaya nako siku. Umwēne alinako ukusangalu-būka-gwalusako, ikyakuti “nsubila Kyāla, kangi itolo leka kyosa ikingi kya ikyēne kibukége”; kali umwēne akyāgile ikyēne pamo kali umwēne akakyāga, umwe nsangalufu mulimosa. Une ngulōnda ukuya nakyo ikilundiko kyōsa ikya kila, ikilo iki, une naloli ngulōnda. Ena, umwēne alinakyo ikyēne, kangi ikyo kyo kyūma kyāke; abēne batikulōnda ukufulugania ikyēne mōsa nu luko lumo ulūngi nukubongotola ikyēne panja, bōpe. Uko ko katikati kutalusya.

⁶⁰⁶ Une ngwinogona unkīkúlu pāsi pala ku Shreveport ātēndíke bumō bwa bununu—bununu ubuyōbelo une mbilikémo siku mbūmi bwāngu. Umwēne ātēndíke ubuyobelō, kangi abēne bākibikile mu kikalatasi kya nōngwa. Umwēne āsegelilé kula, umwēne alinkuti, “Mūmo ifindu ifi fikwēndéla muno, mu mbagulanio isi, une ndikulōnda ndikulōnda abāna bāngu ukubūka ku sukulu kwisilya kurukulu ya bēlu kula.” Alinkuti, “Abēne batisakuya nulupilikisyō abēne bābagile ukuya nalo linga abēne bāli nu mmanyisi gwālāngi.” Uyo yo nkīkúlu unkomu. Umwēne āménye iki umwēne āyobela ngapo, abēne bikuya nu bumanyi ubununupo. Uko ko katikati kutalusya. Popāpo une ngwinogona abāndu bikusoba ukubōmba ikyo.

⁶⁰⁷ Kangi polelo abēne bikuyoba, “Kaini na Abel...” kangi fila ifingi bo ifyo. Umma, nkulumba! Ilangi yikaya nakamo akakubōmba ni kyēne. Iyēne yo mbepo iyi yili nkati mwa mula iyi yili nakyo kimo ikyakubōmba ni kyēne. Uko ko katikati kutalusya.

⁶⁰⁸ Popāpo Kaini ālīmmenye unkasi gwāke, kangi yula āli ulilumbu gwāke. Kangi abene... umwene ālīmmwēgile umwēne ku kisu kya Nod, kangi pala pakwīsa panja ifikolo ifikolumba ifya kīsu: abiputiputi kangi abatufyi.

⁶⁰⁹ Kangi inogona itolo umwīsyūgu, mwinangu, itolo ima nukwīnogóna pa kabaililo kamo. Ukuti baliko malongo ga maelifu ukōlosya malongo ga maelifu kangi maelifu ga maelifu, aga banaloliloli bāndu babūka-kukipāngā, itolo ukuya banalolindumbula kangi babīkigwe ku kipanga kila abēne babagile ukuya, aba bo itolo batāgīgwe bo yu Kaini āli. Muketile? Umwēne yo Kyāla Uyu yo ikusalapó! Muketile? Kyāla Uyu ikupa ikisa! Umfu gukabagila ukuyoba kwa mbumbandeko, umwēne yo mbumbandeka pa mfū. Uko ko kutalusya.

⁶¹⁰ Lilino apa pali limo ilimogi, limo ilikōnge apa:

Mwa Peteri Gwākibili 2:4—2:4...

⁶¹¹ Yumo alinalya i Bāngéli, kulōnda ukusanukila ku Masimbo aga nakalinga itolo akabalilo kāko une ngubala Agēne, linga umwe mukulōnda, kangi mu luko lwa kundūla une mula apa, akabalilo kāko une ngulyāga ililālúsyo ili.

⁶¹² Lilino, pa Kaini uyu kangi—kangi na fyōsa, linga kila kitikwīkutísyá ikyēne lilino, umwe itolo unko uswe tuye nakyo ikyēne. Uswe twisakusangalukágá...

⁶¹³ Lilino Peteri Gwākibili 2:4. Umma ndaga, nkulumba, apa uswe tuli:

66. Peteri Gwākibili 2:4, “*Namanga linga Kyāla āli... Namanga linga Kyāla akābabubísye mma a bāndúmi aba batulilw'inongwa, lōli alinkubatága abēne mu gehena, polelo nongwa ya fiki Kristi ālumbilíle ku mbepo sila mmínayololo, mwa Peteri Gwākwánda 3:19?*

⁶¹⁴ Lilino, uswe tulinagwe Peteri 2:4, ukwanda. Fyosa fili kanunu:

Namanga linga Kyāla akābabubísye mma a bāndúmi aba batulilw'inongwa, lōli alinkubatága abēne pāsi—pāsi ku gehena, kangi—kangi alinkubabíka abēne mmínayololo gya ngīsi, ukupayiligwa ku bula ubulungi;

⁶¹⁵ Lilino, lilino unko uswe tusyāgánie mwa Peteri Gwākwanda (uyo yo Peteri Gwākibili), Peteri Gwākwánda 3:19, pilikisyá ku iki. Apa uswe tulipo, papapa apa. Ifi fisilemo muno itolo, inongwa iyi une ngafisimbile ifyēne mōsa.

...iki yōpe...ābūkile nukwakulūmbilila ku mbepo isi sili mmínayololo;

⁶¹⁶ O, ena, uswe tuli apa. Unko uswe twande pabutasi bwa apo, ilinandi lya 18:

Kabuno Kristi yope...akabalilo kamo aakubilwe panongwa ya mbibi, ungodofu ku basitabugolofu, ukuti umwene ābagile ukubatwala uswe kwa Kyāla, ukuya ābīkigwe ku bufwe mu mbili, lōli ānyenyemusígwe na Mbepo:

Na iki pōpe Umwēne ābūkile ku mbepo isi sili mmínayololo;

Aba akabalilo kamo bāli basitakupilikila, . . .

⁶¹⁷ Mwinangu mpala, linga ugwe ubagíle itolo ukubala ilinandi ilikōnge, kangi pala Ilyēne lilīngénie ikyēne. Muketile?

Aba akabalilo kamo bāli basitakupilikila, aba akabalilo kamo ubukubilwe-butali bwa Kyāla bwāgūlile mmasiku ga Noa, akabalilo kōsa ingalaba ukuya yikutendekígwa, kūko banāndi, kokuti, imyoyo lwele bāpokigwe ukwisila mmisi. (Muketile?)

⁶¹⁸ Lilino, linga umwe mwisakukētésya muno, une ngwinogona undumbilili uyu alinalyo ilingi pa i...ikindukimo pa lukindi lulalula, kisakwamuligwága pitasipo.

⁶¹⁹ Peteri Gwakwānda 4...pamo 2:4, linga umwe mukukētesya, “kabuno linga Kyāla akabapūbisyé mma a bāndúmi,” ngimba u bāndúmi yula asīmbígwe bulebule? Unnnini “b.” Muketile? Lilino, ukukilania kuno, “imbepo isi yāli mmnyololo isi sikāpīndwíke mma mbukubilwe-butali bwa mmasiku ga Noa,” bāndúmi balabala. Abēne bāli banyāmbálá: batumigwa, balūmbilili; “akabapubisyé mma a bāndúmi.” Ngimba umwe mwamenye ukuti...ilisyu gwāndúmi likufumila ku lisyu “u ntumigwa”? Balinga bamenye ukuti gwāndumi yo “ntumigwa”? Naloliloli, gwāndumi yo ntumigwa, “kangi Umwēne akābabpubisyé mma a bāndúmi.” Muletile?

⁶²⁰ Kangi ukukilania apa mwa Bahiburi, umwe mukukumbukila uswe twākindilemo ilyēne imilungi minandi igi gikindíle, “a bāndúmi”?

⁶²¹ Kangi ukukilania mu Bahi-...mu Busetuli, “Ku gwāndúmi gwa kipanga kya Sardi sīmba ifindu ifi. Ku gwāndúmi gwa kipanga kya Efesi sīmba ifindu ifi. Ku gwāndúmi gwa kipanga...” Mukukumbukila ikyo? Kangi uswe twabopísye ilisyu gwāndúmi kunyuma, kangi ukufuma ku dikishonale, kangi ukusyāganía ukuti kila kokutí “u ntumigwa.” Ikyēne kibagíle ukuya “u ntumigwa pa kisu, untumigwa unkindakipeligwa,” ilifyu gwāndúmi.

⁶²² Popāpo mu bugelo ubu, linga uswe twabagíle ukwēga i lekisikoni nukulyēndesya ilyēne ukugomokéla, ugwe kwīsa kusyāganía ilyēne likwānda ukufuma “batumigwa, abatumigwa bākwānda.” Muketile, “Linga i...Linga Umwene akāpūbisyé mma...Kabuno linga Kyāla akāpūbisyé mma a bāndúmi aba batulilw'inongwa,” (Muketile?) “kangi ifindu ifikindafipeligwa,” (Muketile?) “ukufuma pa kugūlila...”

Lilino kētésya, umwene āyobíle:

...linga...akāpubisyé mma a bāndúmi aba batulilw'inongwa, lōli alinkubatága abēne pāsi ku gehena, kangi alinkubīka abēne mmnyololo gwa ngīsi, ukuya bapiyilígwe ku bulōngi;

⁶²³ Polelo keta mula mwa Peteri Gwākibili apa kangi, 3:19, kētésya mūmo iki kikubalila lilino:

Kabuno ukwisia mu iki yōpe ābūkíle nukwakulūmbilila ku mbepi sila mmnyololo;

Isi akabalilo kamo syāli nsitakupilikīla, akabalilo kāmo ubukubilwe-butali bwa Kyāla bwāgūlile mmasiku ga Noa,... (muketile, abēne bāli batumigwa ba lisiku lila, batumigwa)...akabalilo kāko i ngalaba

yāli yikutendekesígwa, mūmo . . . kokuti, imyoyo lwele gyāpokígwe na mīsi.

⁶²⁴ Lilino linga ugwe mukuketesya akabalilo kako ifindu fila fyāli ku Mwanya. Lilino, ukukilania mu Busetuli 11 . . . pamo untu gwa 7, une ngusübíla . . . pamo umma, umma, ugwēne go ntu gwa 12. Umwēne ikupa ipicha ya nkīkúlu imile; u mwēsi pa ntu gwāke kangi ilisuba . . . pamo, ilisuba pa ntu gwāke kangi u mwēsi pāsi pa njayo syāke. Kangi i nyifwīla ingesefu yālimile ukunyafulania i Mwanike nakalinga pāpo Umwēne āpāpígwe, kangi umwēnw alinkwēgwa unswigálá gwāke nukukwāba ikiyabo kimo mwa fitatu fya ndondwa sya ku Mwanya nukusitāga isyēne ku kīsu. Ngimba umwe mwākētesisyé ikyo? Lilino, ikyo kitikusanusya ukuti Sétáno ali nu—nu nswīgala untali ukuti umwēne ākwābága abāndu ukusyūngutíla, lōli “akapāngó aka umwēne āyobága,” kangi kalinkukwāba ikiyabo kimo mu fitatu ikya ndondwa sila. Indondwa sila syāli luyungu lwa Abraham.

⁶²⁵ Abrahamu alinkuti, “O . . .”

⁶²⁶ Kyāla ālimbūlile Abraham, “Kēta mmwanya ku myanya, kangi bala i ndondwa linga ugwe ubagíle.”

⁶²⁷ Umwene alinkuti, “Une ngabagila ukubomba ikyene.”

⁶²⁸ Umwēne alinkuti, “Nanūgwe utisakubagila ukubala uluyungu lwāko,” i ndondwa.

⁶²⁹ Ngimba ywāni yo Ndondwa Inyēlu kangi Yakulubunju? Yeso gwa Nazareti, ummulike ukukinda bōsa aba bayīlémo nu būmi mu mbili gwa bündu. Umwene yo Ndondwa Iyakubala kangu Yakulubunju. Kangi Umwene yo Luyungu lwa Abraham, ukwisa ukwisila mwa Isaka. Kangi uswe, ukuya bafwe mwa Kristi, tukwēga pa Luyungu lwa Abraham kangi tuli bingilakilingo ukufwana nu lufingo.

⁶³⁰ Popāpo indondwa sya kumwanya similiága imbepo sya mündu apa. Kangi akabalilo kāko i nyifwīla ingesefu (Roma, pāsi pa bufwimefwmie bwābo) balyūbatíla ifiyabo fibili mwa fitatu ifya . . . pamo ikiyabo kimo mwa fitatu ifya ndondwa, kangi ukutāga isyēme pāsi, kula kwāli pa kukomeléla kwa Ntwa gwītu Yeso akabalilo kāko abēne bālimpīkile Umwēne kangi Umwēne āli . . . nukuntāgila Umwēne panja nukuya nakyo nakimo ikyākubōmba na Mwēne; pala kyālipo ikiyabo ikyabutatu ikya ndondwa syabāndúmo, ifindu fyabāndúmi.

⁶³¹ Muketile, mu mbili gwīnu, nkati mwa umwe . . . (uswe tuli nalyo ililâlûsyo ilingi pa ikyo, nukutalula, ukulyāmula ilyēne kanunupo). Popāpo akabalilo kāko . . . Nkati mwa umwe yo mbepo, umündu uyungi. Panja pa ugwe yo mündu yumoywēne, nkati mwa umwe yo mündu uyüngi. Popāpo nkati mwa ugwe yo kikīndakipeligwa, panja pa ugwe yo kipalamasigwe. Muketile? Kangi ikindu iki, linga ugwe kulongosigwa-na-Mbepo, na Kyāla, ugwe gwālisíle ukuya ntumigwa gwa Kyāla, pamo u gwāndúmi.

U *ntumigwa* gwa Kyāla, u *gwāndúmi* gwa Kyāla, yo lisyu lilalila; kabagīla ukulipāgulánia ilyēne: u *ntumigwa* gwa Kyāla, pamo ugwāndúmi gwa Kyāla.

⁶³² Kangi ngimba yo aliku uyu ali na maka makulumba ukukinda? U Gwāndúmi ukufuma ku Mwānya pamo u gwāndúmi pa kigémo? Ngimba aliku alinakyo ikyēne? U gwāndúmi kukigémo! Paulo atile, “Linga u Gwandumi ukufuma ku Mwanya ikwisa nukulūmbilila inongwainunu yiliyōsa iyingi kwa umwe ukukinda iyi yīyo une ndalile ndūmbilile, ndeke umwēne agunigwége.” Popapo ugwāndúmi apakīgwe na Mbepo Mwikemo kangi ni Lisyu likwima kifuki na Kyāla. Uko ko kutalusya. Ku Mwanya, u bulagili bwake...

⁶³³ “Amaka gosa ku Mwanua kangi pāsi gapēgígwe nkiboko Kyangi. Būka, kangi une ngwisakubükága na umwe. Kilikyōsa iki ugwe kupinya pa kīsu, Une ngwisakupinya ku Mwāne. Iki umwe mukwābula pa kīsu, une nisakwābula ku Mwanya.”

⁶³⁴ O, linga i Kipanga ikiikemo ikikulumba kyaabagiile itolo ukusyagania amaka gaake ukuboomba ifindu ifi! Looli kulipo ukwiilaamwa kwiingi fiyo nulutende nukutetema, ukuswiiga linga ikyeene kisakuboombigwa, “Ngimba kibagiile ukuboombigwa?” Pene paapo kila kiliko, i Kipanga kikabagilamo siku ukwiima mmmwanya. Kangi akabalilo kaako ukuyoba kulikosa kwa lutende kusookilepo kangi u Mbepo Mwikemo yo loosa ali mbulagili bwa Kipanga, polelo ulutende loosa lukiindile, kangi i Kipanga kila kili na maka. Muketile? Fiki, abeene bali nafyo filifyosa ifi ku Mwanya kuli nafyo panyuma pa beene. Abeene bo bimilili ba Kikota. Naloliloli! U mwimilili gwa Kristi ali na maka, kangi kilikyosa iki Kristi ali nafyo fyo fyaake fya mwimilili yula. Kangi Umweene alinkuti, “Buuka umwe nkiisu kyosa, umwe mwe baketi Baangu ukufuma paapo u Mbepo Mwikemo isile pa umwe.” Kangi ngimba unketi yo fiki? Yo mwimilili; yo ikwiisa nukubiikila ubuketi ikindukimo. Amaka goosa ga ku Mwanya gali mulamula mmaboko gaako! O, ngimba nongwa ya fiki uswe tukwituugasya? Kangi ikipanga kitikupaapa, kangi uswe tukwituugasya kisitakweenda. Yo nongwa yakuti uswe tutikufyaagania ifindu ifi.

⁶³⁵ Lilino, imyoyo igi gyaali mminyololo (igi gikaapiindwike mma), gikaali findu fyaBaandumi mma ifi fyaa—fyasopeligwe paasi mbubuumbe bwa Baandumi, looli ifyeene gyaali mbepo sya fila ifindu fyabatumigwa aba baagwile bo ulwalo lwa kiisu lukaali ukwaaligwa, kunyuma kula akabalilo kaako ubwiite bwaabuukile panja ku Mwanya. Kangi Seetano kangi—kangi inyifwila fyalwiile kangi polelo... pamo Mikayelo kangi—kangi i—i nyiifwila fyaalwiile (na Lusifala). Kangi Lusifala aasopiigwe panja na baana bake boosa (boosa a baandumi aba umweene aasyobile), kangi abandumi bala bikwisa ku kiisu kangi balinkufiimobilisiga ukuya baandu. Kangi akabalilo

kaako abeene baaboombile, apo po paapo “a baana ba Kyaala babakeetile a baanabalindwana ba muundu baali banunu, kangi balinkwiyeegela ku been abakasi.”

⁶³⁶ Abeene bo banabalumiana ba Kyala. U mundu aligwesa uyu apaapiigwe nkiisu iki yo mwanundumiana gwa Kyala. Kali umweene yo ntulwanongwa pamo iki umweene ali, umweene yo mwanundumiana gwa Kyala. Apeeliigwe nkifwani kya Kyala panongwa ya ndufyo sya Kyala, umweene apeligwe mu njila yila. Looli Kyala ku bwaandilo aamenye ywani ikummwambilaga Umwene kangi ywani uyu atisakumwambilila Umweene. Polelo Umweeneaabagiile ukusungula-ngaani, pamo, ukusita kusungula-ngaani, looli ukwisila mu kumanyila-ngaani Umweeneaabagiile ukumanya yuuyo aabagiile ukupokigwa na yuuyo akaabagiile ukupokigwa, kabuno Umweene aamenye yo mundu nki aabagiile ukweega yo mbepo nki.

⁶³⁷ Kangi imbepo sila isi syaalasile ukufuma ku Kikota kya Kyala, kangi sikwiima pankyeeni pa Kikota kya Kyala, kangi fyali fyuumi...kangi ma biliyoni na mabiliyoni kangi ma aeyoni ga kabalilo bo i kiisu kikaali itolo nukwaanda, mu Kuyapo kwa Kyala, ngimba umwe mukwinogona abeene bakamanya ikindukimo ikya lwiputo? Kangi ifyeene fissile paasi kangi ukwisa itolo mwa muundu, kangi ifyeene fikwiipuuta Kyala! Nalolololi, ifyeene fikwiipuuta Kyala; kangi fili nu bumanyi bwa Kyaala, kangi ifyeene fikomu, kangi fyabukomu, kangi fimanyi, akabalilo kosa. Looli Kyala aafikaanile ifyeene ukufuma ku bwaandilo!

⁶³⁸ Popaapo polelo, mwinangu, ubwingila bwa kipanga, pamo—pamo ubumanyi bwa bufundakyala bumo pamo ikindukimo, kikaya nakyo nakimo ikyakuboomba ni Kyene. Ikyeene kibagiile ukuya Lilopa lya Yeso Kristi kangi ubupaapigwa ubupya ubu bukukuluungisa Ugwe ukuya muundu yumoyweene. Mwaketa umwe apo.

⁶³⁹ Kyaala, mbwandilo akabalilo kaako Umweene aameenye ukuti...Abanyambala na bakiikulu babuumbiigwe yumoyweene, komma babili, abeene baabuumbiigwe yumoyweene. Abeene baapaaguligwe, yumo aabikigwe mu mbili kangi yumo mwa kyala-mundu. Umweene aameenye ikyo. Popapo ukuti ukusisimikisyia ikyo kwa ugwe: akabalilo kaako Kyaala aabuumbile unkiikulu, Umweene akalyeegilemo umfu gumo nukumbumba umweene ngati Umweeneaaboombiile u nnyaambala; Umweene aalyeegile ulubafu ukufuma kulubafu lwa Adam, kangi umweene alinkuya kyombo-palubafu kya nnyaambala (panongwa yakuti umweene aali kiyabo kya mweene). Umwe mukukipilikisyia lilino? Muketile? Mwaketa umwe apo.

⁶⁴⁰ Abeene bo baandumi. Kangi Kyaala ni mbepo iyi yaalungisenie na Kyaala yo Mbepo yumoyweene. Uko ko

kutalusya. Lilino, u Mbepo gwa Kyala uyu ikwitugasya mu Kipanga, yo Mbepo uyu isile ukufuma ku Mwanya, uyu Kyaala aameenye bo lukaali ukwaaligwa ulwalo lwa kiisu, aba baapiikile ubusyobi bwa moohesi. Kangi imbepo yila yaafimbilisigwa ukweega umbili gwa nyama ukuya... ukweega ingelo syaake. Umweene aafimbilisigwaga ukwisa mu mbili ngati aba abaangi baaboombile, kangi bosa ba beene baafweele iliyooko ilifwaane. Kangi Kyaala, ku bwaandilo, aamenye imbepo isi syaabagiile, kangi isi sikaabagiile mma. Mwaketa umwe apo. U moohesi yula nkomu fiyo umweene aabagiile itolo ukusyooba balabala abasaligwa, linga fyaali fyakuboombigwa.

⁶⁴¹ Popaapo imbepo isi, abaandumi aba aba baaluumbilaga, baali mminyololo; *baandumi*, linga umwe mwisakukeetesya ikyeene apa, ikyeene kyo “b” unnini iki kokuti “nnyaambala”; baandumi, batumigwa apa pa kiisu. Abeene batulilw’inongwa, kangi injila yeene abeene baabagiile ukutulw’inongwa yaabagiile ukuya kusitakwitika! Kangi injila... Abeene baali nu bwiputi bwaabo, kangi abeene bakaalitike i ndumi ya Noa mma. Abeene bakaalitike i ndumi ya Enoki. Kangi abeene baapiikile i Ndumi yaabo, “kangi baatobesiigwe,” i Baangeli lyaayobile abeene baali.

⁶⁴² Enoki aasolwile ku beene, alinkuti, “U Ntwa ikwisa na maelifu kalongo ga biikemo Baake.”

⁶⁴³ Kangi abeene balinkusolola. Kangi Noa alinkuyeenga ingalaba, kangi abeene balinkuti, “Umweene yo mwikemombunguluka! Umweene yo mumilisi! Lukayapo nu luko nalumo ulwa kiindu ngati fula ukwisa.” Kangi ifyiinja mia yumo na malongo mabili filinkubuuka, kangi umweene aali nu bwiputi ubu bwaali nu bupoki mu bweene, pala yaalipo injila ya kubopelako yateendekiigwe, looli abeene baalikutisiigwe nkayiilo kaabo.

⁶⁴⁴ Iyo yo njila ikyeene kiyilile umwiisyugu, ukuti abaandu bikutisiigwe nkayiilo kaabo. Looli yilipo injila ya kubopelako, kangi injila yila yo kwisila kwa Yeso Kristi. Ameni. Mwaketa umwe apo: ikikolo kimokyeene, imbepo yimoyene.

⁶⁴⁵ Kangi abeene baali naloliloli baandu biipuuti, biipuuti fiyo, looli abeene balupoondilwe ulufingo lwalwitikano.

⁶⁴⁶ Momumo kiyilile ikyeene umwiisyugu. Mundu ikubuuuku ku kipanga, nukwilungisya ku fipanga ifinywaamu, nukugela ukuya mundu umfumuke fiyo nkaya. Linga abeene bikuloonda ukwilungisya ku kipanga, abeene bikweega ikinywamu ukukinda bosa nkaya, abanunu fiyo kangi biinogoneligwanunu nkaya. Bo butali buki abēne bikipondwa ukubilikīgwa! Bo butali buki abēne bikupōndwa Ikyēne!

⁶⁴⁷ Injila yeene ugwe kwisa kumanyamo siku Yeso Kristi ko kwisila mu busetuli bwamwambepo, komma ukwisila mu bufundakyala kangi bo bwingi buki ubu ugwe ufundile ili

Baangeli. Kali ugwe gwe gwa Christian Science, Methodisti, Jehovah Witness, pamo kilikyosa ugwe guli; kali ugwe uli fiki, ugwe utisakumanyamo Ilyene ukwisila mu Lisyu, ikyene yo Mbepo gwa Kyala ili likusetula Umwene kwa ugwe. Ikyene kyo busetuli bwamwambepo!

⁶⁴⁸ Akabalilo kako Adamu, mu ngunda gwa Edeni, kangi Eva, akabalilo kāko abāna bala bakāgígwe panja, apa ikwisa Kaini nu bufunda-kyāla ubununu. Umwēne alinkuti, “Kyāla abagile ukumanya ukuti uswe tukubōmba iki kubununu ukukinda—ikukinda kwa ndumbula yāngu. Une nguyēngága ikigemo ikimogi, une ngubikága amaluba pa kyēne, une ngubikága ifipaso pa kyēne, une ngukitendekága ikyēne kimogi. Naloliloli une mbagile ukuntengulila Kyāla na iki nukummanyisyा. Umwēne amanyége une ne gwabwanalolindumbula mu ndumbula yāngu.” Umwēne āli ntalusyi na mūmo i Lisyu lyābūkilágá; Kyāla álondága ulwīpúto, umwēne ābūkíle ku kwipúta. Umwēne āli nu buyo ubumogi ukwiputilamo, ubukumba, i katedro innunu (mūmo abēne bikuyikoléla umwīsyúgu). Kangi umwēne ātēndike iyēne kanunu, umwēne āyēngíle ikyēne kanunu nukubikága ikigemo mu yēne; umwēne akāli nsitakyala mma.

⁶⁴⁹ Lōli Abelo, pa Lisyu lya Kyāla... Likāliko nili Bāngéli lisimbígwe akabalilo kala, lōli Kyāla ãsetwile ku mwēne ukuti ikyēne kikāli kipaso iki kyātwéle uswe ukusōka mu ngūnda gwa Edeni, ikyēne kikāli ma apulo aga Adam na Eva bālile, ikyēne kyāli naloliloli findu fyakugonana ifi fyāpāgwile abēne nukubabayabania abēne. Kangi bo bamenyé ukuyti bālisíle ukuya bakufwa, kangi ukwisila mu lilopa lya Adam, kangi ukwisila mu lilopa lya njoka iyi yālyāndíle iki, Abelo, ukwisila mu busetuli Bwakyala, alinkubūka nukwēga akang’osi nukupa akēne. Kangi Kyala alinkuti, “Ikyo kyo Kyene!” Naloliloli.

⁶⁵⁰ Akabalilo kāko abēne bikusuluka pa Kyāmba Kwanduka, Yeso alinkuti, “Ngima yone ywāni abāndu bikuyoba Une ne Mwanundumiana gwa mündu?”

⁶⁵¹ “Bāmo bikuyoba Ugwe gwe ‘Mōse,’ kangi bāmo bikuyoba Ugwe gwe ‘Eliya,’ kangi bamo bikuyoba Ugwe gwe ‘Yeremiya,’ kangi bamo bikuyoba Ugwe gwe ‘Nsololi yula.’”

⁶⁵² Umwene alinkuti, “Loli Ngimba umwe mukuti Une yone ywani Une?”

⁶⁵³ Peteri alinkuti, “Ugwe gwe Kristi, u Mwanundumiana gwa Kyala gwabumi.”

⁶⁵⁴ Umwēne alinkuti, “Nsayígwa gwe ugwe, Simoni Mwana-gwa-yona, namanga umbili nililopa fikasetula iki kwa ugwe.” (Kêtésya!) “Komma kāngi mma ukwisila mwa mwakalata, komma kangi mma ukwisila mu sukulu; ugwe ukāmanuilémo ikyēne mu seminale, pamo ukuti yūmo äkubülile ugwe. Umbili ni lilipo fikasetula iki kwa ugwe, lōli Tāta Gwāngu uyu ali

ku Mwanya yo asetwile iki kwa ugwe. Kangi pa ilyalabwe ili Une nisakuyenga i Kipanga Kyāngu, kangi ifipata fya gehena fikabagila ukupōnjola Ubwēne.” Mwaketa lelo umwe. Ikyo kyo Kipanga kya Kyala gwabumi. Ikyo kyo ikyene. Pa kipanga kila... Pa *busetuli* buli, i Kipanga iki kiyēngigwe. Ubwene bo Busetuli ubu Kyala asetwile, ukuti Yeso Kristi yo Mwanundumiana gwa Kyala, kangi umwe mumwītike Umwēne ukuya Mpoki gwa ugwe pagwīmwéne, ugwe ukilēnie ukusuma ku bufwe ukubuka ku Būmi.

⁶⁵⁵ Kangi Mbepo Mwikemo ikwēnda nu kubōmba mu mbakasya sysa Mbili ugu. Pala kilipo i Kipanga! Kali ikyene kyo kilōndo, kangi kili kya butumigwa, kangi ugwe kwīma pāsi pa mpiki gwa paini pabuyo bumo, pamo kilikyōsa ikyene kili, linga ikyene mo munyumba ya mundu yumo ndukomano bwa kusofu, kali ukwēne kūko ikyene kibagile ukuya. Ubumogi na findu fitikunkyele Kyāla. Ukwēne ko bwanaloli-ndumbula bwa ndumbula ukwisila mu busetuli kūko Yeso Kristi atwālīgwe ukuya Mwanundumiana gwa Kyāla, gwagwīmwéne Mpoki gwitu. Amen!

⁶⁵⁶ Mwe, uswe... ugwe utikwēgamo nasiku ifi, ukukindamo bo ulo, bule uswe?

⁶⁵⁷ Fila fyo fila fifyo... ukukilania kula Umwēne ābūkile; abāndūmi: abatūmigwa, abalūmbilili bala, bala abamahala, bala abatumigwa aba bakālitike mma akabalilo aka Noa ābūkile ukulūmbilila ku bēne nukubabūla abēne, “Fiki, isaga mu ngalaba iti.”

⁶⁵⁸ Abēne balinkuti, “Pilikisyu ku mbukuluka-mwikemo uyu. Pilikisyu kwa mumilisi yula. Fiki, yikayako ni fula nayimo. Ywani apilikémo uluko lwa kindu ikyo? Fiki, mwe, ngimba uswe tukaya ni fipanga? Ngimba uswe tukaya bīputipúti?” Fiki, abene bāli bīputipúti!

⁶⁵⁹ Yeso āyobile iyene yikuyaga ngulilo iyi yākīndile itolo akabalilo kala, yikuyaga ngulilo yila iyi yikupīndukāga kangi itolo kifuki ku Kwisa Kyāke, “Mūmo ukwene kwayilile mmasiku ga Noa, momumukwene kwisakuyilaga mmasiku ga Mwanundumiana gwa mundu. Kabuno abēne bālyāga, bānwāga, bēgāga, bapēgigwāgwa mbwēgi.” Abēne bāli nagwe Reno, Nevada akabalilo kala, kubuyo bumo. Abēne bāli nu luko lwa butoyofu bōsa ulu abēne bali nalo umwīsyūgu; ukwendendeka, nu kusāla, nukutēndéka isekelo, abafugila na fyosa bo ifyo; ukuya nu luko lwa bunyakyala, loli ukukana u Bwanaloli bwanaloliloli: u lwitikano, i Ndumi ya ipyana. Kyāla ukutēndéka injila Yāke, kangu ukupa abāndu Bāke—Bāke ulwītikāno, mūmo abēne bābagile ukubopéla; Ikyene kyāli nu bupoki mu kyene, ubupóki bwāli bo buyo uwakubopelako.

⁶⁶⁰ “Ngimba uswe tukufūmbwa fiki nu bupoki?” Umwīsyūgu abāndu bikuyoba, “Ngimba uswe tutikwitugasya pāsi pa

luko ulununu ulwa demokalasi ulwa sikali? Ngimba uswe tukufūmbwa fiki?"

⁶⁶¹ Une ndikupāsy a bo bwīngi nki bwa luko lwa demokalase bwa sikali uswe tukwitugasya, uswe tukufūmbwa i Lilopa lya Yeso Kristi. Katalisya! Uswe tukufūmbwa Kristi. Une ngupālisya uluko lwa demokalase lwa sikali; ikyo kikaya nakyo nakimo ukubōmba nu bupóki bwa moyo. Naloliloli! Isikali sila sisakukinda, kangi ikikolo kilikyōsa kisakukinda. Kangi une nimilepo pa...kūko abafarao bālīmīle, kangi ugwe kufimbilisīgwa ukukumba amafiti malongo mabili pāsi pa mfu ukwakwāga ifikota pāpo abēne bitūgasyāga. Bōsa abafarao ni fitangalala fyāke ifya kīsu iki, na fyōsa fya findu ifikunguyuke fisakutoligwa nukusōkāpo, lōli Yehova isakulagilaga kubwilanabwila, kabuno Umwēne yo Kyāla nsitakufwa. Nubukafy Pibwe lya Kristi Yeso uswe tukwima, panongwa ya ifisu fyosa fyo misanga yakwibila.

⁶⁶² Ndikupasya kali ikyēne kyo...fitangalala fisakufyūka nukutoligwa, lōli, o, kikayapo nakimo, une ndikupāsy a kali ikyēne kyo kalikōsa, kikayapo nakimo kilipo, nakimo kilabo, nakimo (njala pamo ngubilwo pamo kalikōsa) fibagile ukutupagulania uswe ukufuma ku lugano lwa Kyāla ulu luli mwa Kristi. Akabalilo kāko u mündu apāpīgwe mwa Mbepo gwa Kyāla, umwēne yo kipeligwa kangi mma kya kababilo, lōli umwēne yo kipeligwa kya Syēpwa. Ameni. Umwene akilénie ukufuma ku bufwe ukubūku ku Būmi. Umwēne akilénie ukufuma ku...Umwēne akilénie ukukinda akambakasya ka kababilo, ukwingila mwa Syēpwa. Umwēne akabagila ukupyutīgwamo siku! Kangi Kyāla āfīngile ukuti Umwēne isakumfyūsy a umwēne mmasiku ga bumalikisyo.

⁶⁶³ Popāpo abēne babagile ukuya nafyo ifipānga fyābo ifinywāmu, kangi utubalilo tosa utwinu utubywāmu, kangi fyōsa ifi umwēne mukulōnda, nukuyoba isunga imbwapufu nukuya ni sālo isya Bunco, ni sekelo sya mposya na filifyosa ifingi ifi umwe mukulōnda; nukuya nu ndumbilili ummanyi imile pala. Lumo umwēne abagile ukubōmba imbonbo innunupo ukukinda bamu mwa balumiana abanini abaiyolo aba kifuki kisitakumanya aba ABC bābo. Lōli une ngubabūla umwe u bwānaloli, une kinunupo nije nu ndumiana akāmenye abaABC bāke ikulūmbilila kwa une (uyu āmenye Kristi) ukukinda bōsa abafundakyala abakulumba aba baliko nu bumanyi bwābo bābagile ukwinogonelīgwa. Naloliloli!

⁶⁶⁴ Paasi apa mu Kentuck, pakaya patali mma, akalumiana kanini kaiyolo aka kaatooligwaga nukubala ingamu yaake yeene, alinkuti u Ntwa aalinkooliile umwene ukuluumbilila kangi umweene aaloondaga inyumba ya sukulu. Fiki, abakulumba balinkusita kundeka umwene ayenayo iyeene. Undumbilili yumo unkulumba ikwisa pabwa pala nikyakukoleela pa ngamu yaake bo ulo, Yumo unkulumba

dokotala gwa syakyala, fiki, abeene balinkumwitikisya umwene aboombelege inyumba yile. Naloli. Alinkuya nu luyigo lwa milongo mibili, komma nu moyo gumogweene. Kangi ugwiise alinkugomokela ku nyuma, alinkuti, "Lilino umwe mwitikisya umwene aboombelege iyeene, une ne nsonga songo, une ndinabo ubwabuke ukuti undumiana gwaangu ukuya nayo iyeene. Kangi undumiana gwaangu yoope mpapo iyeene."

⁶⁶⁵ Popapo umweene alinkugomokela ukwakusyaagania, nukubasuma abeene, abeene balinkuti, "Ena, uswe twisakumwitikisya ukuti aye nayo iyeene kisita kusyalapo ikilo ibili." Kangi abeene balinkukiindilila nukummwitikisya umwe aboombelege iyeene ikilo ibili.

⁶⁶⁶ Kangi ikilo kila undumiana unnini ugawaiyolo yula alinkwima pamwanya pala kangi aatoligwaga nukubala i Baangeli, alinkuya na yumo ukubala ilisimbo lyake. Loli akabalilo kako umwene alinkwenda ukubuuka ku kigemo, umwene aalyonelelige nu Mbepo Mwikemo. Kangi akabalilo kaako umweene aaluumbilile, kifuki malongo mabili bikwisa ku kigemo; kangi undumbilili uwakwiteendeka-mweene alinkukuuta injila yaake unkikulu yula ukukiinda Kalvari, ku kigemo.

⁶⁶⁷ Naloli, nkundwe, ikyeene kikaya—kikaya iki ugwe umeenyenye, ikyeene kyo Yuuyo ugwe umenye. Iyo yo fundo, ikyo kyo iki kikweegela, ikyeene kikweegela ukummanya Kristi. Ukummanya Umwene, bo Bumi; ku ukunkana Umwene, bo bufwe.

⁶⁶⁸ Nakalinga ku malaalusyo agangi, amalaalusyo lilino aba bikubuuka ukusuluka ku Georgia:

67. Ngimba fyo fiki amabwe mu...gikwimilila mu Busetuli 21:19 na 20?

⁶⁶⁹ Linga umwe mukuloonda ukwiyeekela ukwigula a maBaangeli giinu, iki uswe tukaya nakabalilo kingi fiyo lilino, looli une ngugelaga ukwaamula agene lilino. Busetuli malongo mabili... Une ngusubila ikyeene yo 21:19 na 20. Ena.

⁶⁷⁰ Umma ndaga, nkati mula umwe mwisakusyaagania ukuti umweene aayobaga isya mabwe aga gaali nkiyumba. Kangi amabwe gaali lwaalo. Linga umwe mwisakukeetesya... Une ngusubili umwe mupaagile apeene pala, Nkundwe Neville. Kangi ilibwe lililyosa lyaali lwaalo. Komma ilibwe limolyeene u lwaalo, kangi agangi... Looli ilibwe lililyosa lyaali lwaalo. Ililibwe lililyosa lyaali lwaalo lwakukiindilila. Kangi agene gaali mabwe kalongo na mabili. Kangi linga umwe mwisakukeetesya amabwe kalongo na mabili gala, gikupa lililyosa... Taasi ukwaanda na yaspala, na sardiyusi, kangi na fyosa bo ifyo, ukwimilila ilibwe lililyoosa.

⁶⁷¹ Mwi Baangeli mula umwe mwisakusyaagania ikyeene kyaakoolelige amabwe gamo. Gamo ga gene ubukiindane

bunini, umwe mukapilikamo siku isya ikyeene. Linga ugwe kukeeta kunyuma mwa dikisyonale ugwe kwisakusyaagania ilyeene lyo libwe lilalila, itolo ingamu ingiindane; yaanduligwe.

⁶⁷² Looli ilyeene likwanda itolo na—na yaspala. Yaspala lyaali libwe lya—lya Benjamini, pamo, ilibwe lya...o, umwanundumiana gwakipanda, Reubeni. Ilbwe lyaakwaanda aali Reubeni, uyu yo aali yaspala. Ibwe lyabumalikisyo aali Benjamini, ibwe ilyabumalikisyo pamwanya.

⁶⁷³ Lilino, amabwe kalongo na mibili aga gaago ulwaalo lwalyaaligwe pamwanya, gala—gala amabwe kalongo na mibili gapayikigwaga pa sahani ya pakipaambaga ya Aaroni. Kangi ageene—ageene gimililaga, umweene aali yo mputi nkulumba gwa fila—gwa fila ifikolo. Liliyosa lya mabwe gabupaapigwe bwaabo nkati mula, mu iyi—isahano iyi. Kangi akabalilo kaako abaandu bayibweene isahani iyi, abeene bakibweene ukuti Aaroni aali yo mputi nkulumba ugwa kila kikolo kyoosa, akabalilo kaako abeene baaketile ibwe lya bupaapigwe mu buyo ubu.

⁶⁷⁴ Lilino, akabalilo kaako uswe twafikilemo ulubunju ulu mu ndumi ya Nkundwe Neville. Kangi ko kingikingi abeene baatwaalaga u Urimu Tumimu. Umwe muketile ikyeene kiyobigwe mwi Baangeli ukuya yo njila abeene baamenye kali indumi yaabo yaali Bwanaloli pamo mma. Amabwe gala, akabalilo kaako abeene baabukaga ukuyobela iki unnyaambala aayobile, unsololi aasolwiile, kangi amabwe goosa gala gaandalikaga palikimo. Ikyeene kyaateendekaga ukubungaania kwa bwelu ubu bwegaga u safiri, na yaspara, kangi kabankulu, na gosa gala amabwe agangi ukundalika ubwelu bwaabo, ikyeene kyaapelaga ilangi ya kipingafula kimokyeene ikikulumba ikinywamu iyi yonganiaga ikindu kyosa palikimo.

⁶⁷⁵ Lilino, lilino, umwisyugu, akabalilo kako Yurimu Tumimu ãsõsigwépo nu bupüti bula, lilino ili Bangeli ili lye Yurimu Tumimu gwa Kyāla umwisyugu. Kangi akabalilo kāko undumbilili ikulūmbilila, ikyēne kilingayaga itolo ubuyo ubunini bumobwēne apa, kangi ikyo kyo kyosa umwēne ikubīka isubilo syāke syōsa pala; ikyēne kikufimbilisigwa ukuya i Bāngeli lyōsa likundalika i ndumi iyi unnyāmbala ikulūmbilila. Ikyo kyo kindu. Komma itolo ubuyo bumobweene, kangi nukuyoba, “Ena, i Bāngeli likuyoba *iki*.” O, naloli, Ilyene likuyoba ifindu fi fiñgi. Lōli ugwe kufimbilisigwa ukuténdéka ikyēne kyōsa ukubikigwa palikimo. Kangi akabalilo kako u Mbepo gwa Kyala ikwisa kangi ukufika mu i—i Lisyu, Ikyēne kikubīka ikyēne kyōsa palikimo nukundalika u Lumuli lumolwēne ulunywamu ulukulumba, kangi u Lumuli lula lo Yeso Kristi. Ameni.

⁶⁷⁶ Lilino, amabwe kalongo na mabili aga gāli lwālo ulu lwālyāndile pala ukufuma pa Reuben, kangi Gadi, kangi ukukīndilila pāsi kwa Banjamini; ifikolo kalongo na fibili, amabwe kalongo na mabili. Kangi amabwe gala mu Tempeli, yo Yerusalem umpya Gwakumwanya, ulwaalo lulilōsa lwisakwāLígwa pa yumo mwa bātāta.

⁶⁷⁷ Lilino kētésya, umwe kētésya amabwe, lilino umwe mwisakukētésya abātāta bala bandalikigwe mulamula nkati nkindukimo ikingi, itolo mu lilālusyo ilingi.

68. Lingānia—lingānia ikyākina... ifyabūmi fina ifya Busetuli 5.

⁶⁷⁸ Nkundwe Neville, linga ugwe guli nakyo kila papapo apo kifuki, pamo mwe bamo ba umwe, ikya Busetuli 5, uswe twisakubala iki itolo ku miniti. Ikyēne kyo—ikyēne kyo kibonekelo kimogi apa ikya...Apa, une ndinapo apēne nimwēne, Busetuli ntu gwa 5:

*Kangi une ndinkukēta nkiboko kya mwēne yūyo
älítugesye pamwanya—pamwanya pa kikota ilibuku
lisimbigwe nkati na panja kangi—kangi—kangi ku
lubafu lwa kunyuma, lifungigwe na füngilo ihano na
sibili.*

Kangi une...

⁶⁷⁹ Lilino, ubo bo kukaya buyo mma. Une ngulōnda ukufika itolo panini pankyenipo, ifyābūmi fina. Unko uswe tukēte, ilinandi lya 14. Umma ndaga, nkulumba. Lilino, apa uswe tukubūka, ikyo kyo kitalusye. Lilino unko uswe twānde apa pa—pa linandi lya 12, umma, une ngusakikisyia i...“Kangi ifyābūmi fina fyāyobile, ‘Ameni.’” Umma, pala bulipo ubuyo ubunini kunyuma kwa ilyo, Nkundwe Neville. “Kēta, une nāpilike amasyu...”

⁶⁸⁰ Unko uswe tukēte, itolo iminiti, une nābalaga ilyēne akabalilo kanini lululu ulu. O, ap uswe tulipo, unko uswe twānde pa linandi lya 6. Ilinandi lya 5:

*Kangi yumo mwa bakulumba alinkuyoba kwa une:
kēta, i Ngalamu ya kikolo kya Yuda, u Nsisi gwa Davidi,
yibōmbile yipōnjwile ukwīgūla i būku, kangi ukwābūla
i... ififungilo.*

*Kangi une ndinkukeeta, kangi... nkati nkikota
kangi... ifyāabuumi fina, kangi, nkati mwa bakulumba,
alinkwiima u Kang'osi ukuya, iyeene yaagogigwe, yili
ni mitu mihamo na mibili kangi ifisige fihano na fibili,
isi syo Mbepo sihano na sibili... situmiigwe panja
ukufuma... ukubuuka ku kiisu.*

⁶⁸¹ Une ngulonda umwe ukukolelela ililaalusyo ilyo, kangi ling aune ndikulikola ilyeene paasi apa muminiti, une ngulonda ukulitwala kangi, une nguloonda ukuboombela pa ikyo, “i

Mbepo sihano na sibili isya fisige fihano na fibili ifi fyaali pa Kang'osi." O, ikyo kyo naloli kindu kimogi. (Ena, uswe tukuloonda ukweega ililaalusyo lya nkundwe uyu lilino.) Umma ndaga, komma ukwiibwa ikyo lilino.

*Kangi umweene alinkwisa kangi alinkweega
ilibuuuku ukufuma kukiboko ikiliilo kya umweene uyu
aalituugesyee pa kikota.*

*Kangi akabalilo kaako umweene aalyeegile ilyeene,
ifyaabuumi fina kangi a bakulumba bana na malongo
mabili balinkugwa paasi pankyeeni pa kang'osi,...
aligwesa gwa beene ali ni fisango,...*

⁶⁸² Lilino, ifyo fyo—fina—ifyaabuumi fina apa, linga umwe mukukeetesya. Lilino unko uswe tukiindilile nkyeeni nukubala itolo pankyenipo panini:

...*ifisango* fyagolidi,...*fiisiwile* ni sahani ni
fyakunungisya,...kangi inyiputo sya biikemo.

*Kangi abeene balinkwiimba ulwiimbo ulupya,...
Ugne gwe ubagile... (kangi balinkukiindilila kangi
balinkuteendeka ifyaabo...ulwiiputilo lwaabo loosa
kwa Ntwa)*

⁶⁸³ Lilino, ifyaabuumi ifi ifya Busetuli, linga umwe mwisakukeetesya ifyeene, ubuyo buliboosa... (Umwe babala I Baangeli, kangi baabo u muundu uyu isakupilikisyaga ubusiimbe bwa i tepi iyi). Ifyaabuumi fina fila, ifyeene fyaali ni fisyo fina: kimo kyaali ni kisyo bo muundu, ikingi kyaali ni kisyo bo ngambako, kangi ikingi kyaali bo ingwasi, kangi ikingi ikifyo kyaali bo ngalamu. Kangi ifyeene fikaagomokilemo siku kunyuma, ifyeene fikabagiile ukugomokela nyuma.

⁶⁸⁴ Balinga bikukumbukila ilubuuku ilikuulu lya Busetuli akabalilo kaako abeene baamanyisyaga ilyeene ifynja ifi fikindilepo, akabalilo kaako une naalyeegile kifuki fyinjalibili apa pa Buuku gwa Busetuli? Bingi ba bandu-baiyolo bikukumbukila.

⁶⁸⁵ Keeta, abeene bakaabagiile ukubuuka kunyuma, panongwa yakuti injila yiliyosa ifyeene fyaabukaga ifyeene fyaabukaga nkyeni. Linga ifyeene fyaabukaga injila *iyi*, ifyeene fyaabukaga ngati muundu; linga ifyeene fyaabukaga injila *iyi*, ifyeene fyaabukaga ngati ngalamu; fyaabukaga injila *iyi*, ifyeene fyaabukaga ngati ngwasi; linga ifyeene fyaabukile injila *iyi* ifyeene fyaabukaga ngati ngambako. Muketile, ifyeene fikaabagiile ukubuka nyuma, ifyeene fyaabukaga nkyeni akabalilo koosa.

⁶⁸⁶ Lilino ifyaabuumi fina fila. Lilino ukweega iki nakalinga, 'nongwa yakuti une ndikuloonda ukwituugasya katali fiyo pa iki. Looli ifyaabuumi fina... I *kinyamana*, mwi Baangeli, kikwiimulila "amaka." Kangi umwe mukukeetesya ifinyamana

ifi fyaali panja pala mwa suumbi pamo pa nyaanja pabuyo bumo fikwiisa mmwanya, looli ifyeene fyaali ku Kikota kya Kyaala, kangi ifyeene fiipuutaga Kyaala. Ifinyamana fina fila fikusanusya amaka mana aga gaatupwiike panja pa kiisu, kangi amaka mana gala syaali syo Nongwainunu ina: Matai, Mariko, Luka na Yohani; yumo atikulwaana nu yungi unnine.

⁶⁸⁷ Kangi yumo mwa beene, i... Ukuya Nongwainunu ikubuuka panja ukuya ngalamu, ikyeene kyo kyaakwikasya, ikyeene kyo kikifu; i Nongwainunu yo ngifu bo ngalamu, kangi ikyeene kyo mwalafyale bo yi ngalamu. Linga ikyeene kikubuuka kubwa kiisyo kya muundu, ikyeene kyo kikomu kangi kiyaanja bo muundu. Linga ikyeene bo ngwasi, ikyeene kili na mapiko amengo kangi ifyukano isyapamwanya. Ikyeene... Mukukeeta iki une ngusanusya? Linga ikyeene kikukubuuka bo ngambako, ikyeene kili falasi ya mbombo iyi yibagiile ukukwaaba, ingaambako iya mbombo iyi yibagiile ukukwaaba u—u—u nsigo gwa Nongwainunu. Ifinyamana fina fyaali maka mana, aga gaali: Matai, Mariko, Luka, na Yohani; i Nongwainunu ina isi sikukukuba panja mu Kuyapo kwa Kyaala. Kila kyaali...

⁶⁸⁸ Linga umwe mukukeetesya, ifyeene fyaali ni fisige mu nkyeeni na munyuma. Ifyeene—ifyeene... Kulikoosa ikyeene kyaabuukile, ikyeene kyandalikaga. Ifyeene fyaakeetaga kulikosa ifyeene fyaabuukaga. Kangi aga go maka ga Nongwainunu bo iyeene yibuuka panja, iyeene yibagiile... Iyeene yili nubukomu bwa muundu; iyeene yili nu bwengo bwa ngwasi; iyeene yili na—na—na—na maka, amaka gakukwaabilo, umpedimba-misigo ngati ngaambako; iyeene yili nu—nu kwikasya nu bukifu bwa ngalamu. Muketile, isyeene syo Nongwainunu ina, aga go maka mana ga Busetuli, untu gwa 4.

Syosa silikanunu, lilino ilikoonge:

69. Ngimba bo ba ywani abakulumba malongo mibili na mana?
Umma ndaga, une ngwitika ukuti ikyo kikuyaga pa u—u...
Ngimba bo ba ywani abakulumba malongo mibili na mana?

⁶⁸⁹ Lilino ikyo itolo kipepe, uswe twaabagiile ukufika ku kyeene. Abakulumba malongo mibili nab ana baalituuugesye pankyeeni pa Kikota. Ikyo kyo nkati mwe... Une ngusubila ikyeene kyo mu linandi 4, ko kuuko ikyeene kikwaagigwa. “Kangi pala palinkubuuka panja ikingi...” Une mbagiile uku... Unko uswe tukeete, une ndinako... 4:10.

⁶⁹⁰ Syosa silikanunu, u Busetuli, untu gwa 4, amanandi ga 10. Ubo bo bwanaloli. Uswe tukufikaga ku ikyene.

Kangi *a bakulumba bana na malongo mibili balinkugwa paasi pankyenpa umweene uyu aalituugesye pa kikota, kangi balikummwiipuuta umweene ikuya muumi bwilanabwila, kangi balinkusopa ingiga syaabo pankyenpa kikota bikuyoba,*

Ugwe gwe ubagiile, O Ntwa, ukwaambilila u lwiimiko nu luyiindiko na maka: kabuno ugwe upelile ifindu fyoosa, kangi panongwa ya bukyeele bwaako ifyene fili kangi fyaali fipeliigwe.

⁶⁹¹ Lilino abakulumba bana na malongo mabili. Unkulumba yo nketi gwa pamwanya. Lilino keetesya, abeene baali baataata kalongo na babili kangi batumigwa kalongo na babili. Kangi abeene baalituugesye, kalongo na babili ulubafu lumo kangi kalongo na babili ulubafu ulungi. Pala baali malongo mabili kangi bana abakulumba, aba bo baali batata kalongo na babili pa lubafu lumo, u Lwiitikano Ulukulu, abatumigwa kalongo na babili pa lubafu ulungi, ulwa Lwiitikano Ulupya. Ngimba Yeso akayobile, “Umwe mwisakwitugásya pa fikota kalongo na fibili, mukulöngä ifikolo kalongo na fibili ifya Israeli”?

⁶⁹² Lilino, inyibuko. Keeta, pala pope gulipo nu mpiki nkati mula. Kangi u mpiki ku mbafu syosa ibili gukupa uluko kalongo na lubili ulwa fipaso. Kangi igyeeene gikupa ifipaso fyaabo kamokene umweesi guligoosa, iki kyo myeesi kalongo na mibili nkyinja. Ifyeene fikupa uluko kalongo na lubili ulwa kipaso ikyinja kilikyosa bo ikyeene kikukiindilila. *Kalongo na ibili*, mu mbalilo ya “nyiipuuto”, umwe muketile. Kangi baalipo malongo mabili nab ana, baabagile ukuya malongo mabili nab ana, abatumigwa kalongo na babili kangi abaatata kalongo na babili. Abeene biitugesye ku Kikota.

⁶⁹³ Umma ndaga, lilino ilimandi lya 4, pamo, ililaalusyo lya buna:

70. Ngimba undisi unkesefu gwimililaga fiki mu Bwaandilo 38?

⁶⁹⁴ Indisi unkesefu, linga umwe mwisakukeetesya, ugweene aali Yuda. Kangi umweene aali na banabalumiana, kangi yumo mwa banabalumiana baake aalyeegile unkiikulu gwa kiKenani. Kangi u nkikukulu gwa kiKenani uyu akaali na baana balibosa mma, kangi u mwanundumiana gwaake alinkufwa. Polelo, ululaagilo akabalilo kala lwaali ko kweega... umwanundumiana unkongeaabagile ukweega unkasi gwa nkulu gwaake, nukukusya imbeyu ku bafwe. Kangi u nnyambala uyungi akaapilikiiile mma nukuboomba muumo umweene aabagiliile, kangi u Ntwa alinkungoga umweene. Polelo umwene aali mwanundumiana uyungi; popaapo Yuda alinkuti, “Guulila mpaka umwanundumiana uyu ikweendesa... ikukulapo mpaka pa buyo paapo ugwe ubagiile ukwegana nagwe.”

⁶⁹⁵ Kangi akabalilo kaako umweene aakulile ku buyo bwaakuti umweene aabagiile ukwega unkasi gwa bakulu bake babili abatasi, ena, umweene aabagiile ukummweega umweene akabalilo kala, ukukusya imbeyu ku bakundwe bake aba ba... aba baafwiile pankyenii paake. Yuda akalimpee unkiikulu yula (unkiikulu gwa kiKenani) umwanundumiana, undumiana, kangi itolo alinkundeka umweene abuukege ukukiindilila. Popaapo

umweene aaketile ukutu umweene aabombaga ubusobi, popaapo umweene ikusooka panja nukuniemba ikikingo pa kisyo kyaake, nukwituugasya mbuyo bwakilundilo ukuya bo gwamalaya aabagiile ukwituugasya.

⁶⁹⁶ Yuda ikwisa kifuki kangi alinkweega unkiikulu ukuya nkasi gwaake, kangi umweene aali gwamalaya, nukwitugasya nu mweene. Kangi alinkuti, umweene unkiikulu alinkuti, “Ena, fyo fiki ugwe kwitikisaniaga na nine?” Kangi umweene... umweene alinkuti...

⁶⁹⁷ Umweene alinkuti, “Une ngumpa umweene aka—aka mbene.” Umweene alinkuti, “Ena, mbapo une ikimanyilo ukuti ugwe kwisakuboomba ikyeene.” Popaapo umweene alinkweega ingili yaake nu lusambo lwake na fyosa bo ifyo, kangi alinkukyunga ikyeene.

⁶⁹⁸ Kangi akabalilo kaako abeene baatweele akambene, abeene balinkutoligwa ukummwaga ugwmalaya yula, ’nongwa yakuti umweene akaali gwamalaya mma.

⁶⁹⁹ Ukukinda akabalilo, umweene alinkubonekela kula ukuti umweene ikuyaga yo maama. Kangi akabalilo kaako umweene aabonekiile kula ukuti umweene ikuyaga yo maama, abeene balinkwisa ukumbula Yuda, “Unkamwana gwaako aboombile ikiyabo kya gwamalaya.” Balinkuti, “Panongwa yakuti umweene—umwene ikuyaga maama, kangi abalumiana baako bosa-babili bafwiile.”

⁷⁰⁰ Umweene alinkuti, “Ena, umweene ikukooleligwaga panja, kangi nkokya umweene.”

⁷⁰¹ Kangi popaapo umweene alinkutumu ilisyu kwa Yuda, kangi umweene alinkuti, “Unnyambala uyu aaboombile iki, aali ni ngili iyi kangi ulusambo ulu.” Umma ndaga, yula aali nkoyi gwaake.

⁷⁰² Kangi umweene alinkuti, “Umweene yo ngolofupo ukukiinda muumo une njilile.”

⁷⁰³ Lilino, akabalilo kaako umweene aamenye ukuti abaana baake baabagiile ukupaapigwa, abeene baali bambasa. Kangi akabalilo kaako u mbasa... U mwanike ugwaakwanda uyu ayaga pakupaapigwa, ulwiho lwa kiYuda ulwaiyolo, umwanike ugwickipanga ali nu bwaabuke bwa kupaapigwa, umwanike ugwickipanda ukulepulila panja. Kangi ikyo, kumbukilaga, ali mwana gwaake gwaakipanda. Nayumo mwa bosa balumiana baali na baana mwa mweene. Umweene akaalimo nu mwanike mpaka akabalilo aka.

⁷⁰⁴ Kangi akabalilo kaako umwana gwaake gwakipaanda alepuliile paanja, ikyeene kyaali kiboko itolo. Kangi umpsapisi alinkubiika akenda akakesefu ukusyungutila ikyeene, panongwa yakuti akalisi akakesefu kaayobaga isya lutabulo

ulu umwana gwakipaanda gwa mfunde Maria isaga ukuya... ukuya nu ndisi unkesefu gwa lutabulo.

⁷⁰⁵ Kangi akabalilo kaako umweene akwaabile ikiboko kyaake ukugomokela, uyungi yula alikwisa ukutala. Kangi akabalilo kaako umweene aaboombile, balinkuti, "Nongwa ya fiki ugwe uboombiile iki? Uyungi yula yo ali nu bwabuke bwakupaapigwa."

⁷⁰⁶ Polelo ikyo kyo iki Bwandilo 38 ikusanusya, umwe muketile, ukuti umwaana gwaakipaanda akaali aasyeеле mpaka ukwisa kwa Ntwa Yeso Kristi, ukuti ugawkwanda aali paasi pa lulagilo lwa lutabulo.

⁷⁰⁷ Umwe mumenye une naayobile...akambunda akanini, umwe mumenye, une njobilepo, ukuti ifisigwe fyaake fyaali... kilikyosa ikingi, imbulukutu syaake syabongotwiike, looli, linga umweene nu bwaabuke bwakupaapigwa, akasitabusobi, akapelelesya akang'osi kaafwiile mbuyo bwaake. Apo ikyeene kilipo.

⁷⁰⁸ Popaapo ifyo fyaali panongwa ya bwaabuke bwakupaapigwa. Umwana ugwkipaanda uyu alepulile panja ukufuma kwa maama, kangi abeene baakeetile ikiboko kila (kangi bameenye ukuti akene kaabagiile ukugomokela kangi). Kangi akabalilo kaako umweene aagutile panja ikiboko kyaake ukubonesya ukuti umweene aali nabo ubweene, umweene aali gwakwaanda yula, umpaapisi alinkupinya akalisi akakesefu ukusyungutila ikyeene, kangi umweene alinkukwaabila kunyuma ikiboko kyaake. Muketile? Looli, naloliloli, umweene aali gwakwaanda. Gula gwaali ndisi unkesefu, undisi unkesefu guli...injila yoosa ukukiinda i Baangeli, ugweene gukusanusya ulutabulo; iki kyasosolaga kunkyeeni ku mwana gwakipanda ikwiisa.

⁷⁰⁹ Ifalasi yakipaanda yipaapigwe, ing'ombe yakipaanda yipaapigwe, kali ikyeene kyaali fiki, kilikyoosa iki kyaapaapigwe kyaakwanda (iki kyaalisile panja) kyaali paasi pa lutabulo, kyabagiiile ukutabuligwe;; kilikyoosa kyaafimbilisigwaga ukutabuligwa! Haleluya! O, ikyo itolo kikunsangalusya une. Ngimba umwe mukupilikisyu ikyeene? Ikya kwaanda kyafiimbilisigwaga ukutabuligwa. Ulweene lwaali lulagilo. Yisayigwege i Ngamu ya Ntwa!

⁷¹⁰ Kangi akabalilo kaako Yeso Kristi aapaapigwe, Umweene aatabwiile ikiisu kyosa. Naloliloli, Umweene aaboombile. Umweene aali Ntabuli gwa kipeligwa kilikyoosa iki kyapeligmemo siku pa kiisu. Umweene aali Ntabuli. Kangi ku...ubutabuli boosa bulaambalele mwa Umweene, kangi injila nayimoyweene na panandi ubagile ugwe ukwiisamo siku ni mbombo innuu, ukwiisila ukwingila ikipaanga, pamo kilikyoosa ikyeene kili; ugwe kufiimbilisigwaga ukwiisila mu ndisi unkesefu gula, yula u Ntabuli, yula u Ntabuli nkamu.

Umma ndaga, lilino ilikoonge lyo:

- 711 Ngimba ifikuungilwa fili kugu...Ngimba fyo filiku ifikuungilwa ifi fyakutumigwa ukufwaana nu bufwe bwa baketi babili ba Busetuli 11?**

O, Nkundwe Palmer, linga ugwe ukabagila ukulaalusya amalaalusyo gamo!

⁷¹¹ Lilino, ubutabulo, imilisi igi apa, undisi unkesefu ugu, uswe tukukeeta ikyeene kyasanusyaga ulutabulo.

⁷¹² Lilino ililalusyo ilikoonge lyo:

Ngimba fyo fiki ifikuungilwa fwa mu Busetuli 11?

⁷¹³ Kakwiisa akabalilo...Lilino apa pikuya ngapo ilyaamulo ili lyaalyaamuligwe ikilo ikingi, ili undumbilili mwinangu gwa une aasiimbile isya ba Yuda, muumo ikyeene kikuyaga.

⁷¹⁴ Lilino aba Yuda aba bali ni fyiinja fitatu-na-sinda fifiingigwe ku beene. Balinga bamenyé ikyo? Imilungu malongo mahano na mabili gyafiingiligwe. Alinkuti, "Mesiya isakwiisa nukutumuligwe pakatikati." Ifyiinja fitatu-na-sinda Kristi aalumbilile, aagogiigwe katikati mu fyiinka fitatu-na-sinda, ifyiinja fitatu ni myesi mihano-na-gumo Umweene aaluumbilile.

⁷¹⁵ Kangi polelo ikyamwiiko iki kikupela ubusaame, i—i kisilamu kya Omar kyaabiikigwe pa Buyo Ubwiikemo; muumo Kyaala aayobile ifyiinja abamia malongo mabili-na-bahano bo kikaali ukuboneka. U nsololi aakibweene ikyene, kangi aketile ikyene, kangi alinkuyoba abeene bayaga pakuboomba, a Baapanja, bisakuyaga mbwenekaya pala mpaka akabalilo ka Baapanja kikumalikaga.

⁷¹⁶ Lilino fikaali filipo ifyiinja fitatu-na-sinda fyaafingiigwe. Linga umwe mukukeetesya, abaketi aba ba Busetuli 11 bikusolola amasiku elifu yumo, abamia babili na malongo mahano na limo; katikati ifyiinja fitatu na sinda. Lilino...kangi abeene baali mfisaka. Lilino, keetesya ubutumigwe bwaabo, iki abeene bali. Lilino, abaketi babili aba bikugogigwa.

⁷¹⁷ Lilino, i...Abeene bagomokiile ku ba Yida ukufuma pa Kunyakilige kwa Kipanga kya Baapanja. I Kipanga kya Baapanja kikubuuka ku Kaaya ku Lusekelo lwa Bweegi, kangi bo muumo Rabeka aalyegigwe mbuyo bwa Abraham na Isaka kangi kula aalyegigigwe. Kangi Rabeka na Isaka bikwisa panja nu bwesenakyo boosa bwa filifyosa ifi Abraham aali nafyo, ikyeene kyoosa kyaabuukile kwa Isaka. Naloliloli! Kangi ikyeene kikaabagiile ukwiisa kwa Isaka mpaka ikyakwaanda aalyegile. Oh haleluya! Mwaketi umwe lelo.

⁷¹⁸ Kangi Kristi ikuya...Kyaala ikwituugasya mbupelelesye, umbili umonangike loosa bwilanabwila kangi ukukiinda Syeepwa. Akabalilo kaako u Kang'osi nu Nsiingiligwa beegeene ku Mwanya, Umweene unkiikulu ikusooka panja mbwesenakyo

bwafyoosa. Naloliloli! Isaka na Rabeka baasookile panja mbwenenakyo bwafyoosa.

⁷¹⁹ Kangi akabalilo kaako ulusekelo ulu lukuboombigwa ku Mwanya, ukwa Nsiingiligwa, u Nsiingiligwa Gwaapanja ukweegigwa kwa Unsooka (Mwanundumiana gwa Kyaala), mu Lwiimiko; akabalilo koosa abeene bikweegana, filipo ifyiinja fitatu-na-sinda ifi fikuyapo akabalilo koosa i... Moose na Eliya...

⁷²⁰ Iki, Moose akayongilemo mma siku... umma, umbili gwaake gwaapiimbige ukusoosigwaapo. A Baandumi baalimmwegile umweene, umweene akaafwile mma, umweene akaabolile mma siku. Umweene aali yo kyakwegelela ikipelelesye kya Kristi. Umweene aafwile kangi a Baandumi balimpimbile umweene ukunsoosyaapo, kangi yoope na moohesi akamanya kuuko umweene aasyiilige, kangi aagelile ukukanikana na Mikayelo u Gwaandumi-nkulumba isya kusyilige kwaake. Ikyo kyo iki i Baangeli lyaayobile. Kyala aalimmwegile umwene mu Kunyakilige.

⁷²¹ Kangi Eliya, akabalilo kaako umweene endaga pala, unsololi gwa Kyaala, alinkusulukila ku Yorodani, ikufuula ikikingo kyaake nukutika amiisi, kangi umweene alinkupaagukana ku kiliilo na kukiimama. Umweene alinkufyuka pa kyaamba. Elisha alinkuti... Alinkuti, "Ngimba ugwe kungoongesya une panongwa ya fiki?"

⁷²² Umweene alinkuti, "Une nguloonda ifiyabo fibili fya Mbepo gwaako."

⁷²³ Alinkuti, "Ugwe gusuumile ikindu ikikafu, looli linga ugwe kumbona une bo une ngubuuka." Umweene alinkuumiliisya amaso gaake pa mweene.

⁷²⁴ Kangi ukukiinda akabalilo, ukusuluka ukufuma ku Mwanya kulinkwiisa iligileta lya moto kangi a Baandumi ba moto, ifalasi sya moto, kangi Eliya alinkwitoga pala nukubuuka mmmwanya mu Lwiimiko. Umweene akagonjilemo ifwa siku, umweene aasamisiigwe, umweene ikufiimbilisigwa ukufwa!

⁷²⁵ Kangi linga umwe mwisakukeetesya abasololi babili aba aba Busetuli 11, abeene bikuboomba ikindu kilakila ikifwaane iki Moose na Eliya baaboombile. Ugwe kuyoba, "Nkundwe Branham, ngimba ugwe kusanusya ukumbula une ukuti Eliya na Moose bakaali bali nu bumi?" Naloliloli!

⁷²⁶ Fiki, pankyen'i pa Kyaamba Bwaanduke... Ku Kyaamba Bwaanduke, bo Yeso akaali ukubuuka ku Kalvari, pala palinkwiima bosa-babili Moose na Eliya bimile pala bikuyoba ku Mweene. Naloliloli, abeene baaboombile, abeene bakafwa mma. Kangi abeene bakaafwiilemo siku; abeene bo baakufwa, abeene bikufiimbilisigwa ukufwa. Popapo abene bali itolo nkayilo kalwimiko bikugulila akabalilo kala.

⁷²⁷ Kangi polelo akabalilo kako abene bikwiisa ukugomokela nukuluumbilila katikati ifyinja fitatu-na-sinda paasi pa kupakigwa kwa Loosyo Iwa Mbepo Mwikemo, akabalilo kaako isayo syeegiigwe ukufuma ku Baapanja (kangi i Kipanga kyeegiigwe mmwanya); kangi ikitalale, ikipanga kyanyiho kikufwiimigwa paasi ngati mmbwa, na bakikomyunisti ni kibugutila kya Roma, kangi akabalilo kaako abeene bafwiimiigwe paasi nukugogigwa. Abeene—abeene bagogiigwe akabalilo kala; abasololi aba bikuluumbilila ifyinja fitatu-na-sinda, kangi i Baangeli lyayobile abeene baagogiigwe nkakulumba...mu lukiindi, lukukooleligwa mwambepo, Sodomu na Igupti, kuuko u Ntwa gwiit u aakomeleliigwe. Uko ko kunyuma kula mu Yerusalem; muketile, ukugomokela mu Yerusalem, ukukooleligwa mwambepo.

⁷²⁸ Kangu abeene baalaambalele pa lukiindi amasiku matatu ni kilo fitatu. Kangi polelo ku bumalikisyo bwa masiku matatu-na-sinda, umbepo gwa buumi alinkwisa mwa beene kangi abeene balinkufyuuka mmwanya. Abeene baafiimbilisiigwe ukufwa ukuya bo baakufwa, abeene balinkufiimbilisigwa ukuboomba ikyeene. Kangi akabalilo kaako abeene baagogiile abaluumbilili babili...

⁷²⁹ Abeene baluumbiliile ukulwana nubusobi, kangi abeene baatweele u moto ukufuma ku mwanya. Ngimba ywani aaboombile ikyo? Muketile? Abeene baatweele ifigwaya ukufuma ku mwanya, kangi balinkutika iksu nakalinga bo... kangi pa kablilo kalikosa abēne bālondelāga. Abeene baatweele u moto ukufuma ku mwanya. Kangi abeene balinkwimisyu ku miyana ukuti ifula yingagwaga, nu butali ubu abeene baaloondaga. Ngimba yo ywani aali yula? Katikati Moose na Eliya. Kangi pala po bala baketi babili.

⁷³⁰ Kangi akabalilo kaako abeene baakubilwisye ikipanga, pamo ikiisu, ukwisia mu kulumbilila kwaabo, nukwambilila ukugomokela kwa baYuda, nukubatwaala abeene kangi ku lupindiko, ukubatwala abeene kangi ku kwitika pa... Akabalilo kaako abeene bikumbona Yeso ikwiisa lilino panongwa ya Nsiingiligwa, abene bisakuyobaga, “Keta, uyu yo Kyala gwiit Uyu uswe tukuguulilepo. Uyo yo Mwene!” Looli Umweene atikwisila abeene mma; Umweene ikwisila panongwa ya Nsiingiligwa Gwaake. Kangi u Nsiingiligwa Gwaake...

⁷³¹ Akabalilo kaako Yosefu aabuukile mu Igupti, umweene akaalyeegile abakundwe baake nu mweene, looli umweene aali nu nsiingiligwa gwaake mula. Naloliloli! Looli akabalilo kaako umweene aalifumwiisye mweene ku bakundwe baake, akaalipo nayumo alipo. Uko ko katikati kutalusya. Kangi akabalilo kaako Umweene ikwifumusya ku baYuda aba, batiskuyapo nabamo kula looli ba baYuda. Pala bo bala baabo balingogiile Yosefu, bimile pala; kangi umweene alinkuti, “Ena, une ne Yosefu, unkundwe gwiinu.” Kangi umweene aakuutile.

⁷³² Kangi abeene balinkuti, “Lilino uswe tumenye tuli mu nongwa, panongwa yakuti uswe twaalingo gile umweene.”

⁷³³ Ikindu kilakila, abaYuda bala bisakuya na kabalilo akakulumba aka butolwe itolo kifuki ku kwisa lilino, isya lufwiimo ukubabopesya abeene ukugomokela kwa kiisu kya kukaaya. Ikyeene ukubakaga abeene ngati kibugutila kya ng’osi ukugomokela ku Kyaamba Karmeli kwiisiilya.

⁷³⁴ Akabalilo kaako u Ntwa Yeso isakwiisila u Nsiingiligwa Gwaake, kangi abeene bikumbona Umweene, abeene bisakuyoba, “Uyo yo Yula uswe twaaguulila ngapo, pala Umweene alipo!” Umweene isakufyuuka nu lubumbulusyo mmapiko Gaake. Uko ko kutalusya.

⁷³⁵ Kangi ikipanga, abasyaale ba baYuda, akabalilo kaako abeene kubumalikisyia bikugoga abasololi babili aba, kangi abeene baalaambaleele ndukiindi mwambepo ulu lukukoleligwa Sodumu na Igupti, kuuko u Ntwa gwiitu aakomeleliigwe, abeene bikutuma ifyaabupi yumo ku nnine (ikiisu kikuboomba).

⁷³⁶ Lilino, Nkundwe Palmer, ugwe gwaketa lelo. Keeta kunyuma mu syaambukulu sya Roma kangi mwe mwakisusyaagania kilipo ikiisu kimokyeene itolo nkiisu kyoosa kyaatumilemo ifyaabupi ukufuma pa bwiite, ikyo kyo Kitangalala kya Roma.

⁷³⁷ Iyo yo nongwa une nguyoba ukuti u ndwananakristi iksiisa ukufuma mwa Roma. U kinyamana iksiisa ukufuma ku Roma, ikyeene kikabagila ukufuma ku Moscow. Ikyeene kikufuma ku Roma, inyiifwiila ingesefu yaliimile pa nkiikulu yula ukulasulania u Mwanike gwaake ukufuma paapo Akeene kapaapigwe. U mōhesi yula, ngimba ko kuugu aaliko mōhesi yula? Ngimba aali ywani ikyeene? Kaisala Ogastusi uyu aatumile panja kangi aagogile abaana boosa ukufuma ifyinja fibili ukwikilila paasi. Inyiifwiila ingesefu, inyiifwiila, *kinyamana* kokuti “maka.” A maka ga kiRoma gafwiimaga nukugela ukummwaga yula Kristi Mwanike.

⁷³⁸ Kangi ikindu kilakila! Akabalilo kalikoosa ukuti abaRoma, abaRoma abaiyoli abiiputafifwani baalisibile ukuya nu buponjoli ubukulumba, abeene abeene baalisibile ukutuma amabwe ameelu na filifyosa yumo ku yuungi, ukuya fyaabupi ngati lula, ukuya fikuumbusyo. Popaapo amabwe gala aga gaali... Iki ikyeene kyaali, fyaali fyaabupi finini fitumiigwe pakati pa kipanga kya Roma. Naloliloli! Katikati. Ikyeene kyo kibagile ukuya.

⁷³⁹ Une naliimile palapala pala mu Kaya Vatican kangi nakeetesisyemo mu li Baangeli. U paapa ukufwaala ingiga yabutatu, *Vicarivs Filii Dei*, ifindu fyosa fila ifi une naapilike na fyosa bo ifyo, ubweene bo naloliloli bo bwanaloli; ikibugutila kyabwiputiputi iki kikulagila ikiisu kilikyoosa paasi pa ku Mwanya, kangi ikyeene kikuboomba. Mwaketi ikyeene lelo, ikyeene kyo luulo.

⁷⁴⁰ Nakimo ukulwana nu Bandu ba kiKatolika (umma, nkulumba), abene bo itolo banunu bo aligwesa yumo uyungi, looli ubwiputiputi bwaabo bo busobi ukufwana ni Baangeli ili. Linga i Baangeli ili lyalusye, abeene bo basobi. Abeene bikuyoba abeene batiku... “Ikyene kikaya ni mbombo iki i Baangeli likuyoba, ikyeene kyo iki ikipaanga kikuyoba.” Uswe tukwitika ukuti i Baangeli likuyoba nu na maka gapamwanya! Naloliloli, ilyeene lya Lisyu lya Kyaala.

⁷⁴¹ Popaapo umwe mukukeeta apo, amabwe aga gaago gatumigwaga akabalilo kala, aga Busetuli apa, go a—a mabwe aga gaali fyaabupi ifi fyatumigwaga yumo ku nnine. Iki itolo kikubuuka ukunaangisya... Ili Baangeli lyaayobile, u Busetuli apa, lyaayobile, “Unko umweene uyu ali na mahala abale imbalilo ya kinyamana. Unko umweene uyu ali na mahala aboombe *kyakuti-na-kyakuti*. Unko umweene uyu ali nu mbepo gwa kikungilwa kimo aboombe *ikyakuti-na-kyakuti*.” Umwe muketile muromo kiyilile kipiimba ikipanga kili?

⁷⁴² U nnyaambala unkeke alindalusiisyne une ulubunju ulu isya fikuungilwa ifyamwambepo, isya kuyobela mu ndimi. U mwiniti unkeke, gwanaloli-ndumbula naloli, une ngusuubila umweene ikuyaga ndumbili gamo mwa masiku aga. Kangi ukufwana ni kipanga, une ndinkuti, “Filipo fingi fiyo ifya ikyeene ifi fyo mbili. Uswe tutikuloonda ikyo mma, looli uswe tukuloonda ikiindu kyanaloliloli. Uswe tukuguulila ukuya nakyo ikyeene.”

⁷⁴³ Ugwe ukabagile ukubuuka ukumanyisya ikyeene nkipanga; ikindu kyaakwanda umwe mumenye, ugwe kwaaga, yumo ali nu lulimi, yumo ali nu lwiimbo, Polelo ugwe kufiimbilisigwa ukulwana ni kindu iki moosa. Lōli akabalilo kāko Kyāla ikupa ikikūngilwa pakyēne, ikyēne kisakubonekela pakyēne. Uko ko kutalusya. Muketile, ifyo fyo fyabupe fya Kyāla, ifyo fyo Umweene ikutuma ku Kipanga ukuti baponjolege.

⁷⁴⁴ Lilino, u ndwananakristi ali ni kindikimo ngati kinunu kangi kibibi, ikyeene kili ni—ni—ni njila iniongasiigwe iya kuboomba ikyeene. Kangi ikyo kyo kitangalala kya Roma iki kikutuma ifyabupe yumo ku nnine, ifyaabupe ifipeligwa. Kyaala ikituma ifyaabupe ifyamwambepo ku baponjoli; u gwa kiRoma ikutuma ifyaabupe ifyakipeliga kwa yumo nu nnine.

⁷⁴⁵ Uswe tukwitika u Mbepo Mwikemo yo Mbepo, uswe tukummwambilila Umwene ukwisila mu loosyo ulu lukufuma pa Mwanya.

⁷⁴⁶ Ikipanga kya Katolika kikumanyisya, “Umwikemo ukaristiya uyu yo mbili gwa Kristi; ukuti linga ugwe kwaambilila unkati ugu na kosha, ikyeene *yo* Mbepo Mwikemo, Unsyuka Mwikemo, ukaristiya mwikemo.” Muketile?

⁷⁴⁷ Uswe tukwitika akeene ko kapatu ka nkati, uswe tutikwiitika akeene ko mbili gwa Kristi, (uswe tuli kifuki

ukweega ikyene mu maminiti manandi). Uswe akeene kakwiimilila u mbili gwa Kristi. Looli akeene kakaya...

⁷⁴⁸ Uko ko kukiindana pakati pa kimanyisyo kya kiKatolika na kyaBakaanikana. Muketile? Ikipanga kya Katolika kikuyoba, "U mbili go...Unkati go mbili gwanaloliloli. Ikipanga kili na maka ukwandusya iki." Ngimba umwe mumbwenemo unKatolika ikukilania ikipanga, ikwiinamisya untu gwaake, nukuteendeka ifipingika? Kangi panongwa yakuti ubwelu ubunini bula bukwaaka nkipanga pala paasi pa kateembe akanini kala. Ikyeene kili nako ubweelu ubunini nkati mula, kangi u nkati gwa kosha gulaambalele nkati mula. "Kangi ikyo go mbili gwa Kristi. Kangi akabalilo kaako umwe mukweega ako, ugwe naloliloli kulya u mbili gwanaloliloli gwa Kristi pa bulilanisi bwaako ubwakwaanda nu kwilata kwaako na fyosa bo ifyo. Ugwe kulya, naloliloli, umbili gwa Kristi."

⁷⁴⁹ Uswe tukuyoba ukuti akeene *kakwiimilila* u mbili gwa Kristi, muketile, ukuti akeene ko nakimo nkisu kya paasi looli akapatu ka nkati. Kangi kisita kupasya linga akeene kakaali koope nkati, linga ikyeene kyaali kalikoosa ikingi, ikyeene kyaabagiile ukwiimilila itolo ukufwana. Itolo—itolo katikati. Kali abene...

⁷⁵⁰ Bo muumo abaandu aba baabo bikuyoba, "Une ngabagilaukoosigwa nkitubwi, une nguloonda ukoosigwa nkisooko."

⁷⁵¹ Ngimba bo bukiindane buki ikyeene kikupela, pene paapo ugwe goosiigwe? Linga ikyeene kili nkitubwe, kangi... Fiki, Philip alyoosiigwe nkitubwi...akabalilo kaako umfule alyoosiigwe. Akabalilo kaako Filipu aalimmosiisyne umfule nkitubwi, u Mbepo Mwikemo aalinkunyaka umweene fiyo mpala Umweene alinkumpiimba Filipu ukusookapo, umweene akaabonike kangi ku mamailosи bamia babili. Ukumpimba umweene mwa Mbepo, ukumpa umweene i—i gileeta palapala ukufuma ku Mwanya ku mamailosи bamia babili. Ameni. Kyakuswiigisya!

Lilino:

Ngimba abiikemo bisakuyaga kuugu ukufuma pa bulagili bwa fyinja elifu yumo? Kangi ngimba lo luko luki ulwa mbili abeene bisakuyaga nalo? Une ngugomokelaga ku ikyo nkabalilo. [Nkundwe Branham ikwaamula ililaalusyo ili pa kiyabo 820, ukuya lilaalusyo 74—Nsimbi.] Abeene bisakuyaga Yeso.

⁷⁵² Umma ndaga, i—i lilaalusya lya buhano na bubili:

72. Ngimba uswe twisakuloonga abaandumi bulebule?

⁷⁵³ Ikyo kikwaagigwa mu...Ngimba uswe twisakuloonga bulebule abaandumi? Ukwisila mu kuya banabalumiana na banabalindwana ba Kyaala. Abandumi bo baambombo; uswe twe banabalumiana na banabalindwana ba Kyaala. Kangi ili

Baangeli lyaayobile ukuti uswe twisakuloonga abaandumi. Isyo syo bwanaloli. Lilino, lilino linga umwe . . .

Ililaalusyo lya 8:

73. Nongwa ya fiki inywili panongwa ya baandumi Bakorinti Gwakwaanda?

⁷⁵⁴ Lilino umunduyumo aanyagileko une u Bakorinti Gwakwanda, u—u untu gwa 11, kangi uswe twisakukeeta pala, ukuti umwe mwisakusyaagania ukuti u—u . . . Mwa Bakorinti Baakwanda, u—u gwa 11, uswe tukusyaagania ukuti Pauli ikuyoba. Unko une mfikeko ku kyeene itolo mu miniti, kangi Polelo uswe twisakubala ilyeene nakalinga palapala kangi Polelo uswe twisa—uswe twisa kuyaga ni kyeene paasi.

⁷⁵⁵ Une ndinakyo ikindukimo ikyakuyoba pa ili linandi ilingi apa, ukuti une ngusuubila u Ntwa ikukipaga ikyeene kwa uswe muumo uswe tubagiliile ukuya nakyo ikyeene. Linga umundu yumo ikukyaaga ikyeene . . . Une ngwinogona ukuti gula go untu gwa 11, ena, umma ndaga. Lilino pilikisyia kifuki, kifuki fiyo lilino, mpaka umwe mwisakupilikisyia. Lilino ega amabyeye gaako goosa nukubiika agene mu nyaambi yaako yapakipaambaga mpaka ukufuma paapo une mbalile iki, umwe muketile, ukuyobapo pa Ilyeene. Pilikisyia kifuki fiyo, iki kyo ISI SYO IKUTI UNTWA:

Yaga umwe bakongesyba une, na muumo une . . . njiliile gwa Kristi. (Pauli aayobaga, “Umwe ngongesya une, itolo muumo une ngukoongesya Kristi.”)

Lilino une ngupaalisya umwe, bakundwe, ukuti umwe mukungumbukila une mu findu fyoosa, kangi ukukyunga kwa ngomelesyo, muumo une naatwalilie . . . kwa umwe.

Looli une nguloonda umwe uku manya, ukuti untu gwa nnyaambala aligwesa yo Kristi; kangi unto gwa nkiikulu aligwesa yo nnyaambala; kangi untu gwa Kristi yo Kyāla.

⁷⁵⁶ Muketile mumo ikyene kyo? Kyala, Kristi, nkikulu, Lilino:

Unnyaambala aligweesa ikwiipiuta pamo ukusolola, nu ntū gwaake gukupililige, ikunjwekula Kristi.

Loli unkiikulu aligwesa ikwiputa pamo ukusolola nu ntū gwaake gukakupililige ikujweelula untu gwaake: . . .

⁷⁵⁷ Lilino uswe tukufika itolo iminiti, kangi ukubanaangisia umwe ukuti inywili ku nkiikulu kyo kyakwikiinga kyaake:

. . . namanga ikyo . . . kyoope kyoosa kimokyeene kifweene itolo ukuti umweene āli ammwiegigwe. (Uko kokuti linga—linga umweene ikutumulaga inywili syaake, polelo umweene amwe isyeene syoosa.)

Namanga linga unkiikulu akakupililiguwa mma, unko yoope amwegue: (ukumwegwa kokuti ukusenga syoosa, muketile) . . . looli linga ikyeene kikuya kikosyasoni ukuti unkiikulu ukusengigwe pamo ukumweegwa, unko umweene akingigwe.

⁷⁵⁸ Lilino uswe tukufika itolo ku lilaalusyo apa ugwe kulaalusya. Muketile? Umma ndaga, lilino ikyeene kisobi ukuti u—u nkiikulu ukutumula inywili syaake, ukufwaana ni Baangeli. Lilino umwe pilikisyu papapa apa nukukeeta linga i Baangeli litikupa unnyaambala ubwabuke bwalulagilo ukusoosya unkasi gwake linga umwene ikutumula inywili, keeta linga isyo syo bwanaloli pamo umma.

Linga u nnyaambala . . . Kabuno u nnyaambala alingikiingaga unto gwaake (uko ko, ukuya ni nyiili indali), ukongelelapo namanga umweene yo ali nkifwani kangi yo lwiimiko lwa Kyaala: looli u nkiikulu yo ali mu lwiimiko lwa nnyaambala. (Ngimba mwaalinogwinemo isya ikyo?)

⁷⁵⁹ Lilino une nguloonda ukwiima apa, 'nongwa yakuti une nguloonda iki kiyubikigwe nkati kanunu fiyo, muketile. Kangi lilino kumbukilaga, une mbabweene amalongo ga maelifu ga bakiikulu banunu (mbamenye abeene lululu lilino, kangi biungi ba abeene nkipanga iki) aba bali ni nyiili imbibimba, aba Bakristi. Kangi iki une une ngubiika ikyeene pamwanya kikaya pa umwe mma, ikyeene yo muumo umwe mumanyisiliigwe. Muketile? Ikyo kyo kyeene. Undumbilili gwaako akakubuulilemo ugwe siku iki. Looli linga balibosa ba bakiikulu ukusyungutila ikipanga iki bo ulo, Polelo abeene batobesiigwe. Muketile, 'nongwa yakuti uswe naloliloli tukubabuula abeene isya ikyeene.

⁷⁶⁰ Lilino, ketesyia iki:

*. . . u nnyaambala . . . Kabuno . . . (ilinandi lya 7) . . .
Kabuno u nnyaambala . . .*

⁷⁶¹ Lilino, ywani yo ukuyoba apa? Lilino, utubalilo tumo u nkiikulu ikuyoba, "O, Pauli yula ali yo gwaiyolo kibengankikulu."

⁷⁶² Ena, lilino bo uswe tukaali tuli apo, unko uswe itolo tusanukile kubwa kuno kwa Galatiya 1:8, nukukeeta iki Pauli ikuyoba isya iki, muketile, mwa Galatiya 1:8. Umwe mwisakusyāgania ukuti Pauli āyobíle apa mwa Galatiya 1:8

. . . palema nalinga uswe, pamo u gwaandumi ukufuma ku mwanya, ikuluumbilila inongwainunu yiliyosa iyangi ukukindana na iyi umwe mutualile mupiliike, unko umweene ayege ngunigwe.

⁷⁶³ Lilino komma ukundeyela une, umwe muleyelaga Umweene, muketile.

Kabuno u nnyaambala naloli alingikiingaga untu gwaake, ukongelelapo namanga umweene yo ali mu lwiimiko kangi ikifwani kya Kyaala: looli u nkiikulu yo ali mu lwiimiko kangi i kifwani kya nnyaambala.

⁷⁶⁴ Lilino keetesya ilinandi ilikoonge:

Kabuno unnyambala akaya gwa nkiikulu; loli unkikulu yo gwa nnyambala.

Kangi u nnyaambala akapeliigwe panongwa ya nkiikulu; looli u nkiikulu aapeliigwe panongwa ya nnyaambala.

⁷⁶⁵ Lilino, une ngusanusya iki lilino nu Lugano lwanaloliloli nu bunoge, kangi une ngusuubila umwe mukupilikisyia ikyeene yo njila yilayila une nguyoba iki. Looli Amerika...Ukuya mmmwenda mfiisu fyaapanja, Amerika alinasyo simo mwa syaapaasi-fiyo ukukinda, indagilo imbiikigwe-paasi isya bakiikulu baabo ukukiinda ikikolo kilikyosa nkiisu kya paasi. Paris, France abagiile ukuya inyumba-imfikilammwanya pamwanyapo ku lubafu lwa njila iyi Amerika ikwitikisyia abakiikulu baake ukuboomba. Ikyeene kikosyasoni!

⁷⁶⁶ Ngimba umwe mukusyagania ukuti Kyala gwa Amerika yo nkiikulu? Une mbagile ukusisimikisyia ikyo ni Baangeli ili. Isyo syo bwanaloli. Ngimba umwe mukusyagania ikyeene kibagiile ukwiisa injila yila ukuti ikipanga kya Katolika kibagiile ukutwaala mula ikimanyiso kya mfunde Maria?

⁷⁶⁷ Lilino, linga unkiikulu aapeliigwe komma panongwa ya nnyaambala, komma...Linga u nnyaambala akapeliigwe panongwa ya nkiikulu, looli u nkiikulu aapeligwe panongwa ya nnyaambala, polelo ugwe bulebule kubukaga kukwiiputa u nkiikulu? Muketile? Lilino, iki kyaaboombile ikyeene, ikyeene kyaalyaandile mu Paris kangi kyasulukiile mu Hollywood. Lilino Parisa ikufimbilisigwa ukwiisa mu Hollywood ukweega ifyakweegelela fyaabo nukweega utusumo twaabo ni fiindu, ikyeene ko kusuluka paasi kwa bakiikulu biitu ba kiMerika.

⁷⁶⁸ Ngimba ikyeene kyo fiki? Ikisu kyiit u kisile ukuya kinini fiyo mpaka abeene beegile imbombo ukufuma ku nnyaambala, nukubiika abakiikulu panja apa mabuyo aga, mpaka malongo-mahano-na-mana mw amia yumo ba abeene, kifuki, balogwe. Kangi yoba isya banyaambala ukuya bakiindile, naloli, ikyeene kyo panongwa yakuti abeene babiikiile abakiikulu panja pala mu mbombo syaabo. Kangi abene bapasi-fiyo mpaka abeene baabiikile abakiikulu ukuya basikali ba luteengano pa lukindi. Ikyo kyo kikosyasoni ku kiisu kilikyosa! Ena, nkulumba. Ngimba ugwe kubombaga fiki pa ikyo?

⁷⁶⁹ “Ngimba ugwe kubombaga fiki pa ikyo, Nkundwe Branham?” Une ngufiimbilisigwa ukukiyiindika ikyeene, une na mwenekaya gwa Amerika, unenguboomba iki u bwaana unkulumba ikuyoba mboombe. Linga une siku...Linga i—

linga i kikolo kikutagamo siki uluyiindiko lwaabo lwa kikolo (abaana bikutaaga uluyiindiko lwa bapaapi), ikikolo kila kiswaanyuligwe ntupatu. Linga i—linga i kipaanga kikutaagamo siku uluyiindiko lwa ntiami gwaake, fiki, ikipanga kila kikiindile. Kangi linga ikiisu kikutagamo siku uluyiindiko lwa Bulongelo Bwapamwanya nu bulungi bwaake, ikiisu kila kibuukile kutupatu. Uko ko katikati katalusya. Uswe tukufimobilisigwa ukuyiindika ifindu fila panongwa yakuti abeene bo ba bwaana banywaamu, muketile. Loli ikyene kikaya kitalusye mma ku bwandilo. Naloliloli!

⁷⁷⁰ Ngimba umwe mumenye ukuti unnyambala mu li Baangeli...ilya Bwandilo, untu gwa 1, akabalilo kaako Kyaala aapelite u nkiikulu nu—nu nnyaambala, nukunteendeka unnyambala kangi unkiikulu, kangi Kyaala aalimbuulile Eva ukuti, “Undumego isakulagilaga pamwanya pa ugwe, ukuya ndagili gwākō”? Yoba ikyo mu Amerika kangi kēte kūko ugwe kufikaga! Ndumiana, ikyēne kikaya ikyo mma, unkikúlu ikulagila pamwanya pa nnyāmbála; abēne bikufimobilisigwa ukubōmba ikyo, amabuyo ga kilundilo gabāmbikígwé...

⁷⁷¹ Une nabagiile ukutwaala abakiikulu, linga une naafimobilisigwaga, ukufuma ku kyumba kyaangu kula, mu malonga miangi, isya bakiikulu abiifyuusi...Une ndikuyoba ukuti abakiikulu boosa bafiimobilisigwege ukusita kuboomba imbombo utubalilo tumo; lumo abeene bali nu nnyaambala umbine pamo ikindukimo, kangi abeene bikufimobilisigwa ukuboomba. Looli linga abeene batikufimobilisigwa ukuboomba, abeene balingaboombaga ikyeene. Ubuyo bwaabo ko ku kaaya, kubwibilile kwaabo ukunini, kula ko katikati kuuko abeene babagiile ukuya.

⁷⁷² Kangi abakiikulu biitu aba kiMerika bali nu lusako ukubuuka nukulya ingulube nu kufwa. Mope mu finyamana fyoosa na fyo bo ifyo, akabalilo kaako ikindu kila kikubaala, ikyeene kikweega ubuyo kangi ikyeene kikusulusya paasi uluko loosa lwa ikyeene.

⁷⁷³ Kaliko akayuni akanini mu Afrika, kangi umweene yo kayuni kanini akasale.

⁷⁷⁴ Lilino, bwiila, ingiikulu yo mbiibi ukukinda pa babili bala. Innyaambala yo akabalilo koosa yo mmogi ukukinda, imbabala inyaambala, akasya akanyaambala, ingukundembo inyaambala, i—i nguku inyaambala, kangi akabalilo koosa yo yikiindile...Panongwa yakuti, ingiikulu yo njuni ya pa kaaya. Umweene ikwitugasya pa kifumbwa, umweene ikukusya utuniini tula. Umweene ikwiisigisa ukufuma kwa kapuula, injoka, ukaambwe, kilikyosa ikingi, muketile, ukukusya abaniini bala.

⁷⁷⁵ Looli mu luko muumo ikyo i...pamo mu luko ulu—ulu—ulu unkiikulu, pamo ikikiikulu, kikukiinda mbumogi, ikyeene kyo

kabalilo koosa lo luko lwakusulukisya paasi. Mu Afrika, ugwe kweega injuni... Yiliko injuni innini kula, kangi yo yeene ikiisu kyoosa kila iyi une njimenye, iyi ingiikulu yo mmogi ukukiinda innyaambala. Kangi akabalilo kaako iyeene yikuboomba... Injuni yila—yila yo ndogwe kingikingi. Umweene ikwisa ukweendendeka nukummwaga uwakugonana nayo, kangi ukubopela panja nukuteela ikibugutila kya mafumbi ukufuma paapo umweene agonene na yumo, nukundeka unnine yula ukwituugasya pa mafumbi akabalilo kaako umweene ikubuuka ukufwima uwakugonana nagwe uyungi. Ikyo kyo katikati kutalusya? Muketile? Muketile ifi une ngusanusya?

⁷⁷⁶ Mu, lilino kēta, mu Amerika umwīsyúgu, ukufwana na bakīkūlu bītu. Unnyambala unkeke ukufuma ku Kentuck aalimbuulile une, amasiku manandi aga gakiindile, ukuti baalipo anakiikulu bamia lweele bikuboomba imbombo pa butendekelo bumo apa mu Kentucky. Kangi umweene alinkuti, “Une mbagiile lumo ukwipilika ukuya mpone mukulapa ukuti bamia bana ba beene bo naloliloli balogwe ba ndukindi, kangi bakiikulu beegi na baana.” U miana yumo alimmwegile unkasi gwaake panja pala nukumbombela umweene mosa ni kitapwa, kangi polelo umweene angali angogiile umweene. Kangi uyungi yumo aabukiile kukutusulila u nyaambala yumo. Kangi yumo uyungi ukutumula nu kulwa. Ikyo kikabagila ukuya. Uko ko kutalusya.

⁷⁷⁷ Mbiika unkiikulu agomokele kubupiiyilo kuuko umweene kokumyaake, polelo kiklikyoosa kikuyaga kanunu. Looli ugwe mbiika umweene panja pala mu mbombo syakilundilo, umweene akindile. Nalolil... Une ndikuyoba ukuti...

⁷⁷⁸ Unkiikulua gwa kiMerika ikwinusya mmwanya imbulu nukuyoba, “Kikayako nakimo ku Ikyo.” Kangi, “Ugwe nnaangisya une.” Naloliloli, ugwe kufimbilisigwa ukubomba ikyene, panongwa yakuti i Libangeli lyasolwile ugwe kubombaga ikyene. Ugwe kufimbilisigwa ukubomba ikyene.

⁷⁷⁹ Kangi apa akabalilo kako... Ukwene kwaali, akabalilo katali fiyo, mu kipanga kya Methodisti, linga unkiikulu ikutumula inywili, umwene aatagigwe panja pa kipanga. Naloliloli, abeene babobile ikyene. Ena, naloli. Nazarene, Pilgrim Holiness, baPentekosti, bosa ba abene baalisibiile ukuboomba ikyene. Fiki fyabonike?

⁷⁸⁰ Umwe mumenye nongwa ya fiki? Umwe muli nagyo imikiikulu kunyuma kukigemo. Uko ko katikati kutalusya. Umundu yumo ikutiila itikiti lya buliilo bwaabo... ukutila umwe mwisakukagaga abeene, ukubabopesya abeene panja pa kipanga. Abeene bakaali nabo bulabula ubukifu ukwiima, ukwiima pa Lisyu lya Kyaala kali Ilyeene likufulasya pamo kali Ilyeene mma. Ikyo kyo katikati kutalusya.

⁷⁸¹ Pilikisya apa, unnyaambala yo ndagili. Komma ukwinogona ugwe kwisakulagila inyumba. Ugwe ukaya ndagili gwa nyumba mma. Ugwe gwe naloliloli . . . Ugwe ukaya ntumwa lilino, looli ugwe gwe ntuli-mwinake. Kangi Adam . . . U nnyaambala ali nu bulagili pa nkasi gwaake, kangi umweene ali ni mbombo loosa pa nkiikulu gwaake. Kyala ikuteendeka unnyambala ukumwaamulila u nkasi gwake. Lilino, bala kangi keeta linga Kyala ikuyoba isyo lilino.

Kabuno unnyaambala naloli alingikiingaga untu gwaake mma, ukongelelapo nongwa yakuti umweene ali mu kifwana kangi u lwiimiko lwa Kyaala: . . .

⁷⁸² Kyala akaya nkikulu, Kyala yo Nnyambala. Umwe mumenye akabalilo kaako abeene bikuteendeka u mfunde Maria na fyosa ifyo, kangi ukwimi- . . . pamo ikwimilila pakati na filifyosa bo ifyo, nukwiipuuta kwa mfunde Maria, umwe mumenye iki ikyeene kikungumbusya une? U kyala-nkiikulu unkulumba yula Diana, uyu Pauli abakemiile nukubopela panja. Uko ko kutalusya. Umwene alinkuti, “Fiki, Kyala akaya nkikulu mma!”

⁷⁸³ Ibwe lyaagwiile ukufuma mu ngunda, kangi abeene balinkuti ukyaala-nkiikulu aasopile paasi ikifwaani kyaabo, iyo yo nongwa unkiikulu ku Korinti, kangi mmwanya nkti mula, i . . . aba bammwiiputaaga Diana, abeene baaloondaga ukuya baluumbilili.

⁷⁸⁴ Abene balinkuti, “Fiki, u mbepo aatubulile uswe tubagíle ukulúmbilila.”

⁷⁸⁵ Umweene alinkuti, “Fiki? Lyaalisile i Lisyu lya Kyaala ukufuma mwa umwe, kangi kyaalisile ikyeene ukufuma mwa umwe mwibeene? Linga unnyaambala aligwesa ikwinogona mweene ukuya gwanwambepo pamo nsololi, unko umweene itikisyé iki une nguyoba syo ndagilo sya Ntwa: unko unkiikulu ayege kimyemye nukuya paasi pa bulambikiigwe nkipanga, komma ukumanyisyá pamo ukuya nabo ubulagili bulibosa.” Ikyo kyo katikati! Ikyo kyo iki i Lisimbo lyaayobile. Muketile? Kangi Kyaala ikuteendekaga ikibugutila kya balumbilili ukwaamula panongwa ya ikyo pa Lisiku lwa Bulongi.

⁷⁸⁶ Ena, pilikisya! Ugwe kuyoba, “Mulimosa, une naamanyisiigwe ikyo.” Ugwe umenye kanunupo lilino! Uko ko kutalusya. Linga ugwe pamo umundu yumo ikwaanda ukunwa ubupime bwa nkota, kangi umundu yumo ikukubuula ugwe ugweene yo mwaafi, kangi ugwe—kangi ugwe kukiindiliila nkyeni nukunwa ugweene mulimosa, ubo bo busobi bwaako ukufuma apo. Muketile?

⁷⁸⁷ Lilino pilikisya ku iki:

Kabuno unnyambala yula akaya gwa nkikulu; loli unkikulu gwa nnyaambala.

Panongwa ya iki ikufiimbilisigwa unkiikulu ukuya na maka pa ntu gwaake panongwa ya baandumi.

⁷⁸⁸ Aligwesa gwa umwe ikubala ikyeene? Bakorinti Gwakwanda, untu gwa 11, kangi ilinandi lya 10. Linga umwe mukukeetesya, “maka,” (Fiki?) “aga baandumi,” Bakorinti Bakwaanda, panongwa ya baandumi yo nnyaambala, untumigwa. Keeta, umweene yo nnini “b” kangi. Kuuko a Baandumi bikuyobiigwa, aba ku Mwanya, ikyeene yo nnywambu, “A,” unkulumba “A.” Kuuko ikyeene yo nnini “b,” ikyeene kyo banyaambala baandumi.

Palema iki koope kukayako kula u nnyaambala... pamo u nkiikulu... yope unkiikulu yo kisita nnyaambala—u nyaambala, mwa Ntwa.

Kabuno muumo unkiikulu ya gwa nnyambala, yope luulo u nnyaambala yope yo gwa nkiikulu;... ifindu fyosa fyo fya Kyaala.

Longa... gwinweene: ngimba ikyeene kinunu ukuti u nkiikulu ukwipuuta kwa Kyaala (ni nyiili imbibima) nsitakwikiinga? (inogona sya ikyēne lilino)

⁷⁸⁹ Lilino ketesy:

Ngimba kyoope nikipeligwa kyeene kitikubamanyisya umwe, ukuti, linga unnyaambala ali ni nyiili indali,...

⁷⁹⁰ Mukuyoba, “Ngimba ikyeene kili nkiyabo kiki?” Inyiili. Ngimba umwe mukutikeeta iki Pauli ikuyobelapo? Inyiili, inyiili indali! Linga... Unkiikulu abagile ukuya ni nyiili indali. Ilinandi lya 14 lilino:

Ngimba kyoope nikipeligwa kyeene kitikubamanyisya umwe, ukuti, linga unnyaambala ali ni nyiili indali, ikyeene kyo kikosyasoni ku mweene?

⁷⁹¹ Umwe mukupilikisa ikyeene? Ikyeene kikosyasoni unnyaambala ukuya ni nyiili indali, looli u nkiiku... ubo bo buyo bwa nkiikulu. Kyaala aapelite unnyaambala ukukindana nu nkiikulu, ubunyaambala ubukiikulu na mububonekelo, na mu filifyosa ifingi. Umweene unkiikulu ikufiimbilisigwa ukufwaala umweenda... Ili Baangeli lyaayobile ukuti, “Linga unkiikulu isakufwala isulubali pamo umweenda guligoosa ugu gukufwaana nu nnyaambala, ikyeene kyo buketelo bwaamwiiko kangi bunyal kangti bwaakinyanyasi pankyeeni pa Kyaala.” Kangti Kyaala isakuntendekaga umweene ukuhomba panongwa ya ikyeene. Ngimba yo ywani ugwe kupilikilaga? Looli ili lyo i Baangeli!

⁷⁹² Kangti ugwe kubopa ukusyungutila nukuyoba, “Fiki, une ngwinogona ikyeene kinunu ukuti... ukubabona abakiikulu bikufwala isulubali.” Loli Kyala ababuumbile abene bakiindane, Umwene ikulonda abene bafwalege nu bukiindane.

⁷⁹³ Kangi ili Baangeli lyaayobile, “Linga unkikulu isakufwala umwenda ugu gubagilile unnyambala, ikyene kyo mwiko.” Umwe mumenye iki *kyamwiko* kili? Ikyeene kyo “kindukimo iki kyo kyakinyanyasi mmaso ga Kyaala.” Kangi u Yehova Unkulumba Yuyo ikukeetela paasi pa ugwe ukuya kindu kyakinyanyasi... Kangi i Baangeli lyaayobile...

⁷⁹⁴ Kangi ugwe gwe kuyoba... Mwe bamo ba bakiikulu umwe mumenye lilino, ku balindwana abakeke biinu ukusyungutila ubutubwa, kalongo na lweele, fyinja malongo mabili mbukusi, ukubitikisya abeene babopelege panja apa bafwele muume umweene ayilile!

⁷⁹⁵ Kangi ugwe, nuugwe, mama! Muketile? Akabalilo kaako ugwe kusooka panja nukufwala isulubali sila ni fiindu nukwiituuugasya...kangi ukufika pa lukindi, kangi—kangi ukuya ni myenda igyaiyolo gila igi abeene bikuteendeka amasiku galilino, nukuteendeka ugwe ukuboneka ngati kimo iki ugwe ukaya mma. Muketile? Kangi ugwe kubuuka panja pala pa lukiindi kuboneka moosa mwabulogwe, ugwe ubagile itolo ukuya nsitabusobi kangi mpelelesye pankyenii pa ndumego na fyoosa, looli linga ugwe kubuuka panja pa lukiindi kangi unnyaambala ikukeeta pa ugwe panongwa yakuti ugwe gwaalitweele bo ulo, ugwe utobesiigwe, kangi ugwe kwisakwaamula pa Lisiku lya Bulungi ukuti panongwa ya kuboomba ubulogwe na nnyaambala aligwesa uyu aakukeetile ugwe bo lula. Ikyo kyo iki ili Baangeli lyaayobile.

⁷⁹⁶ Ili Baangeli lyaayobile, “Aligwesa uyu ikuketa ku nkikulu ukunnyonywa umwene, atalile aboombile ubulogwe nu mweene mu ndumbula yaake,” kangi ugwe utobesiigwe kangi kwiisa...

⁷⁹⁷ Ugwe kwiisa ku Bulungi kangi kuyoba, “Ntwa, Ugwe umenye indumbula yangu; une ngaboombamo siku ubulogwe, une naalituugesye nubwanaloli ku ndume gwaango.”

⁷⁹⁸ Looli apa isakuyaga u nnyaambala, apa isakuyaga uyungi yula, apa uyungi yula, uyungi, uyungi, kalongo na bahano, malongo mabili, malongo matatu, malongo mana ga beene biimile pala bikuyoba, “Atobesiigwe panongwa ya bulogwe!” Nongwa ya fiki? Unnyaambala yumo aakukeetile ugwe.

⁷⁹⁹ “Ena, une ngaali nakimo ikyakuboomba ni kyeene.” Ena, nongwa ya fiki ugwe gwitwaalaga gwinweene ngati lula? Akabalilo kaako Kyaala aakubuulile ugwe ukufwaala igyeene, ikyeene kyaali mwiko ukuboomba ikyeene, kangi ugwe kubuuka ukupilikisya *Ywani Anganile Susie?* Pamo kyo fiki kila...

⁸⁰⁰ Ngimba umwe mwasyaagenie iki kyaabonike na kila *Ywani Anganile Susie?* undume gwaake? Umwe mwesa mukibweene kila apa lululu mu kalatasi. Akabalilo kaako uswe twaali panja mu Casper, Wyoming, iyeene yasookile panja. Kangi ngimba yaale ywāni? Umiana yula uyu...pa kila *Uswe Tunganile Sussie*, pamokyo fiki mu—kyo fiki nkīsu kyāli kila? I...O, iki umwe

mukusyaala ku kaaya ikilo kya Kitatu nukupondwa ulukomano lwa lwiipuuto ukuti mukete. Ngimba kyo fiki ikyeene lilino? *Uswe Tunganile...* Ngimba ingamu ya kila yo fiki? [U kalumbu ikuyoba, “*Une Nunganile Lucy.*”—Nsimbi.] *Une Nunganile Lucy*, undume abagiliile ukuya... ikukoma ukusyungutila, akoliigwe panja palak u Reno, Nevada, nu ndindwana gwalaangi, itugasyaga nu mweene ku fyiinja. Kangi ikyo kyo iki ugwe kusyaala ku kaaya ukukeeta mbuyo bwa kubuuka, ukupilikisia I Nongwainunu. Unkiikulu alaatile ikyeene. O, kisa! Kikayapo nakimo ikipelelesye panja pa Yeso Kristi!

⁸⁰¹ Asaye indumbula yaako, nkundwe, une—une ngwisakukubuula ugwe—ugwe miana, fimo mwa fi... Ugwe kuyoba, “O, mwe, keeta ku bufyuuke.” Simo mwa i—i mbiibi ukukiinda iminombo uswe tuli nagyo, abalyafibole, syo njuni imogi. Ugwe ukabagila ukulonga injuni na mayoya gaake, muketile. Popaapo itolo kumbukilaga ikyo. O, mwe!

⁸⁰² Lilino ketesy:

Ngimba *kyope ikipeligwa...* (ilyo lyo lila ilinandi lya 14)... *kitikumanyisa umwe, ukuti, ikyeene kyo kyaasoni* ukuti unnyambala ukuya ni nywiili indali? (Ikyo kyo kya bakiikulu.)

Looli linga unkiikulu ali ni nywiili indali, ulweene lo lwiimiko ku mweene:...

⁸⁰³ Lilino fyo fiki umwene ikuyobelapo? Ikitili iki umwe mwe baandu baKatolika mukufwaala nkipanga? Umma naloli! Akakiingo akanini pamwanya pa ntu gwaako, nikitaambala? Umweene ikuyoba isya ywiili syaako!

⁸⁰⁴ Lilino! Kangi linga unkiikulu ikutumula inywiile, umweene ikutumula ulwiimiko lwaake, kangi atikwitikisigwa ku kigemo ukwiipuuta. Muketile, itolo iki ikyeene kyaayobile apa, “Ngimba ikyeene kindu kyaitolo ku nkiikulu ukubuuka ukwiipuuta nu ntu gwaake gukakiingigwa?” Kuyoba apa, kuyoba, “Ena, umweene ikufimbilisigwa ukutumula inywiili syaake.” Popapo ndeke umweene amweegwe moosa syoosa lelo. “Kangi linga umweene isakumweegwa syosa moosa,” liyobile, “ikyo kikuyweelula, ikyeene kyo kikosyasoni ku mweene ukuboomba ikyo.” Polelo lyaayobile, “Umweene ikuloondigwa ukuya nkiingigwe.” Lilino, une ne itolo—une ne itolo ngubala u kalata gwa Pauli. Umwe mwesa, ikyeene kili kwa umwe, muketile.

Looli linga u nkiikulu ali nasyo inywiili indali, ikyeene kyo lwiimiko ku mweene: kabuno inywiili syaake sipegiigwe ku mweene ukuya kikiingo.

⁸⁰⁵ Ngimba ikyeene kyaayobile ukuti umweene ikupiigwaga ikitili? Umwe baandu baKatolika pamo umwe Bakanikana, aligwesa gwa umwe, mwe mukubuuka ku kipanga nukuloonda ukufwaala ikitili, mukuti, “Ena, une ngubuka ku kipanga,

ngufimbilisigwa ukufwala ikitili.” Umma, ugwe kufimbilibigwa ukuleka inywiili syaako ukukula. Ubo bo bukiindane. Muketile?

... kabuno inywiili syaake syo panongwa ya kikiingo kyaake. (Kangi ikyeene kyo kikosyasoni ku mweene ukwiisa nkipanga kisita kikiingigwa, ukubuuka ku kigemo ukwiipuuta.)

Looli linga u nnyamba ikuboneka ukuya—ukuya . . . (Une ndikusuubila une mbagiile ukuyoba ilisyu lila, n-k-a-n-i-k-a- . . .) . . . *Nkanikane—nkanikane* (umwe mumenye iki nkanikane ali), *uswe tukaya nalo ulwiho bo ulu, kyope i Kipanga kya Kyaala.*

⁸⁰⁶ Lilino linga ugwe kuloonda ukukanikana isya ikyeene, ugwe kanikanaga na Ikyo. Umma ndaga, linga ugwe kuloonda ukuya nkanikane isya ikyeene, “O, ikyeene kitikupela ubukiindane bulibooza. Unko uswe tubaleke abeene bakiindililege. Fiki, une ngwinogona ikyeene kyo nakimo. Une . . . Ikyeene kikaya iki inywiili sili, mulimoosa, ikyeene kyo iki indumbula yili.” Ubo bo bwanaloli; linga indumbula yili kanunu, inywiili sisakuya kanunu (Uu-huu).

⁸⁰⁷ Buukaga nkyeni, linga ugwe kuloonda ukuya nkanikane, Pauli alinkuyoba, “Uswe tukaya nalo ulwiho bo ulo mma, komm ni Kipanga kya Kyaala.” Alinkuti, “Linga ugwe kuloonda ukuya ku lubafu lwa Kaini, ena, kiindililaga itolo.” Loli Iki kyo kikyo Pauli aayobaga.

⁸⁰⁸ O, kangi une ndikusanusya ukuseka, ’nongwa yakuti ikyene kyo kikaya kindu kyakuseka. Looli une ngubabuula umwe biinangu, ikyeene kyo kikosyasoni ukukeeta injila iyi ifindu ifi fitikisiigwe ukubombela. Une . . .

⁸⁰⁹ Pilikisia! Kwa umwe, bakalumba bapala, une nguloonda umwe ukuboneka mubununu bwiinu ukukinda-bosa kangi yaga banunu ukukiinda bosa, ikyo kyo iki umwe mukufimbitisigwa ukuya. Ikyo kyo iki umwe mukufimbitisigwa ukuya. Kangi umwe mukufimbitisigwa ukuya banoge kangi bapupwano na filifyoosa muumo umwe mubagiile akabalilo kaako undumego ikwiisa, itolo ukufwana nukuti yula aali yo nnogandumbula gwake. Ugwe kufimbitisigwa ukwagana nagwe pa kifigo itolo nu—itolo nu mfipo ukuya nnoge ku mweene ukuya ikyeene lyaali lisiku ugwe gwalimfipile umweene ku kigemo ukuya ndumego. Uko ko katalusyo. Une ndikuleyela kwa umwe pakuboneka mbununu bwiinu ubukiinde nukuya mbununu bwiinu ubukiinde. Kangi une ngulonda ugwe ukuya injila iyo, Kyala amenye une ukuti une nguboomba.

⁸¹⁰ Apa akabalilo kamo aka kakindilepo, une nayobaga kwa Jack Shuler. Yoywani apilikemo isya Jack Shuler? Undumbilili umfumuke ukukiinda bosa abaMethodisti bali nabo. Umweene alinkuti, “Unkiikulu ikwisa nukuyoba . . . inywiili mosa sifitile, kangi ikutafunya umpulya-gwakutafunya, kangi imyenda

gyaake sinda pa mweene, ikuyoba, ‘Ugwe umenye, undume gwaango atisakwikasya nukwikasya n aune kangi mma.’’

⁸¹¹ Umwene alinkuti, “Une ndikundēyela umwēne.”

⁸¹² Uko ko kutalusya. Lilino, looli linga ugwe kufiimbulisigwa ukubomba, ugwe kufiimbulisigwa ukuya mu njila indalusye. Komma ukweega ubupupwano nu bumogi bwaako ukufuma ku Hollywood, egaga ikyeene ukufuma mu i Baangeli, pankyeeni pa Kyaala. Yaaga mweehe, bombelaga ngati mweehe, fwalaga ngati mwehe, yaga mpelelesye. Bombelaga ngati mwehe, komma ukufwaala fila . . .

⁸¹³ Unnyaambala aligwesa uyu ukummwitikisyā unkasi gwaake ukusooka panja nukufwaala tula utundu utunini pankyeeni pa banyaambala, kangi fila ifindu ifinini ifyaiyolo . . . ukusooka panja ba lubiingilo nukuseenga ilisu pa lubiingilo, ni findu bo fila, nkulumba, une ngukubuula ugwe, nkundew! Une ndikuloonda—une ndikusanusya ukuya mbiibi, une . . . Kyaala amenye ukuti iyo yo ndumbula yaangu. Looli une ngufiimbulisigwaga uku . . . Une nguyaga pakufiimbulisigwa ukwandusya ikibugutila kyoosa bo ngaali ukummwitikisyā ugwaangu ukuboomba ikyeene. Une nguyaga bwaana pamwanya pa kaamba pamwanya pala akabalilo koosa muumo une mbagile, umwe muketile; kangi akabalilo kaako une ngabagila, une ngusooka ngapo ukufuma pala. Uko ko kutalusya.

⁸¹⁴ O, nkundwe, uko ko kukosyasoni kangi kiywelufu unkiikulu ukuboomba ikyo. Kangi une—une ndikusanusya, kalumbu . . . Une—une ndikukubiika paasi ugwe mma, une itolo ngugela ukuyoba . . . Ikipanga kyiit u apa yikaya naba abenekaya, abaandu itolo bikwiisa apa. Looli iyi yo nyumba yo Kyaala, kangi uswe naloliloli tukubabuula abaandu komma ukufwaala ifindu ifyo. Ukuti ikyeene kyo . . . ugwe kubuukaga ukwaamula panongwa ya ikyeene pa Lisiku lya Bulongi. Lilino keetesya apa. Kangi sileka inywili syaako sikule panja, muketile, kangi yaga mwehe.

⁸¹⁵ Lilino:

Lilino mu iki ukuti yo . . . une ngufumusya kwa umwe une ndikubapalisya umwe mma, kabuno fikuti umwe mukwiisa palikimo ku . . . komma panongwa ya bununupo, looli panongwa ya kibibipo.

Namanga ikyaa kwaanda ikyaa fyoosa, akabalilo kaako umwe mukwiisa palikimo nkipanga, une ngupilika ukuti silipo imbaagukano pakati pa umwe; na fyosa . . . (ikyeene kikukiindilila lilino ku mesa ya bulilanisi)

⁸¹⁶ Lilino pilikisyā ku Ikyo. Ikyo kyo nongwa yakuti bandumi . . .

⁸¹⁷ Lilino, Nkundwe Palmer, une ndikubabuula umwe pa tepi iyi umwe mukuluumbilila ikindu kimokyene paasi pala iki une nguboomba kuno. Loli umwe mumenye bununu kangi kanunu, kangi ugwe ukaya ndumbilili, ugwe umenye ubo bo Bwanaloli, nkundwe. Umma ndaga.

⁸¹⁸ Polelo a *bāndumi* apa bo “banyāmbala.” Linga umwe mukukeetesya ikyeene, Nkundwe Palmer, ikyeene kili mu lisimbo ilinini, a “baandumi.” Kangi i Baangeli likukiindilila . . . Umweene ikuyoba isya nnyaambala ni nkasi gwaake, muketile, ikyo kyo iki inongwa yili.

⁸¹⁹ Iyo yo njila abandu bikufuluganikana mu i Baangeli, abeene bikuyoba, “Ena, Kyala ikuyoba ikindu kimokyene *apa*, kangi limo . . .” Umma, ugwe—ugwe kufika pa kimanyisyo. Itolo syāla pa kimanyisyo, iki kyo kyosa. Umwene ikuyoba isya nnyaambala kangi.

⁸²⁰ Lilino ikindu kimokyeene ukongelelapo une nguloonda ukutika itolo bo uswe tukaali ukwiigala, ikyene kikunyeegelaga une kifuki amaminiti mabili:

74. Ngimba ko kuugu abikeemo bisakuyaga ukufuma pa bulagili bwa fyiinja-elifu-yumo? Kangi lo luko luki ulwa mbili ulu abeene bisakuya nago?

⁸²¹ Une ngwinogona ilyo lilo lilaalusyo ilinoge ukukinda, une nkiganile ikyo. Lilino unko uswe tukeeta itolo ukatalula mu lyeene.

⁸²² Mbwāndilo, Kyāla . . . Uswe twisakugomokela ku kimanyisyo kyītu ikyā kiHiburi itolo mmaminiti manandi. Kyaala aali Nyibuko iyi ingulumba iya laangi ihano-na-sibili. Balinga bamenye ikyo? Muketile? Kangi balinga bamenye ukuti Kyala ali n Mbepo ihano-na-sibili? Naloliloli, i Mbepo sihano-na-sibili. Kangi fyaalipo ifisige fihano-na-fibili mwa Kang’osi, na fyosa bo ifyo, fyoosa ifyo ukwiisa palikimo lilino. Muketile? Lilino, yula aali Kyaala.

⁸²³ Lilino akabalilo kako Umwene (u Logos) aasookile ukufuma mwa Kyaala, iki aali Kyaala ikwiisa ukufuma ku iyi yimoyeene inyibuko inywaamu mbubuumbe bwa—bwa nnyaambala; kangi ikyeene kyaatendekiike Logos, iki uswe tukukikolela kyala-mundu.

⁸²⁴ Lilino, linga ugwe kweega u kyala-mundu akabalilo kaako ugwe kukeeta ku ikyo, yula yo nnyaambala. Lilino pakuti uswe . . . Lilino, ikyo kyo kuko uswe twaali kubwandilo. Lilino, umwe mutikukipilikisyia ikyeene lilino, looli umwe mwaali kunyuma kula mbwandilo mu njila iyo. Akabalilo kaako u muundu . . . Akabalilo kaako Kyaala aapelite u muundu nkifwaani Kyaake, Umweene aalintendike umweene ukuya kyala-mundu. Kangi Umweene alimbiikile umweene mu mbili itolo . . . Akabalilo kaako Kyaala alintendiike u muundu nkifwaani Kyaake, mu bufwane Bwaake, abeene baali . . . Ku

Bwandilo 2, baali kula... pamo Bwandilo 1:28, une ngusubila ilyeene lili, "Akaalipo u muundu nayumo taasi ukulima umfu," kangi Kyaala amaliisisye ukutendeka unnyaambala nu nkiikulu. Uko ko kutalusya, "Nayumo u muundu ukulima umfu."

⁸²⁵ Polelo Kyaala alinkuntwaala umuundu pa bwapaasi panini nukumbiika umweene mbumi bwa kinyamana, ugo go mbili ugu, itolo ngati finyamana ukuti umweene aabagiile ukulima umfu, aabagiile ukupalamasya. Ikyala kyala-mundu kila kitikupalamasya mma, ikyeene kitikukeeta, ukoonja, ukunungisya, ukupilika; ifyakwipilikisyila ifi fiifyo uswe tuli nafyo. Popaapo Kyaala alinkumbiika u muundu paasi pala ukuti abagiile—abagiile ukupalamasya kangi ukwipilika.

⁸²⁶ Kangi—kangi umwene alinkwenda mu ngunda gwa Edeni, Ikyaakwanda ukuya kyala-mündu (mūmo u Mbepo Mwikemo ali muno lilino ikwēnda muno), ikyeene kilinkwitūgásya ubūmi bwa kinyamana. Ikyēne kyālagilága kilikyosa, lōli ikyēne kilikutoligwa ukulima imigündä, muketile. Popāpo Kyāla alinkumbiika umwēne mu mbili ukuti umwēne ābagile ukulima umfu. Ukumpa umwēne ifyakwipilikisyila fihano, ukulima umfu nukutēndekesyä mōsa i—i mbingilo sya mipesa kangi—kangi na fyōsa, kangi poleli u nnyāmbála pōpe ābonekágå alimwēne. O, iki kyo kibonekelo kimogi.

⁸²⁷ Kēta, kabuno akabalilo kāko umwēne āumbígwe akākwánda, umwēne ātēndekígwé bāndu babili palikimo. Umwēne āli bosa-babili nnyāmbála kangi nkīkulu, u nyāmbála uyu āli. Ili Bāngéli lyāyobíle umwēne āli. Kyāla ātēndíke u nnyāmbála ukuya fyosa-fibili nnyāmbála kangi nkīkulu, "Umwēne alinkumpela umwēne." Kētésya lilino, akabalilo kāko u nnyāmbála āpagulígwé ukufuma ku kyāla-mündu nukubíkígwá mu mbili, umwēne āli—umwēne akāli itolo lōsa mula; kiyabo kya bündu bwāke bwákáli mwa kyāla-mündu, polelo ikyēne kikābonekágå kinunu mma.

⁸²⁸ Pala palinkubūka u nnyāmbála nu nkīkulu mu ng'ombe, pala palinkubūka i falasi, kangi pala palinkubūka i ngāmbáko, kangi pala palinkubūka kilikyosa ikingi, fibili-fibili. Loli Adamu, umwene... ikyene kyaali... Muketile, ikindukimo kyālondigwaga. Ikyūmilwa kilakila kila kyānāngisyága ukuti ālipo umwināke ikungūlila umwēne. Umwe mukukipilikisa ikyēne? Kangi aminogono galagala ukuti uswe tukufímbilisigwa ukufwa apa, ukuti uswe tukutamigwa kangi ukuya mbutolwe, kangi uswe tukwisyūkila u Būmi ubu bukaya nu bufwe, ikyēne kikunāngísa ubwēne bukugūlila uswe. Muketile?

⁸²⁹ Kangi Adam āli mpina. Kangi Kyāla, ukunāngísa ukuti abēne bakābagile ukupāguligwa... Lilino une ngubūka ukugomokela mu ikīndu kikiki iki, itolo mu sekondi.

⁸³⁰ Kēta, Umwēne akabükilémo siku nukwakwēga umfu nukubūmba Eva, lōli Umwēne ābūmbíle ukufuma ku mfu

gwapabwändílo, Adam. Umwène ãlyégile imbambafu ukufuma ku lubafu lwâke nukubumbila umwène umwinake-ntuli, kangi yula ãli Eva. Umwène ãtëndekígwe kuli nyãmbála, kangi ikiyabo kya nnyãmbala. Umwène ãli kiyabo kya umwène mbwändílo, nkipeligwa, mwa kyála-mündu. Umwène ãli kiyabo kwa umwène pâsi apa nkipeligwa iki. Umwène akâbagile ukuyabanigwa nkipeligwa ikíngi, umwène abagile ukuténdekígwa mu kipelrigwa kilakila.

⁸³¹ Iyo yo katikati nongwa iyi Kristi kangi Kyaala fyaabagiile ukuya Muundu yumoywene yulayula, ikyeene kikaabagiile ukuya kalikosa akakiindane. Linga Umwene ali nu mundu unnnunu pamo nsololi, Umwene angali akaya Ntabuli; Umwene afimobilisigwaga ukuya Mpeli Mweene. Loli Umwene akali yo kyaala-muundu lilino, umwe muketile, kangi injila iyi Umwene aali akabalilo kala.

⁸³² Lilino unnyambala ikwisa pasi apa kangi umwene—umwene aali nnunu; kangi Kyaala akiganile kila, Umweene alinkuti, “Ikyo kyo kimogi, unko abeene bayege pa kiisu nukwituugasya palikimo kwa bwilana bwila. Ikyo kyo kyoosa; kwa—kwa Syeepwa, ukukiindilila nukukiindilila nukukiindilila. Unko ikyeene itolo kikulege, kangi ikibyaaligwa kilikyosa kipaapege panja, kangi kilikyosa bo ikyo. Kangi unko u muundu ayege muumi, kangi ifinyamana fyege fyuumi, na kilikyosa ikiingi, bwilanabwila kangi bwiila. Ikyo kyo kili kanunu.” Muketile?

⁸³³ Kangi Polelo ubutulwanongwa bulinkwiingila. Kangi une nguloonda ukuteendeka ubuyobelô ubu. Mu i...Abaandu biingi fiyo bikuboomba ubusobi ububiibi bo ubu pa Lisimbo limolyeene ili, kangi iyo lye pa Masalimo lya 23. Abeene bikubala Ilyeene bo ulu, “Ena, palema une ngweenda ukukilania nkikoga *ikyangiisi* ikya nsyuungulu gwa bufwe.” Lilino, kikayapo ikindu kimokyene ikya luko ulo. Ili Baangeli litikuyoba, ukuti, “Unsyuungulu gwa ngiisi gwa kikoga... ikikoga ikyangiisi ikya misyuungulu gya bufwe.”

⁸³⁴ Likuti, “Palema nalinga une ngweenda ukukiinda nkikoga kya nsyuungulu gwa bufwe.” Lilino, bo ugweene gubagiile ukuya nsyuungulu, ugweene gubagiile ukuya nu bweelu ukupela unsyuungulu. Muketile, Davidi ukuya nsololi kangi paasi pa bupakigwe, umweene akateendike ubusobi, umweene aayobile itolo u Bwanaloli: “Ena, palema nalinga une...” komma, ukwenda ukukiinda nkikoga *kyaangiisi*, looli, “ukukinda nkikoga kya *misyuungulu* gwa bufwe.”

⁸³⁵ Polelo ugwe ubagiile ukuya na kayabo kamo aka bweelu ukupela unsyuungulu. Kangi iyo yo njila ikyeene kiyilile apa. Uswe tulu fyosa-fibili kipeligwa kangi kikinda-kipeligwa. Umbili ugu guli paasi pa bufwe, kangi gwatwaaligwa panja nu nkiikulu; komma ukwisila mu nakimo looli ukwisila... Kooma ukwisila mwa Kyaala, ugwe gwe bubuumbe-kangi bwa Adam

na Eva. Yaga ntiiu, mweelu, pamo kilikyosa iki ugwe guli, ugwe gwe bubuumbe, ikisooka ukufuma kwa Adam na Eva. Ikyo kikupela umbili gwako “gupaapigwe mu mbiibi, gubumbigwe mbutulanongwa, ukwisa nkisu iki tukuyoba ubusyobi.” Ugwe uguuniigwe kangi utobesiigwe ku bwaandilo bwa buumi bwaako, komma koope, kisita lusako.

⁸³⁶ Lilino, panongwa yakuti imbepo iyi ugwe uli nayo yiisile kwa ugwe ukwisila nkipeligwa, kangi ni kipeligwa ukwiisa ukufuma ukugonana, ikinyonywo kya banyaambala na bakiikulu kikutwaala u mwaana gwankiisu. Kangi ndeke u mwaana yula pamweene, kangi komma ukummanyisyu umweene nakimo ikitalusye, umweene isakubuukaga mbusobi. Komma ukummanyisyu umweene kali kitalusye pamo kisobi, umweene ikweegaga ubusobi. Panongwa yakuti ikyeene kyo kipeligwa kyaake ukuboomba bo kila.

⁸³⁷ Keetesya a kaana akanini akaiyolo, kisita kuya ntalipo ukukiinda *lula*, itolo kikuya kakalale fiyo; umweene itolo isa... umweene—umweene ikuniongotлага amabolo gaake, kangi ukwanduka nkesefu nkisyø kyaake, nukukolela umuyi gwaake. Naloli. Ngimba fyo fiki ikyeene? Ikyeene kyo kipeligwa kyaake. Umweene aakyaaagile ikyeene ukufuma kwa baaba gwaake pamo uyuuba gwaake yumoyweene; umweene uyuuba aali nu bugaasi ubwakufikapo ukulwana nikikekela-matapwa, pamo ubaaba gwaake. Linga abeene bakaaboombile, umwiisukulu gwaake pamo umbuuya aaboombile. Muketile, ikyeene kyo mwaana.

⁸³⁸ Polelo ikyo kikupela... Ugwe ukuya nkisu. Ugwe kwiisa ni kipeligwa, kangi ubuundu bwaako boos abo butiit u kangi bwakinyanyasi, kangi buguniigwe, kangi bwakigune kangi bukubuuka ku gehena. Uko ko kitalusya!

⁸³⁹ Loli akabalilo kaako ugwe upaapiigwa kabubili, polelo u Bweelu bwa Kyaala bukumilika paasi mu moyo gula (haleluya) polelo ikyeene kyo kangi mma kikaya kikoga kyaangiisi, looli ikyeene kyo kikoga nu nsyuungulu mu kyeene. Ugwe ubagiile ukuiingigwa apa nu mbili, kangi ifiindu pamwanya pa kisyo kyiit, looli bulipo u Bweelu bwa kufwaana nkati mula. Kangi ilisiku limo u Bweelu bula ni ngiisi fikufiimbilisigwa ukupaagukana! Kangi akabalilo kaako ubweelu bukumulika, ingiisi yikubopa. Kangi akabalilo kaako uswe tukubuuka ukuya na Kristi mu mbili ugo, ingiisi nu bufwe fikubopa, kangi uswe tukubalanila nkati m'Bweelu ubupelelesya. Lwiimiko kwa Kyaala! Apo uswe tulipo; kisita bubine kangi mma, kisita ngiisi yonganikene ni kyeene kangi mma.

⁸⁴⁰ Lululu lilino uswe tuli nafyo fibili-fyoosa ububine nu busangalufu, kangi tuli nubukafu na maka, kangi uswe tuli *nukwiingila* kangi *ukusooka*, kangi *mwanya* na *paasi*, kangi ubusangalufu nu busulumanie, na fyosa. Ena, ikyeene kyo itolo nsyuungulu. Uswe tuli ni bweelu ubwakufikapo ukumanya ukuti

buliko u Bweelu kula; kangi uswe tukaali tuli mu mbili, mu nyoofu. Looli ilisiku limo i Lisiku likupaandaga. Apo po u gwaandumi gwa bufwe ukwituugasya pa kilundi kya kitala, ako ko kabalilo kaako u nganga ikuyoba ikyeene kyo kyoosa kimaliike; kangi ikipeligwa iki kikusookapo ukubuuka ku kikindakipeliga, kangi ubweelu bukunyelela ukugomokela ku Bweelu, kangi ingisi yikugomokela ku ngiisi. Polelo ikyakufwa iki kikufwaala ikisitakufwa. Ako ko kabalilo kaako ububole ubu bukufwa ubusitakubola. Ako ko kabalilo kaako ikyakufwa iki kikfwaala ikisitakufwa, kangi uswe tukwisa ukufuma ku kipeligwa kya kabalilo ukubuuka ku kipeligwa kya Syeepwa. Ugwe ukabagiile ukubuuka panja pal ani ngiisi yoosa, ugwe ubagiile ukuya nabo ubweelu mu ngiisi. Mwaketa umwe lelo. Ugo go gula umbili ugwe kwaambilila.

⁸⁴¹ Ngimba uswe tukuboomba fiki? Ena, nkundwe gwaangu umpala unkemesigwe, kalumbu gwaangu umpala unkemesigwe, bo ikisu kikaaligwa, akabalilo kaako Kyaala aapelite ugwe nkifwaani Kyaake, pamo aapelite u—u muundu nkifwaani Kyaake, kangi aapelite u nkiikulu nkifwaani kya nnyaambala ku lwiimiko lwa muundu, Umweene aateendike ugwe kyaala-muundu. Itolo ngati Mweene, akabalilo kaako Umweene aayobile, “unko Uswe” ku fipeliga ifi Umweene aateendike, “unko Uswe tuteendeke u muundu nkifwaani Kyiitu Kyeene, mbufwane Bwiitu, u kyaala-muundu.” Kyaala akaalimo siku mu mbiili taasi, Umweene aali mu kyaala-muundu.

⁸⁴² Kangi Mōse aketile Umwene. Mōse alinkulila, “Ntwa, unko une ngete Ugwe.”

⁸⁴³ Umwene alinkuti, “Buka kula kangi iibilila mu lyālābwe, mu mbako.” Kangi Mōse alinkugomokela mu mbako yila; kangi akabalilo kaako Kyaala aakileenie pala, injasi nu kulunduma... Kangi bo Kyaala ikukilania pala, Umweene aali ni nyuma Yaake yisanwike bo *ulu*.

Kangi Mose aatile, “Umwene aali nyuma ya Nnyaambala.” Haleluya!

⁸⁴⁴ Ngimba aali ywani Ikyeene? U Melekizeeki uyu aalisile paasi, u Mwalafyale gwa Lutengano, kisita tāta pamo māma, kisita bwāndílo bwa masiku pamo ubumalikisyo bwa būmi. Yula yo Umwēne! Kangi Umwēne ikwīsa pāsi. Yula yo Yūyo uyu āyobaga kwa Abraham; uyu ābūngenie Umwēne umbili unnini gwa nyōfu bo lula, kangi “Whuu!” ātūyile mu gwēne, alinkwitoga mugwēne, nu kusuluka pāsi nukulya ingwāta, ukunwa ulupya ukufuma ku ng’ombe, nukulya ikyāmbiko kimo kangi unkatì gwa filōmbe. kangi a Bāndúmi babili.

⁸⁴⁵ Kangi akabalilo kāko abēne bālyēndile panja pala, kangi fyōsa ifya findu fila itolo, “Whuu!” filinkuyōnga nukubüka ukusōkápo.

⁸⁴⁶ Une nginogonamo siku isya ikyo. Apa akabalilo kamo aka kakindile, ngusonda ikipolopolo kya ndusu, une nali na ndudu ya .22, iyene yo .220 Swift. Kangi umwe bakundwe bandusu muno mumenye. Ikipolopolo ikinini, ikyene kyo luseke Iwa kipolopolo kyamalongo-mana-na-lwele, itolo kifuki ubutali *ubo*, iyabwila kipolopolo kya .22. Ikyene kikisondigwa kifuki pa maka ga kyumba ikya .30-06. Lilino... I fakitale tikusonda itolo ikyo ku kifuki abamia malongo-mana-na-fina pa sekondi. Umma ndaga, loli ugwe ubagile ukubika ifwakufwana... ukusonda ikyene gwimwene, kangi ugwe ubagile ukubika ikyene ukufika ku maelifu mahano pa sekondi. Kangi—kangi apo mma, linga ugwe gwaatusulilaga... Uswe twatusulilaga, ilisiku limo, pa mayadi bamia bibili, kangi ikipolopolo kyatikaga umfu, ikyene kyapulukaga bo indusu yikakuta nukukuta mma. Ubo bo mumo yayilile ubwengo.

⁸⁴⁷ Polelo ugwe kwega akapiki akasogosolelo mmino (umwe mumenye, ikiyabo ikisitabusongoke kya kasogosolela-mino) nukufika pasi mu bufu bwako nukwega ikindu kila kiswile nu bufu, itolo kifuki iseke innini sina pamo sihano, nukulambalika ikyene pamwanya pa pala, kangi polelo ukubika ikipolopolo kyako nkati mula. Ima apa, kangi ugwe uli nakyo ikipolopolo kyako mu sekondi. Kangi kutusulila ikyene panja ku ngulube ya ndiiisu yitugesye amafiti bamia bibili ukufuma kwa ugwe, kangi ingulube ya ndiiisu yikalenyedilemo siku kangi mma. Ikipolopolo kikwanduka ukugomokela ku kayilo kake kakubwandalilo, ukugomokela ku myuyi. Apa kilipo ikipolopolo iki kyo kopara na ledi fifulugenie palikimo, kangi mu kuyabania kwa sekondi, ikyene kigomokile mpaka ugwe utikwagamo siku ikyene kangi. Ikyene kyagomokile mumo ikyene kyali ifyinja elifu-elifu-elifu mia yumo ifi fikindile, ukugomokela ku myuyi. Imyuyi gila gikufimbilisigwa ukubumba nukugomokela mwa kopara kangi mwa ledi, na fyosa bo ifyo, bo ulo. Imyuyi gila gikufimbilisigwa ukusengama.

⁸⁴⁸ Lilino, mwaketa umwe lelo. Iyo yo njila uswe tuli apa, uswe tufumile ku bndu ubwapamwanyapo. Mbwandilo uswe twali mu kifwani kya Kyala. Ikkingo kangi ingisi yikutukyunga uswe ukuti tungamanyaga ikyene lilino. Loli Yeso ababulile abafundigwa Bake Umwene "ali na bene bo kikali ukwalgwa ikisu." Muketile? Uswe twaal! Ugwe ukabagila ukumanya lilino, loli ugwe gwaali ku bwandilo. "Kangi linga ikitembe kyankisu iki kikusungulula, uswe tuli nakyo kimo kitalile kikugulila!" Haleluya! Kangi polelo uswe tukusama ukubuka mu kyalamundu uyu, iki uswe twalimo nu bumi akabalilo kamo, ukuti uswe tubagile ukulya nukuponia amaboko. Kangi imyoyo pasi pa kigemo gikukuta, "Ko kabalilo katali kaki, Ntwa?"

⁸⁴⁹ Galipo amakato mahano na mabili aga gikubuka kwa Kyala, kabuno i Mbepo ihano-na-ibili bo-bo Ikyene kikwisa pasi. Umma ndaga, bo ugwe kubuka pasi pa kigemo kya Kyala,

abēne bākútága, “Ntwa, mpaka ndili? Ngimba uswe tubagíle ukugomokela, ukukīnda pāsi apa?”

⁸⁵⁰ Kyāla alinkuyoba, “Itolo pa kabalilo kanini, mpaka abīnīnu bakubilwe ikindu kilakila iki umwe mwakubilwe.” Muketile?

⁸⁵¹ Kangi polelo imyoyo gikugomokela, kangi igyēne gikuya banyāmbala na bakikulu kāngi, nukwitūgásya bwilanabwila akabalilo kāko ingīsi yōsa nu bufwe nu bubine nu busulumanie bwa butītu busimilile; gikayapo kangi mma imisyūngúlu, ukwēne kyo loosa bwēlu bwa lisuba!

⁸⁵² Pilikisya. Apa po fiki. Unko ukwēne kuyege kutītu mūmo ukwēne kukulōnda ukufika; ukwēne kukabagila ukufika ukuya kutītu fiyo mpaka ilisuba lisakubalanía akayabo kalikōsa ka ngīsi. Ngīsi nu bwēlu fikabagila ukwitūgásya palikimo. Namanga i... Kyo kiliku kili na maka fiyo? Bo bwēlu. Kangi akabalilo kāko u bwēlu bukumulika, ingisi yikubopa. Ameni. Ngimba umwe mukasangaluka? Ngimba umwe mukahoboka ukuti umwe mumenye? Kisita kwilāmwa, kukayapo u nsyūngúlu napamo paliposa. Lōli u Bwēlu ubusayigwa ubu būbo buli mu ndumbula syītu lululu lilino, ikindukimo kibīka ubuketi ukugomokesya: u Mwanundumiana gwa Kyāla, amaka ga Kyāla.

⁸⁵³ Kangi uswe tukwēnda apa, ukukētésya amaka ga Mbepo Mwikemo ukusuluka pāsi nukubūka mula mu lukōmáno, nukuyoba, “Ugwe gwāli Nka. *Gwakuti-na-gwakuti*, ukuti gwāmbóle ikindu *kyakuti*, pa buyo *bwakuti*. Ugwe ubikigwe nulutamio ulu akabalilo katali *kakuti*, lōli ISI SYO IKUTI U NTWA, ‘Ima pa malundi gāko, ugwe ubumbulusígwe.’” Kangi abalemale na bafwamaso bikufyuka pa malundi gābo. Kangi unsyūngúlu gwa mündu, alyékigwe na kansa, ikufyūka ku būmi nu bukafu ubupya kāngi.

⁸⁵⁴ Kisita kwilamwa, Yeso aayobile, “Ifindu ifi une ngubomba, numwe mwisakubombaga.” Kangi Umwene alinkuyoba, “Une ngubomba nakimo pene papo Tata ikumbonesya Une.”

⁸⁵⁵ Ngimba kyo fiki kila? Bula bo Bwēlu ubu bo bwīsíle ukwifulugania mu ngīsi iyi, umwe muketile, ukututabula uswe. Mukupilikisya iki une ngusanusya?

⁸⁵⁶ Lilino, umunduyumo ikugomokela kulakula kula, kangi polelo akabalilo kāko u kyāla-mündu ikuya nyōfu nsitakufwa kangi mūmo ikyēne kyāli mbwāndilo, polelo Yeso ikwisa, kangi Kyala... akabalilo kako Kristi ikuyaga yumo. Kristi isakwitūgásya pa Kikota, kangi abāndu bōsa bisakuya bāndu. Kristi isakuya pa kikota kya Davidi, u Nnyāmbála, u Ntwa Yeso; nasiku ukufwámo. Nasiku twisakufamo uswe, nasiku uswe ukuya babine, ukuya nubusulumania kangi mma, kangi uswe pōpe ukuya būmi ukukinda ifyīnja elifu.

⁸⁵⁷ Kangi akabalilo kāko ifyinja elifu fimalike pa kīsu iki, polelo u mōhési ikwisa pala; kangi ubusyūke bwakibili bukwisa, ubusyūke bwa baniongafu. Abēne bikubūngania ababwīte

bakulumba ngati nsanga gwa nu nyanja, kangi abēne bikwisa pala ukusyungutila a kāya ka bīkēmo, kangi akabalilo kāko ikyēne kikubōmba, Kyāla ikugwīsyā ifula ya moto na mabwe ga sufure ukufuma ku mwānya nukubōnanga abēne.

⁸⁵⁸ Kangi Yohani alinkuti, “Une nkubwene kumwanya ukupya kangi ikisu kya pasi ikipyā, kabuno kumwanya kwakwānda kangi ikīsu kyākwānda fyakīndile, kangi yikāliko kangi mma inyānja. Kangi une, Yohani, ndinkukabona a Kāya Akīkēmo, u Yerusalem Umpya, ikusuluka ukufuma kwa Kyāla ukufuma ku Mwānya, atēndekesigwe bo yu nsīngilīgwa amogesigwe ku ndume gwāke.” Mwaketa umwe lelo.

⁸⁵⁹ Pala umwēne alinkuti, “U nkasi... U Kang’osi kangu u Nsīngilīgwa bisakuyaga kula bwilanabwila.” Pisakuyapo ikīsu ikipyā, ma elifu-elifu kangi ma elifu-elifu ga mamailosī gābuyo. O, mwe. A Kāya, i Bāngeli likugela mōsa a Kāya aka mamailosī gābuyo maelifu kalongo na mahano. Ikyēne kyo mamailosī maelifu kalongo na mahano mbutali, mamailosī maelifu kalongo na mahano mbupapate, kangi mamailosī maelifu kalongo na mahano mbufyūke. Ikyo kyo katikati bulīngānio i Bāngeli likupa ubwa Kāya. Yo nongwa yikayako kangi mma i nyānja, bukālīko ubuyo bwa iyēne.

⁸⁶⁰ O, kwisakuyako ubumogi buki! Kangi nkati mula, yilipo i nyībuko palapala ku Kikota kya Kyāla, iyi yikukwēndelēla pankyeñi pa Kikota. Gulipo u mpiki pa mbafu syōsa isya mpiki... isya kisōko kya Būmi. Kangi mu mpiki ugwe mukwītūgasyāmo uluko kalongo na sibili ulwa kipaso, kangi kikupa ikipaso kyāke umwēsi guligōsa.

⁸⁶¹ Pala balipo bakulumba malongo mabili na bana. Pala alipo u Nsīngilīgwa. Pala balipo bala maelifu malongo mana na bana, abafulwe ba ku tempeli. O nkundwe, uswe tukubūka ku buyo bumo! Ifindu filāmbaléle pankyeñi kuli uswe. A bana... A bakulumba malongo mabili na bana. A maelifu mia yuma na malongo mana na bana abafulwe. U Nsīngilīgwa itūgésye na Kristi. Mwe, ugwe kuyoba... Akangu a Kāya, kanoge Kāya! Ameni.

⁸⁶² Ukwinogona ukuti une ndi nulusako ulwa kubūka kula, kangi ugwe uli nulusako ulwa kubūka kula. Kangi nongwa ya fiki ugwe ubagile ukusala ukwēnda mu ngīsi iyi nukukēta nu Bwēlu nabumo, nukufwa nukubūka ku bufuluganikane nukwisa ukuya nakimo? Kabuno akabalilo kāko u Bwēlu bukwēga amaka gāka gapamwanya, bukayapo ubuyo bwa ngīsi. Būka kayāge kūko ingīsi yābūkile akabalilo kāko u bwēlu bukwīsa. Ako ko kabalilo kāko ikyēne kili, akabalilo kāko ifindu fyōsa fisamisigwe ukugomokela kwa Kyāla. Ikyēne kyābōmbile, ingīsi yāli nu bwāndilo, ingīsi yili nu bumalikisyō. Ubwēlu bukālimo siku nu bwāndilo pamo ubwēne nasiku bukaya nu bumalikisyō bumo. Kyāla akālīmo siku nu bwāndilo

pamo nasiku alimo ni bumalikisyō bumo. Polelo, ilisiku limo, ikisu kyōsa ikiniiongale nu butulwanongwa bwāke bōsa nu bumogi bwāke, bukukōlēlīgwa-būbo, kangi ni fyapamwanya fyāke fyōsa kangi ifyakunyegesyā, kangi ubumulike bwāke bōsa ka kilikyōsa fisakusimilila ukwīngila mbu nakimo, kangi ikyēne kisakuyaga nakimo. Ikyēne kisakuyaga nakimo, nagamo aminogono ga kyēne kangi mma! Ikyene aatile, kangi, “Ikyene kitisa nukwisamo mbukumbukilige kangi mma.”

⁸⁶³ Lōli abasayigwa ba Ntwa bisakuyaga akabalilo kōsa nu Mwēne. Uswe twisakuyaga nu mbili ngati Gwāke Mwēne umbili gwalwimiko; nukuya būni nu Mwēne, nukulya nu Mwēne, nukwitugasya nu Mwēne, kangi ukuya nnyumba nu Mwēne kwa bwila na bwila kangi ku ma eyoni ga kabalilo; kangi i ngulilo sya Syēpwa sisakubāluligwāga nkyēni ni kīsu kisita bumalikisyō.

⁸⁶⁴ Kangi ugwe uli nu lusalo ikilo iki. Linga ugwe ukītendekesyā ukwagana ubuyo bula, kali bu bwingi buki ugwe kubūka ku kipanga, mūmo uyīlīle mwenekaya nnunu gwa kipanga ugwe guli, ugwe uyōngile mpaka Kristi akupele ugwe u Būmi ubupya mu ngīsi yīla iyi ugwe kwēndāmo. Ugwe ubagile ukuya mwiputiputi. Mwiputiputi, pilikisyā, binangu, ubwiputiputi bo bwamahala. Muketile? Bōsa a bāna ba Kaini bāli akabalilo kōsa nabo ubwiputiputi. Aba Yuda bala bāli nabo ubwiputiputi akabalilo kāko Yeso ālisile, lōli abēne bāpīkile ubupoki.

⁸⁶⁵ Ugwe ubagile ukuya mwiputiputi fiyo ikilo iki. Ugwe ubagile ukuya mPuresibeteri, gwaMethodisti, gwaPentekosti, gwaNazarene, Pilgrim Holiness. Ugwe ubagile ukuya itolo bwiputiputi; ukubūka kukipāngā kyāko nukwiyobela, ugwe ubagile ukwīmba nukuywēga nukuntufya u Ntwa, ugwe ubagile ukutwāla ifyakalongo fyako ku kipanga, ugwe ubagile ukumbombela mpalamani gwāko kanunu, ikyo kitikusanusya ni kindu nakimo ikyakubōmba pa bufikilo bwa Bwilanabwila. Kaini ābōmbile akayabo kalikōsa aka ikyo. Naloliloli.

⁸⁶⁶ Ili Bāngéli likuyoba ukuti, “ingano na ndūlwē fikwisa palikimo.” Akanini akaiyolo akangano kitūgesye, akēne kūmīlwē panongwa ya fula, kangi i—i mitulatula gyōpe gyūmīlwē. Akabalilo kāko ifula yikwisa, imitulatula itolo gyōpe gihobwīke ukuya ni fula mūmo i ngano yihobwīke. “Loli, ikyene kyo ni seke syabo, ugwe gwisakubamanya abene.”

Lilino unko uswe twipute akabalilo kāko umwe mukukētesya ifipaso fyīnu.

⁸⁶⁷ Lilino, Tāta Kyāla, pala gālipo amalālusyo amakafu apa ikilo iki. Une lumo ngabōmba ikindu ikitalusye, lōli ubumanyi bwāngi ubununu ukukīnda. Ugwe umenye indumbula yāngu. Une ngusuma, Kyala, ukuti Ugwe kwāmbililāga ikyene. Kangi lilino, lumo, mu gamo mwa malālusyo aga, linga une ngagatēn deka agēne nukatalusya, polelo Ugwe yoba ku ndumbula sya bāndu, kangi Ugwe bapela abene itolo kuko abene

babagile ukuya. Une ngwipilika ukuti Ugwe gwaalimbulile une. Loli linga une nābagile ukuya nsobi, polelo Ugwe nswaga une.

⁸⁶⁸ Kangi une ngwiputa, Kyala, ukuti aligwesa gwa aba bikwēgelága ifindu ifi mu ndumbula syabo, kangi abēne balinogonaga pa gēne nu kwinogona bo ulu, “Ena, pala kilipo ikipanga, pala filipo ifindu ifi. Ikyo kyo iki ili Bāngéli lyāyobile.”

⁸⁶⁹ Lumo abehe, Ntwa, Ugwe umenye une ngasanusyaga ikindukimo kyakusalá yumo pakubabüla abēne. Loli, Kyāla, une—une mbaganile abakalumbu bangu, kangi Ugwe umenye ikyo, Tāta. Ugwe umenye mūmo une ngwinonela isya bēne. Lōli ukwīma nukubabüla abēne ikindukimo ikisobi, une nguyaga u—u nsyōbi ku bēne. Une ndikulönda ukuya nsyōbi ku bakalumbu bāngu, une ngulönda ukubabüla u Bwanaloli. Kangi, Tata, une ngwega Ikyēne itolo ukufuma ku Lisyu Lyako.

⁸⁷⁰ Kangi lilino une ndikubatāga abakundwe bangu, lōli, Ntwa, une nguyoba ukuti abēne basobile akabalilo kāko abēne bikwitikisyá ifindu ifi. Kangi linga u mwehe āmenye ukukīndana kangi ābükíle nukubōmba ikyēne, poleli ikyēne kili kwa umwēne, untimi akaya ni nōngwa mma.

⁸⁷¹ U Abba Tāta, ifindu fila fyo Lisyu Lyāko, kangi ifyēne fyo kwa Ugwe. Lilino Ugwe yoba ku ndumbula sya bāndu. Une ngubabika abēne bōsa kwa Ugwe. Une ngwisakukētāga iki Ugwe ubōmbile, Tāta; Ugwe umenye. Yoba ku ndumbula. Uswe tukusuma mu Ngamu ya Kristi.

Kangi ni mitu gyitu ginamisigwe:

⁸⁷² Une nguswiga linga umunduyumo abagile ukufusya ikiboko kyabo, ukuyoba, “Nkundwe Branham, itolo ngumbukaga une ukuti une mbagile ukuya mponjolo lōsa, kangi ku lisiku lwabumalikisyó ngafwāle umwēnda gwabwegi nukuya na Kristi.” Ngimba ugwe kufusyaga ikiboko kyako, yoba, “Nyīputila une”?

⁸⁷³ Aligwesa kyunga untu gwāko pāsi lilino, kangi itolo inama. Kyāla akusaye ugwe, ikyo kyo kinunu. Kula, Kyala akusaye ugwe, kalumbu gwangu; kangi nkundwe gwangu, nugwe, fyusya ifiboko fyinu. Ikyo kyo kinunu.

⁸⁷⁴ Lilino, Tāta, Ugwe kukēta amaboko gābo. (Une mmenye, utubalilo tumo ugwe kwinogona, “Ena, itolo akīpúto kanini bo lula?”) Kyāla, une nginigonela u māma yula, āyobile mmayolo, “Itolo akīpúto kanini kula mu nyumba yāke ilisiku lila akabalilo kāko undumiana āfwāga, imilungu mitatu ukuya mūmi, kila ikimele pa bōngó, kangi lilino ukwandusya ifindu.”

⁸⁷⁵ Une ngwinogona isya Hezekiya, ukugemekesyá ikisyo kyāke ku kibūmba, nukukúta, “Ntwa, une ngukulāmba Ugwe, yaga ni kisa kwa une. Nyinogonela une, kabuno une nēndile pankyená pa Ugwe nu ndumbula imbelelesye.” Ikyēne kilinkwanduka ukufuma ku bufwe ukubüka ku būmi.

⁸⁷⁶ Ukukúta kumokwene ukufuma kwa Mwanundumiana gwa Kyāla, “Lazaro, sōka pānja!” kangi unnyāmbála umfwano alinkusōka pānja.

⁸⁷⁷ O Kyāla, Ugwe gwāyobíle, “Yoba, sūma, kangi ikyēne kisakupīgwága. Akabalilo kāko umwe mukuyoba kalikōsa, itika ukuti iki umwe mukuyoba kikwisa ukuboneka, umwe mwisakuya nakyo iki mukukiyoba.”

⁸⁷⁸ Lilino, Tāta, une ngusuma ukuti aligwesa uyu āfyusísye ikiboko kyābo isakwāmbililága iki abēne bafyusisyile amaboko. Kangi abēne bayege basayigwa. Kangi Kyāla, une ngusuma ukuti Ugwe kwisakubatula abakalumba bītu, ukuti abēne bisakuyaga... unko abēne bayege ba kayīlo bēne, ukuti Sétano ukwisila mu senema kangi i magazini sya *Akapango Kabwanaloli* na fyosa bo ifyo, ifi fikolígwe nubupepe fiyo, kangi imbatiko insitakukētesígwā, mūmo ifyabubwāpufu ni fyākinyanyasi pa senema na fyos bo ifyo, ifi fyābagíle... Kyābagíle ukuya kyombo ukukaba amaelifu-elifu ga myoyo kwa Ugwe, lōli mūmo ifyēne fikaya fikētesígwē, kangi bikubiķa panja fyosa ifi ifyaiyoli ifindu ifyabubwāpufu ifi abēne... O, kupelakisa kuki! kangi ukumanya ukuti imbepo ya mōhesi yīngile nkati kangi ukusyūngutila abakalumbu bītu, kangi bikugela ukutēndéka ifyēne bumogi nukufwala bo ulo.

⁸⁷⁹ Kangi uswe tukusyāganía ukuti mu... mu bakundwe bītu, bōpe, Ntwa, ukuti mūmo abēne bikwinogona ukuti abēne babagile ukukwēsa nukunwa, nukwipīmba nkyeni bo ulu, kangi pōpo nukwikoléla Bakristi panongwa yakuti abēne bikuyoba abēne, “bikwitika.” Bitikisya abene ukumanya ukuti “u mōhesi ikwitika, yope.” kangi umwēne akapokigwa, “umwēne ikwitika kangi ikutetema.”

⁸⁸⁰ Kangi lilino, Tāta, uswe tukwipúta ukuti Ugwe kwisakuyaga gwakisa kwa uswe twesa, kangi tuswaga uswe pa mbībi syītu, kangi lumo bamō bakafyūsísya amaboko gābo, O Kyāla, yaga gwakisa. Tukulamba ulusako ulungi ulu abēne bali nalo, balifyusyaga abēne amaboko gābo.

⁸⁸¹ Uswe tukwitēndekesyā ukulya ungonelo, Ntwa. Tuswaga uswe pa ngilanio syītu kangi isyakunyuma sya būmi. Kangi uswe tukusuma u lusayo Lwāko, kabuno uswe tukusuma ikyene mu Ngamu ya Kristi. Ameni.

⁸⁸² U Ntwa abasaye umwe. Une nsulumenie ukubakyunga umwe bo ulo. Une itolo nguswiga, itolo bo gukāli ungonelo, linga alipo aligwesa ikwisa ukwiputilígwa, abagíle ukulonda ukwiputiligwa, ena, uswe twisakusangalukaga ukubōmba ikyo itolo akabalilo aka, linga alipo aligwesa ukwiputiligwa.

⁸⁸³ Umma ndaga, nkundwe, ugwe ntwala umwēne kunokuno pamwanya, ikyo kisakuyaga kanunu. Kangi itolo akabalilo, kangi polelo uswe tukubükágā uku—uswe tukubükágā kukusāta. Kangi polelo akabalilo kāko uswe tukusāta, polelo

bala bābo bikulōnda ukusyāla ku mugonelo, babagíle ukusyāla. Lōli lululu lilino uswe tukuyaga pakupa ulwīpúto kuli babine. Ngimba ili Bāngéli lyāyobile fiki?

⁸⁸⁴ Linga unkundwe akabagíle ukusumuka mmwanya... Ikyo kili kanunu, itolo ndeke umwēne itugasye apo, uswe tukwisaga ku mwēne. Ikyo kyo kili kanunu mosa, itolo ndeke umwēne itugasye apo. Kangi uswe twisakusulukaga pāsi nukwiputila umwēne. Ikyo kyo kinunu. Umma ndaga, nkulumba, itolo ndeke—ndeke umwēne itūgásye palapala pala. Ikyēne kikafu kuli umwēne ukwuma apa, fiki, uswe tukusangulukaga ukwīsa kulakula ku mwēne.

⁸⁸⁵ Lilino une ngulōnda ukutēndéka iki kimokyene ikyakuyobapo ikinini, mwinangu umpala. Muketile, une—une mmenye ukuti u Ntwa asisimikisyé iki kingi na kingi utubalilo twingi fiyo. Muketile? Une ngaya fiyo mma ndumbilili, une ngaya nabo ubumanyi na fyosa bo ifyo. Une nunganile Ntwa Yeso, Kyala amenye ukuti une nunganile Umwene. Loli ikindu kimokyene une nakōlēligwe ukubōmba, ukwiputila ababine. Ngimba umwe mukwitika ikyo? Pōpe bo ngāli une ngamanyamo siku isya kikungilwa, une nālisibíle ukubūka panja apa ku kipatala; kangi une ngukumbukila aba nāsi bala bikyuba, “Lilino uswe tukuyaga babumbulusigwe.” Muketile? Kangi itolo ikindukimo, iki Kyāla ayile gwalipyana fiyo ukuyīndika inyipúto syāngu panongwa ya bāndu.

⁸⁸⁶ Une ngwinogonela, ikilo iki, linga ikyēne kibagíle ukukōlēligwa, itolo ukufumusya kwa kīsu-kyapasi kyōsā kulikōsa nkīsu. Kangi yoba, aligwesa uyu Nkundwe Branham aliiputile, isa kuno, une ngulonda ukuti umwe ukupa ilyāmulo ku sikali ya United States, nu kalata. Kangi ikyo kisakuyaga bufumusya bwa kīsu-kyōsā kyāpási. Une ngusakikisyá, lomo amamiloni mana pamo mahano ga bāndu bābagíle ukwāmula ukukōlēla kula linga ukwēne kwamanyígwe. Muketile?

⁸⁸⁷ Kangi abāndu bala, pamo bamō ba bēne batalile bāfwíle, balambalikígwé na bagāngá, na—na batēndeki mifimbá. Bāmo ba bēne bagogígwé mbufulale; bamō ba bēne bafwíle ubufwe bwakipeligwa. Bamō ba bēne bāli bafwamaso, basitakwenda, balemale, baniongale, bāmbungo, mubōngo... nkipatala, bakamenye nukuti uswe twāli nkipatala ukwiputila abēne. Ukubatwāla abēne mula, ukufimbilisígwá ukubēga abēne. Abēne bifinyikisyaga injila yābo ukukīnda nukwitumula bēne kutumbakasya, kisita nukumanya kūko umwēne aliko. Mu maminiti mahano, ukuya kanunu, banoge, abandu bālugano, kangi banunu amasiku gosa aga gasyele. Muketile?

⁸⁸⁸ Ikyeene kyo... Ngimba ikyeene kyo fiki? Ikyeene akaya Nkundwe Branham. Ikyeene yo Yeso Kristi, Umweene alindumile une ukwiputila ababine. Lilino apo po kilipo iki ikyeene kili. Ikyeene kikaali kyakuponjola fiyo mu

Jeffersonville, panongwa yakuti, apa po yilipo inongwa. Lilino, une ngulonda umwe mumanya une ndinabo bamo ba binangu abaakifuki fiyo kangi abinangu abanunu ukukinda bosa bo kunokuno kuno nkaya aka. Palema nalinga akaaya keene, akayiilo ka kaaya, une ngakagana akeene. Une ngabugana ubwitugasye ubu, kangi nasiku ngabuganamo; akabalilo kaako une naali ndumiana, ngubala amabuku gaangu agasyambukulu, Une ndinkuyoba, "Ilisiku limo une nisakusookako kuno." Muketile?

⁸⁸⁹ Une ngangana Jeffersonville, akeene ko kitubwi, akeene kali paasi apa. Akeene ko itolo naloliloli kafitubwi, kangi—kangi akeene ko kabibi fiyo. Buuka pamwanya apa pamwanya pa Spickert Knobs pamo kubuyobumo, kangi keeta panja paasi kubwa ku New Albany na Jeffersonville, linga ugwe kuloonda ukukeeta. Keta kuno, aba dokotala boope bikuyoba lilino, ukuti, "Abaandu ba kikoga iki bikwisa ukuya basitalilopa panongwa ya bwitugasye."

⁸⁹⁰ Unkiikulu unnini pamwanya apa, Nka. Morgan, abumbulusiigwe ukufuma ku kansa, alinkweega imbwaa yaake ku kipatala, inongonaga ukuti iyeene yaali mbine. Umwe mumenye fiki ikyeene kyaali? Ifisengame fya Colgate ni findu pa liisu kuuko iyeene yakindilemo. Ubweene bo buyo bubwapufu ukukiinda.

⁸⁹¹ U mwinitu aali mu Baabwiite, aabukile paasi apa nukweega...Umwene aali nububine bwakipaambaga. Aabukile paasi apa mu Florida kangi ifisige fyaake filinkuya naloliloli fitiitu, kangi umweene alinkubuuka ku ngaanga kangi umweene alinkuti "Ngaanga..."

⁸⁹² Ungaanga alinkuti, "Lilino, ugwe ufumile pakulwa, bule ugwe?"

⁸⁹³ Umwene alinkuti, "Umma, nkulumba, une ngaya'mma."

⁸⁹⁴ Linga umwe mukuloonda ukumanya yo ywani umweene, ingamu yaake yo Herby. Lilino, ling aune mbagiile itolo ukwinogona...Ikyeene kyo—ikyeene kyo kili mu Union National Bank, mu New Albany, umweene yo mwambilila-hela. Itolo buuka kula kangi nketa yumo ikuyoba, "Herby," ndalusya umweene.

⁸⁹⁵ Kangi umwene alinkuti...Umwene aabukile, umwene alinkuti, "Ngaanga," umwene alinkuti, "Une ndinakyo ikipungo ikyabwilabwila."

⁸⁹⁶ Kangi umweene alinkumweenesyaa umweene, alinkuti, "Uko ko kutalusya." Umweene alinkuti, "Une ninogonaga ugwe ufumile pakulwa." Alinkuti, "Ndumiana, ngimba ugwe kwitugasya kugu?"

⁸⁹⁷ Umwene alinkuti, “Ugwe lumo ukabagila ukumanya ubuyo bula,” alinkuti, “Une ngwitugasya nkaya akanini ukufuma ku Louisville, Kentucky, kakukooleligwa, New Albany, Indiana.”

⁸⁹⁸ Alinkuti, “Ugwe kusanusya ukumbula une ukuti ugwe gweegile ikipungo ikyabwilabwila ukufuma ku miisi gamunyu kuno mu Miami, panongwa yakuti gwiisileko?” Alinkuti, “Linga ugwe gwabagiile ukuya nu buumi mu Jeffersonville, Indiana, pamo New Albany, Indiana, ugwe ubagile ukwitugasya nkisu kilikosa abaabwiite ba United States babagiile ukukutuma ugwe.” Ikyo kyo kyosa. Muketile?

⁸⁹⁹ Ubweene bo buyo ubusitabwiifyusi ukukinda moosa ubu buliko nkisu, ubu une mmenyepo, pene paapo ukweene kukuyaga kumo ku fitubwi fya sekema ya mbweele. Muketile? Kangi une—une—une ndinabo abiinangu apa.

⁹⁰⁰ Keta kuno, une mbagile ukukoolela abene bo ulo. Nkeeta Dr. Sam Adair, u mwinangu. Umma ndaga, pala alipo Mike Egan, ituugeesya pala. O, mwe, baling aune mbagiile ukuyoba ingamu! Itolo ba mia abiinangu abanunu, abaakwangala nabo abaiyolo abaangu, aba une naangeele nabo... Kali une ngubaaga abinangu abapya balinga, kikayapo nakimo kisakweega ubuyo ukufuma ku mwinako ugwayolo. Ümwe mumenye ikyo.

⁹⁰¹ Pala alipo umaama gwaangu unkaangale itugeesye ku nyuma kula, kisita masiku mingi ukufuma pa kiisu, umweene ali mu malongo-mahano-na-limo lilino. Pala alipo u maama gwa unkasi gwaangu, malongo-mahano-na-mabili, ikubuuka ku malongo-mahano-na-mabili-na-kimo; itugeesye kunyuma apa pabuyu bumo, une ngwinogona, ikilo iki. Kangi kula, ndeke umweene. U taata gwaangu asyiiligwe pamwanya apa; unkasi gwaangu asyiiligwe panja kuno pa Walnut Ridge; u mwaana gwaangu alambalele panja pala. Mukuketa iki une ngusanusya?

⁹⁰² Une—une—une ngakugana... Une—une—une—une ndikuloonda ukwitugasya kuno, kangi une ngusuubila ukuti lululu, itolo nakalinga, une nguyaga pakusookamo. Muketile, ‘nongwa yakuti ikyeene kisaga kw aune, une nguyoba iki pa kigemo ni li Baangeli lyaangu, kingikingi.

⁹⁰³ Akabalilo kaako une naalimbuulile unkasi gwaangu, akabalilo kaako abeene baatupeele uswe ihela ukuyeenga inyumba ya ntími yila iyi une nayipeele kangi ku kipanga iki... Ikipanga iki kyo kenenakyo kya nyumba ya ntími yila; buuka pasi apa, kasyaaganie linga iyeene yikaya. Muketile, une ngaabagiile ukuyeega iyeene nimweene.

⁹⁰⁴ Lilino, akabalilo kāko une nayaga pakuyēnga kula, Meda alinkuti, “Une ngulōnda ukusyāla kuno pa nongwa ya māma gwāngu.”

⁹⁰⁵ Une ndinkuyoba, “Lüki, itolo nubusimikisyá mūmo uswe tukubōmbela, uswe twisakuyaga basulumanie isya ikyēne.

Uketile, ikyēne kitisakubōmba. Kyāla ayobíle, ‘Ipāgúla,’ Une ngufīmbilisigwa ukubōmba ikyēne.”

⁹⁰⁶ Kangi alinkuti, “Mulimosa, māma gwangu!”

⁹⁰⁷ Une ndinkuti, “Mama gwangu, nīne. ‘Lōli yūyo uyu atisakutāga abāke mwēne, nukungōngā Une, yo akaya gwākufwanapo ukukōleligwa Gwāngu.’ Kangi ikyo kyo kyābwanaloli.”

⁹⁰⁸ Ilisiku limo, lululu, une ngwipilika une nguyaga pakusama, kokuti, ukusōkapo apa. Lōli apa po yilipo injila, ingomano sitisakubōmba kuno. Ikyēne kitisakubōmba kuno ngati ikyēne kikubōmbela kulikosa ukungi, kangi aligwesa uyu ālimo mu lukomani amenye ikyo kyābwanaloli, panongwa yakuti ikyēne kili munomuno nkaya ka ka kaya kangu. Ikyo kyo kyēne.

⁹⁰⁹ Yeso ayobile ikindu kilakila akabalilo kako Umwene ālisile.

⁹¹⁰ Abēne balinkuti, “Yo ywani umiana uyu? Ngimba yula akaya yo ndumiana gwa nkekamatapwa panja apa? Ngimba yo sukulu nki umwēne ābukilemo siku? Ko kugu umwēne ākabíle ukumanyila kwāke? Lilino unko une ngēte ugwe kubōmba... Ugwe gwātigi ugwe gwābōmbaga ifika kubwa kuno, unko une ngēte ugwe kubōmba ikindu kilakila kuno. Iki ugwe gwābōmbile mu Kaperenaumu, unko une ngēte ugwe kubōmba ikyēne kuno.”

⁹¹¹ Yeso alinkuti... “Umwēne āswigíle ku busitakwitika bwābo.” Umwēne alinkusanuka kangi alinkuyoba, “Naloli, naloli, Une nguyoba kwa umwe, unsololi akaya nsita kyākupēgigwa pene pāpo umwēne ali pakati pa bāndu bāke mwēne nkīsu kyāke mwēne.” Ngimba uko kutalusya?

⁹¹² Kangi uswe tumeny... kēta kuno... Ega Finney, ega Sankey, Moody; ega John Wesley, akaponjwilemo siku pa kyēne, muketile, mpaka umwe āsokilemo nkīsu kyāke. Kēta kwa—kēta kwa—kwa—kwa Moody. Akabalilo kāko Moodu, unsoka filato gwa ku Boston, alinkutoligwa ukuponjola napanandi, umwēne alinkwisa ku Chicago bo umwēne akāli ukuya mfumuke. Muketile? Umwene afimbilisigwaga ukukaba ikyene ukusōka ku bāke mwēne. Ugwe bwila kufimbilisigwa ukubomba ikyene.

⁹¹³ Lōli lilino, apa, Kyāla isakwāmula ulwīputo linga ugwe kwisa kwībwa ikyēne yo William Branham (Muketile?), linga ugwe kwisa kwībwa ikyēne yo William Branham aliko akandukamo ukubōmba ni kyēne, mwēne itolo yumoywēne ukwīma nukukwīputila ugwe. Ikyene yo Yeso Kristi uyu abombile nganila iki ugwe usūmíle ukubomba, linga ugwe itolo kwitikaga ikyene. Muketile? Ikyēne kyo kikaya kalikōsa akakubōmbapo... Une ngaya nakyo nakimo ikyakubōmba nimkyēne, itolo ukubīkila ubukēti. Lōli kikufwana ngati ukufuma ukukula kuno na umwe, kangi umwe mukumanya ubōnywa bulibōsa une ndinabo, kangi akasolo kalikōsa une ndinako... Kangi umwe mumenye iki Kyāla abōmbile, munomuno nkaya aka.

⁹¹⁴ Akaya aka, Pisiku lya Bulongi, kasakwāmula untēngo unkulumba ilisiku limo, namanga silipo abamia na bamia ba mbumbulusyo isyakubonekela pabwelu papapa apa (Uko ko kutalusya.), papapa apa. Ifimanyilo ni fiswīgo, kangi ukubonekela kwa Gwāndūmi pāsi pala, kangi ifikalatasi fifumwīsyé panja kangi kilikyōsa, kangi pōpe abāndu batiku... Nongwa ya fiki ikyēne?

⁹¹⁵ Lilino ilisiku limo, une ngusōka ngapo apa. Une nguswīga: "Ngimba bukuyaga buliku ubumalikisyō bwāngu? Ngimba ikyēne kimaliké? Ngimba ikyene kyo itolo? Une ndi ni fyinja malongo mana na lwele. Ngimba ikyene kili kifuki ukumalika?" Une nguswiga iki. Linga ikyene kyo...

⁹¹⁶ Kēta, nongwa ya fiki ikīsu kyōsa kikakyāgénie ikipicha pala? Nongwa ya fiki abēne bakakipilikisyé ikyēne nakalinga itolo? Nongwa ya fiki abēne batikupilikisyá ifindu ifingi ifi? Nongwa ya fiki abēne batikupilikisyá isololi isi ni findu? Umwe mumenye, abene batikufibona ikyene lilino, loli ilisiku limo une ngusōkamo nkisu, kangi akabalilo kāko une ngusōkapo, polelo abēne bisakukyāganía Ikyēne. Mwe bambo ba umwe bāndu bakeke mwisakukyāganía ikyo bo une mbükíle. Muketile? Lōli Kyāla akālitikisyá ukuti kibōmbigwége lilino. Mukuketa iki... umwe mukupilikisyá iki une ngusanusya. [Ubuyo ubusita kandu pa tepi—Nsimbi.]

⁹¹⁷ ...Itolo akakōsa akalini aka ndindwana. Aligwesa abagíle ukuya nako akene. Kangi une ngusübila Nkundwe Sothmann āyobíle ukuti umwēne áilekíle i Bāngéli limo apa akabalilo kabumalikisyó umwēne áli apa, une ngusübila. Aligwesa lyāga i Bāngéli, i—i Bāngeli iliyōnge pabwa apa? Linga umwe mukulyāga, ikyēne lyo lya Nkundwe Sothmann ukufuma ku Canada. Lilino unko uswe twīpúte.

⁹¹⁸ Ntwa, yaka gwakisa, bo ubukubanyimbo bukukubila pāsi kangi Nkundwe Neville yo ikupakaga na mafuta, Une nguya pakubíka amaboko gāngu pa babine mu Ngamu ya Yeso. Tupaga ikyene, Ntwa, panongwa ya bubumbulusyo bwābo. Ameni.

⁹¹⁹ Aligwesa iputa, lilino, aligwesa. Umma ndaga.

Ntwa, unnini uyu, bo umwisukulu gwāke ikwīma apa panongwa ya mwēne. Umwēne abēngéne nu lupyu, ulupyū lōsa. Lōli Ugwe uli na Maka gōsa kangi akīnítuakanini kakabagila ukuya nu lwītiko kuli kēne mma. Kangi polelo, Ntwa, une ndinalo i lwītiko kuli kēne, na bapāpi na bīsukulu kangi uswe tukuyoba, mu Ngamu ya Yeso, ukuti umwāna yula isakuyaga gwakubagila ukunwa ulupyū nukuya nu būmi ku lwīmiko Iwa Kyāla. Ameni. Ukwene kukuyaga mu njila iyo.

O, Kyala, umwene ikwiputila tāta gwāke. Une ngwiputa nu mwene ukuti Ugwe kumbumbulisyaga ugwiše nukumpa umwene kila iki umwene ikufūmbwa, mu Ngamu ya Kristi. Ameni.

⁹²⁰ Lilino, kipepe bule ikyene? Abāndu bikwīpūta, lōli ikyo kyo iki abāndu... Abēne bikulōndesya ikindu ikinywāmu kangi abēne bikutabania ikyēne. Kyāla ikutēndéka ikyēne kipepe. Ugwe kukitēndéka ikyēne kitabanikane kangi kupondwa ikyēne. Muketile? Itolo tēndéka... Unko ikyēne kiyenge kipepe ngati mūmo Kyāla āyobile: "Ifimanyilo ifi fisakukongaga abene aba bikwitika; linga abene bikubika amaboko gabu pa babine, abene bisakubumbulukaga," bo Kyala āyobile.

⁹²¹ Uswe tukubīka amaboko pa nkikulu uyu, Ntwa, uyu kalumbu gwītu imile apa, kangi umwene ali bumbulusigwaga uswe kabuno uswe tukusuma ikyene, mu Ngamu ya Yeso Kristi. Ameni.

⁹²² Tata, bo uswe tukubīka amaboko pa kalumbu, mu Ngamu ya Yeso Kristi, mu kukumbukila kya i Bāngéli nukumanyisya kwa Ntwa, umwēne ali bumbulusigwāga.

Tāta, mu Ngamu ya Kristi, uswe tukusumila ububumbulusyo bwa kalumbu gwītu, kangi une ngusūma ukuti Ugwe kwisakuntēndekāga umwēne nnunu mōsa bo uswe tukupilikila i Lisyu Lyāko, kisita kwilámwa kumokwēne mu linogono lyāngu lōli iki umwēne ābagile ukuya....?... Ameni.

⁹²³ Tata, uswe tukubika amaboko pa kalumbu, kangi tukusuma ukuti, mu Ngamu ya Ntwa Yeso, ukuti Ugwe kubumbulusya umwene nukuntēndeka umwene ayēge kanunu. Ameni.

Mu Ngamu ya Ntwa Yeso, uswe tukubīka amaboko pa nkundwe imitu gyitu kangi tukusuma ukuti Ugwe kuntēndekāga umwēne ukuya kanunu ku lwīmiko lwa Kyala.

Tata, mu Ngamu ya Ntwa Yeso, uswe tukumpaka kalumbu, nukubīka amaboko pa mwēne nukusūmila ulubumbulisyo lwāke mu Ngamu ya Yeso.

Tata Kyala, uswe tukubīka amaboko pa nkundwe gwītu, uswe tukusuma ukuti, mu Ngamu ya Yeso Kristi, mūmo uswe tukonelela umwene ukuti Ugwe kuntēndekāga umwēne ayege kanunu.

Tāta, apa, unkasi gwāke unganígwa....?... monelela umwēne nukubīka amaboko pa mwēne, ukusuma ikyēne, mu Ngamu ya Yeso Kristi.

⁹²⁴ Ntwa Kyāla, uswe tukupaka unnini Edith, ukubīka amaboko pa mwēne, kangi tukusuma mu Ngamu ya Ntwa Yeso Kristi ukuti Ugwe kupaga ubusume bwake.

Tāta, kwa māma gwāke, uswe yōpe tukupaka nukubīka amaboko pa mwēne nukusumila ku lubumbulusyo lwāke, mu Ngamu ya Ntwa Yeso Kristi, umwene ali bumbulusigwaga.

⁹²⁵ Tāta, uswe tukupaka ibwe ilipala ilinini ili ilya kikolo iki, akakuba ka ndumbula kanini, mu Ngamu ya Ntwa Yeso, ilisiku limo abikigwe ku Mwēne, kangi une ngusuma ukuti Ugwe kwisakubumbulusya akēne....?...

⁹²⁶ O Kyala, Ugwe umenye ukusuma kwa kalumbu gwītu kangi uswe tukupalisyा Umwene panongwa ya lwitiko lwāke ulukifu. Lilino, tukulamba ifindu fila ifi umweene asūmīle, ukuti . . .? . . . umwēne āsālīle nafyo akabalilo kāko umwēne āli nnini, kangi Kyāla, undugu alimmwabulaga unkīkulu mwābūke kangi alisaga umwēne ku kāya ali kanunu, Ntwa. Uswe tukwīputila unnyāmbala yula, yōpe, iki umwēne asūmīle, Ugwe ufīngīle, “Linga umwe mukusūma kalikōsa mu Ngamu Yāngu, Une nisakubōmba ikyēne.” Une ngusuma ukuti Ugwe kupaga ubusume ubu, mwa Ngamu ya Yeso. Ameni. Kyala akusaye ugwe.

⁹²⁷ Ntwa, bo ulundepa ulu lukufwa nkipulilo kya nkundwe gwāngu, uswe tukusūmila u būmi ukutupukila panja, bo uswe tukubīka amaboko pa mwēne nukusūma ikyēne, mu Ngamu ya Yeso, ukuti ulutepa lula lwisakuyaga kanunu.

Tāta Kyāla, uswe tukubīka amaboko pa kalumbu gwītu ukufuma pakumpaka umwēne na mafuta, mu Ngamu ya Ntwa Yeso Kristi, uswe tukusumila ku bubumbulusyo bwāke. Ameni.

⁹²⁸ Tāta Gwakumwanya, bo u kalumbu gwītu imile panongwa ya buponjoli ubukulumba ubwingi fiyo Ugwe untwelemo panja, umwēne ikwima panongwa ya yumo mwa bāmbombo Bāko, u ndumbilili, gwalutende fiyo; indumbula yītu iya kibabilisi yikubūka ku mwēne uswe tumenye iki umwēne ikukīndamo. Une ngusuma, Kyāla, ukuti Ugwe kwisakupaka ukalumbu gwītu panongwa yakwīma apa panongwa ya mwēne kangi mpake umwēne ku bubumbulusyo bwāke. Une ngwiputa, mu Ngamu ya Kristi. Ameni . . .? . . . U Ntwa amenye . . .? . . .

⁹²⁹ Kinunu. Une nsangalwike. Uko ko naloliloli kupaka kwa Ntwa. Ntwa Kyāla, ukufuma pāpo unkīkulu uyu aponile ukufuma ku isyētano ili umwēne alwīle nalyo ku fyinja, ilisiku limo Ugwe gwālintumile umwēne ukwisa ku nyumba pala kangi polelo u Mbepo ikwisa pasi, “ISI SYO IKUTI UNTWA,” bo umwēne akūtīle, umwēne ālambalele pa kigemo, umwēne ābōmbile kilikyōsa iki umwēne āmenye akabōmbelo, loli ikyene kyālyēgīle ISI SYO IKUTI UNTWA. Lilino, umwēne yo ikwīsila u mwāna gwa ulilumbu gwāke uyu ikutēka; ukutoligwa ukwēnda, atalile ukukindapo ikyinja mbukusi. Une ngusuma, Ntwa, ukuti Ugwe kupaga ulusayo lwa Kyala ku mwēne mu Ngamu ya Yeso Kristi. Hobwike fiyo panongwa ya ikyo, kalumbu, kuboneka nubukīndane, nugwe. Kangi ugwe uli injila indali ukufuma kukufwa lilino, bule ugwe?

Tāta Kyāla, uswe tukusuma ukuti Ugwe kusayaga u kalumbu gwītu bo uswe tukumpaka umwēne kangi tukubīka amaboko pa kwēne nukusuma ukuti ikindu iki Ugwe gwāyobíle: “Ifika ifi fisakukōnga bala bābo bikwitika. Abēne bisakubīka amaboko pa babine, abene bisakubumbulukaga.” Uswe tukwīkōléla

ukuya bitiki, gwe Ntwa, polelo uswe tukusuma ukuti Ugwe kubomba ikindukimo, mu Ngamu ya Yeso...?...

⁹³⁰ Tata Kyala, bo mmenye indumbula iya nkikulu unnini uyu, akabalilo kako umwene önile iyéne panja, uswe tukusuma ukuti Ugwe kuyaga gwakisa ku mwéne kangi paga ubusumilo ubu umwéne asümile. O Täta Kyâla, pnongwa ya kikolo kyâke, panogwa ya bâna bâke, undumiana gwâke, fiyofiyo, Kyala, une ngusuma lilino, ukuti Ugwe kupaga ifindu ifi...?...ni ndumbula yangu yosa, une ngusuma ikyene, mu Ngamu Yeso. Ameni.

Täta Kyâla, mumo uswe tukonelela na mafuta, kangi tukwîputa pa mwéne mu Ngamu ya Ntwa Yeso, ukuti Ugwe kumbumbulusyága umwéne nukuntëndeka umwéne ayege kanunu ku lwîmiko lwa Kyâla.

⁹³¹ Ingamu yako yitikuboneka ukuya West, bule iyene?

Täta, uswe tukusumila umwehe unnini. Umwéne ikunsumila ugwise. Lilino, une ngusuma ukuti Ugwe kupaga u täta gwake, kôlélâ pa ndumbula yâke, Ntwa. Umwéne ikulönda umwéne apokigwa. Umwéne atikulönda umwéne ayege nkîsu mûmo ayîlîle, uyu, umwâna gwâke mwâne, uluyungu lwâke. Une ngusuma, Täta, ukuti ugwe kuyaga gwakisa ku mwéne, mu Ngamu ya Kristi.

⁹³² Akusaye ugwe, mwanundindwana gwângu, Kyâli alikupaga kwa ugwe ikindu ugwe usûmîle.

Gwempala Kyâla, uswe tukunsumila umwéne, kangi uswe tukusuma ukutu Ugwe kuyaga gwakisa, bo uswe tukumpaka umwéne...?...



MALĀLŪSYO NA MĀMÚLO BAHIBURI KIYABO III KYA57-1006

(Questions and Answers on Hebrews Part III)

KAYÍLO, LUBATIKO NI KIMANYISYO KYA KIPĀNGA IMBĀTIKÀNO

Ubulumbilili ubu butwalingwe nu Nkundwe William Marrion Branham, ubu pakwanda bwatwalingwe nki Ngereza pa Ndungu namayolo, Okutobala 6, 1957, ku Branham Tabernacle mu Jeffersonville, Indiana, U.S.A., bwiegigwe pa busimbe bwa tepi ya magneto kangi busimbigwe kisitakutumula mu ki Ngereza. Ukusimba ukwa mu Kyangonde ubu bwasanusigwe nu kuyabanisigwa na ba Voice of God Recordings.

KYANGONDE

©2022 VGR, ALL RIGHTS RESERVED

VOICE OF GOD RECORDINGS

P.O. Box 950, JEFFERSONVILLE, INDIANA 47131 U.S.A.

www.branham.org

Ukusasania isya kwegwelelakwegelela

Ukusoka isya kwegelelakwegelela. Ubwabuke bosa bukanisigwe. Ilibuku ili libagile ukubindikisigwa mfikalatasi pa kompyuta ya kunyumba ukuti ufibombelege imbombo yuyugwe pamo ukubayabilako abangi, kisita kuhombigwa, fiyege fyombo fyakubombela imbombo pakusasania Inongwa inunu isya Yeso Kristi. Ilibuku ili likabagila ukuulisigwa, pamo ukubindigwa ukuti gayege mingimingi, pamo ukusanusigwa pa webusaiti, pamo ukubikigwa mmakina agakusungasunga, pamo ukusanusigwa mu ndimi isingi, pamo ukulibombela imbombo iyakusyagilamo ihela kisita kwitikisigwa mwakalata unsimbigwe ugwa Voice Of God Recordings®.

Linga kulonda upilike inyingi pamo ifyombo ifingi ifi filipo ulisimbilaga ku:

VOICE OF GOD RECORDINGS
P.O. Box 950, JEFFERSONVILLE, INDIANA 47131 U.S.A.
www.branham.org